




BIBLIOTHECA
UNIV. JAGELL.
CRACOVENSIS

938


Mag. St. B.


I



938

I





BIBLIOTHECA
VNIV. AGELL.
CRACOVENSIS



IOANNIS DE CVRIIS
DANTISCI
EPISC. OLIM VARMIENS
P O E M A T A
ET
H Y M N I
E


BIBLIOTHECA ZALVSCIANA



RECENSUIT
PROOEMIUM ADIECIT
IOANNES GOTTLOB BOEHMIVS

HISTORIOGR. SAX. HIST. PROF. LIPS

PAST. ARC



VRATISLAVIAE
APVD GE. GOTTL. HORNIVM

A. MDCCCCLXIII

1764



JOHN D. EVANS

DARTMOUTH

BRIDGE, NEW HAMPSHIRE

P. O. E. M. A. T. A.

IT

H. Y. M. N. I.

BRIDGE, NEW HAMPSHIRE

938
I

THE NEW HAMPSHIRE

BRIDGE, NEW HAMPSHIRE

BRIDGE, NEW HAMPSHIRE

BRIDGE, NEW HAMPSHIRE

BRIDGE, NEW HAMPSHIRE


BRIDGE, NEW HAMPSHIRE

BRIDGE, NEW HAMPSHIRE

BRIDGE, NEW HAMPSHIRE

BRIDGE, NEW HAMPSHIRE

BRIDGE, NEW HAMPSHIRE



AD
AMPLISSIMUM
CIVITATIS DANTISCANAE
SENATVM

Recte mihi facturus sum visus, ILLV-
STRES ET AMPLISSIMI VIRI, si haec
Ioannis de Curiis Dantisci, popularis Vestri,
poemata, quae multifariam adhuc dispersa,
nunc meo studio vnum in corpus redacta in
publicum exeunt, ad Vos mitterem, nomi-
nunque Vestrorum splendore illustrata, omni-

bus harum elegantiarum studiosis hominibus tanto magis commendarem. Quae enim complurium, inter Vos, rara ingenii doctrinaeque praestantia est, qui omnium erga bonas literas praeclarus animus, quae humanitatis reliquarumque virtutum Vestrarum eximia laus, facile me in spem hanc pergratam perque iucundam sum passus adduci, fore, ut non modo hunc, qui Vobis a me consecratur, libellum lubenter accipiendum, sed etiam ipsam, cuius is tamquam pignus aliquod esset, voluntatem, erga Vos, meam benevolentia mutua complectendam putaretis. Etsi enim huius voluntatis meae nec tenues neque obscuras significationes iam in alio maiori Opere, in Actis Pacis Oliuensis, quorum editioni accepi Vos impense fauere, ad posteritatis memoriam exflare volui: tamen eius tanta est magnitudo, ut intra unius libri velut cancellos cohiberi non possit, sed in plures partes se diffundere gestiat.

Nec

Nec vero me, quo minus ad haec Dantisci carmina prooemiaturus Vos adloquerer, deterruit illius quaedam a patria voluntatis alienatio: de qua erit infra commodior differendi locus. Ad quem enim magis, quam ad Vos, huius poetae carmina pertinent? quum eius ingenium in vrbe Vestra, tamquam in vberi atque foecundo solo, et natum, et a teneris annis omni doctrina excultum fuit. Est haec vera et perpetua vrbis Vestrae gloria, quam Vos a maioribus acceptam non modo tuemini, sed etiam prudentia Vestra plurimum amplificatis, quod semper nobis ingenia tum excellentia pariat, tum liberali et pulchra doctrina excellenter instituat. Nullum profecto est diuinae humanaeque sapientiae genus, in quo non ciuitas Vestra praestantissimos aliquot viros protulerit: quos partim ipsa fouit, partim aliis ciuitatibus et scholis commodauit. In his mea aetate quasi quoddam lumen effulsit Io. Iacobus Mascouius, rei publicae ac litterariae

Lipſicae quondam eximium decus, idemque
meus praeceptor: cuius nomen et Vobis iu-
cundum, et mihi ſanctum, vt hoc loco po-
nerem, illud me admonuit, quod is crebra
laudatione, qua ſummum Dantiſci ingenium
proſequebatur, me ad eius notitiam primus
perduxit. Ego autem nunc mihi videor le-
gendi adſiduitate, ac paene curioſa ſedulitate,
obſeruaffe nonnulla de illius vita, ſtudiis et
moribus, quae vulgo minus cognita hic com-
memorare conſtitui; non quod ea Vobis in-
comperta eſſe putem, ſed quod Vos popula-
rium Veſtrorum laudes ex me lubentius, quam
Veſtras ipſorum, licet meritiffimas atque candi-
diſſimas, de quibus aegre taceo, audietis.

Natus eſt igitur Ioannes Dantiſcus in Veſtra,
vnde ſibi cognomen adſumfit, florentiſſima
vrbe, anno octogefimo quinto poſt mille et
quadringentos, loco tenui, ſed tamen honeſto.
Genus eius paternum ad familiam non igno-
bilem *von Hoefen*, hoc eſt, de Curiis, re-
fe-

ferenti Philippo Frenkingio (in Or. de vita et moribus Io. Dantisci,) facile credam, vtpote illi propinquitate iuncto: quamquam non sum nescius esse haud paucos, quibus non gentilitio nomine, sed ab assiduitate in Principum Curiis, Dantiscus ita adpellatus esse videatur. Erat autem, per diuturnas superioris in Prussia belli aduersitates, calamitas istius familiae tanta, vt Ioanni, auo Dantisci, relictis penatibus in Dantiscanam urbem delato, res vere ad restim, hoc est, eo redierit, vt restibus faciendis victum quaerere cogeretur. De quo, finite, vt, quem modo memorauimus, Frenkingii ipsa verba adscribam. “Quumque non esset, „quod esset, inquit, forte cum comite suo „impubi ad illam accessit aream, vbi restiarii „suum exercent opificium: conspicatus ibi linum in fascies colligari, se quoque eiusdem „artis gnarum profitetur.“ Ab hoc opificio quum ei deinceps vernacula lingua nomen Linodesimonos (*Flashsbinder*) impositum esset,

id non modo ipse tenuit, verum etiam posterif
fic aliquamdiu in amore habuerunt, vt et Dan-
tiscus, iam ad altiorem locum euectus, eo voca-
bulo adpellare se publicis ingenii monimentis
haud dubitaret. Nullum tamen hic aliud no-
men aut magis amauit, aut crebrius vsurpauit,
quam illud, quo se ciuitatis Vestrae alumnus
profiteretur: idque non tam Seculi more,
quam quod plurimum inde sibi met decoris et
commendationis accedere intelligebat.

Puer ingenio iam eminens, quum ad operas
patris (is potum ex hordeo coquebat,) depri-
mi se nullo modo pateretur, in ludum publi-
cum ad litteras addiscendas est missus. Ex
quo tempore quasi Musarum sinu receptus,
liberalium artium studiis adeo animum indu-
striamque omnem adplicuit, vt, quamquam
vixdum ex ephebis egressus in aulam iam at-
que in castra abstraheretur, tamen illa dein-
ceps in Romano Gymnasio Cracouiensique
Academia multo etiam diligentius tractaret,
magis-

magisque ac magis excoleret. Et Cracouiae quidem vt in aliis artibus alios excellentes magistros, sic in poetica, ad quam naturae ingeniique impulsu ferebatur, praeceptorem selectatus est Paullum Crosnensem, praeclarum virum; de cuius promeritis laudibus quosdam illius versiculos loco suo reddidi. Per ea tempora Dantiscus ingenii praestantia exercitationisque assiduitate celeriter id adsequutus est, vt carmine pangendo, cum aequalibus, posset de laureola contendere. Non inuoluam silentio vnum insigne istiusmodi contentionis ab Ioachimo Camerario (in Vita Helii Eobani Hessi,) traditum exemplum: quod, nescio quomodo, praeterfluere passi sunt ii, qui res Dantisci data opera sunt prosequuti. Sed illud ego verbis malim Camerarii disertis et politis, quam meis horridis et incultis proferre. "Erat „Gedanensis quidam, inquit, aequalis ferme „aetate Eobano, neque corporis specie longe „inferior, inferior tamen, pariter et ingenio

„minor, qui patria adpellatione se Dantifca-
„num (*Dantiscum*) nominaret. Inter quos
„praeclara contentio exstitit ingenii et erudi-
„tionis, quum alter alterum operibus Musi-
„cis, initio sane, vt accepiimus, aliquanto
„infestius prouocaret. Sed Dantiscanus, vir
„prudens, celeriter sensit, quam longe in hoc
„spatio ab Eobano relinqueretur; et ingenua
„confessione primas Eobano concessit, et ipse
„aliam laudis ac praestantiae viam ingressus
„fuit. Nam Sarmatico Regi se adiunxit: cu-
„ius nomine legationibus ad alios Reges et
„Principes functus, ad dignitatem et opulen-
„tiam maximam peruenit.“ At vero neque
Dantiscus ita de ingenio suo desperauit, vt non
id porro, magna sua cum laude, huiusmodi
certaminibus experiretur; velut in Vindobo-
nensi congressu, cum Richardo Bartholino,
praestantissimo poeta: nec Eobanus vmquam,
seu modestia, siue conscientia, principatum
istum agnouit, sed in Dantisco semper diui-
nam

nam indolem atque ingenii vim, et efferuescentem quasi calorem poeticum, summis laudibus extulit, ac vehementer suspexit.

Quamquam autem, ut Vos, AMPLISSIMI VIRI, nosse scio, non vni tantum, sed pluribus ex ordine Sarmaticis Regibus (ipse modo tres, modo quatuor enumerat,) sese adiunxit: omnium maxime tamen coluit et adfectatus est Sigismundum, a quo et grauissimis admotus negotiis, et splendidissimis legationibus cohonestatus fuit. Erat enim in tanto Principe etiam litterarum amor, et iudicii quaedam in aestimandis ingeniis acrimonia et elegancia: quibus rebus necessario factum est, ut et homines docti benigniter fouerentur, et litterae ipsae magis ac magis prouerentur. Igitur ad hunc Dantiscus quum primum a Petro Tomicio, optimo et eruditissimo Praefule, quasi comitantibus Musis, deductus esset, mox in illius se gratiam ita insinuauit, ita illius iudicio probatus fuit, ut inter Regiarum epistolarum
feri-

scriptores cooptaretur. In quo munere administrando, et multo magis in legationibus obeundis, conspecta est eius eximia et expedita non modo Latini sermonis, sed, ut Ioannes Campensis in Epistola, praemissa Paraphrasticae Psalmorum Interpretationi, testatur, ferme omnium totius Europae linguarum cognitio: praeterea prudentia, sollertia, probitas. In primis Regiae potestatis atque auctoritatis tuendae et amplificandae adeo studiosus fuit, ut Anciliorum et nominis, ut sic dicam, oblitus aliquando, more maiorum ac patriae institutis prae illa neglectis, nil vereretur in causa, nescio qua, ad Regem prouocare. Sed quid ego haec, praesertim in tali epistola, refri-
cem? Illud perscribam lubentius, cuius memoria et Dantisco honorifica, et Vobismet ipsis iucunda, et iis denique omnibus, quorum studia in cognoscendo atque illustrando prisco patriae statu laudabiliter occupantur, non ingrata fore videtur. Exercebat adhuc
illo

illo tempore veterem suam auctoritatem, in Vestram pariter atque in alias Prussiae ciuitates, (iure, an iniuria, nunc non dixero,) Camerae Imperii, vt vocant, Iudicium. Eam auctoritatem quum Vestri maiores, quod pars iam facta essent Reipublicae Polonae, diutius ferre nollent: Sigismundus Rex Dantisco, ad Carolum Quintum Caesarem ablegato, ius vrbis Vestrae, quod idem erat suum ipsius, adferendum commisit. Nam in tabulis mandati, cuius exemplum inter Acta Petri Tomicii Publica, ad me benignissime transmissa, ante oculos mihi est, praeter alia hoc erat: "Peten-
„dum a Caesarea Maestate, vt ciues Geda-
„nenses et Elbingenses non euocarentur ad
„Cameram Imperialem, nec illis imponeren-
„tur vllae solutiones, quum Regi et Regno
„Poloniae subiecti sint, et non alteri." Quod quidem negotium quanta studii atque industriae contentione Dantiscus agitauerit, documento sunt complures ipsius ad Regem, ad
Pe-

Petrum Tomicium, scriptae epistolae. Nec sane in illo persequendo nullum operae pretium fecit.

Fuerat autem Dantiscus iam ante functus legati officio ad Venetos, paci inter eos et Maximilianum Caesarem perficiendae. Quae fancita anno supra millesimum quingentesimum octauo et decimo, haud diu post ad Carolum Quintum missus, praeter Germaniam semel iterumque adiuit Belgium, et Hesperiam vtramque; iturus etiam, ut ipse ad Sigismundum Regem scribit, si ita iussisset, ad Garamantas et Indos. Nihil enim omnino esse, quod illius causa vel difficile putaret, vel ut periculosum detrectaret. Hac in legatione ferre indiuisus Caesaris comes, (quippe illi egregiis ingenii atque animi dotibus carus in primis et dilectus,) quot praeclarissimas res aut prudenter molitus, aut feliciter prosequutus sit, longum foret commemorare. Praecipue Pruthenicam causam, h. e. Alberti, primi Prusorum

forum Ducis, dignitatem et clientelam aduersus
Theutonicorum Equitum Ordinem, immo ad-
uersus ipsius Imperii Romani potestatem, ma-
gna ingenii atque eloquentiae vi propugnauit:
cuius rei velut aliquod specimen, “Defensio
,, Alberti Ducis contra citationem, ab Imperio
,, factam, Ratibonae in Comitibus anno mille-
,, simo quingentesimo tricesimo secundo exhi-
,, bita,“ quam formulis descriptam vulgari pas-
sus est, in hominum doctorum manus perue-
nit. Superfedeo ad Vos, ILLUSTRES ET
AMPLISSIMI VIRI, plura huiusmodi scribe-
re, quae vel ipsi historiae praesertim patriae
scientissimi memoria teneatis, vel pro eximia
popularis Vestri celebritate, proque Vestra
ipsorum elegantia, facundius atque splendidi-
us enarrari atque exornari velitis.

Incidit autem Dantisci haec, de qua dixi,
legatio in grauiissima tempora non solum Po-
lonae Reipublicae, sed etiam Romani Imperii,
et fere omnium gentium Christianarum. Nam

et Hungaria et Polonia, a Turcis, immanissimis hostibus, altera etiam a Moscis, infestata: Germania omnis civilibus discordiis concussa: Christianorum Principum animi adeo diffracti atque diuulsi mutuis odiis, ut ne Pontifici quidem cum Caesare conueniret. Itaque in Italia quoque dira bella arserunt: nec ipsi Romae victoris pepercit ferocitas. Per id aetatis Dantiscus, obita etiam ad Clementem Pontificem de grauissimis rebus legatione, pugnam ad Ticinum pugnatam, Gallorum fractam virtutem, Regemque captum vidit: vidissetque, nisi in Hispaniam reditum maturasset ad Caesarem, vastatam Romam,

Et multo Tybrim spumantem sanguine, ut poeta ait. Interfuit tamen aliquo tempore post, quum iam debellatum inter Caesarem atque Pontificem esset, Bononiensi congressioni: in qua Pontifex Caesarem, duplici corona et Italica et Romana redimitum, validissime sibi conciliauit. Hac animorum coniunctione

atione vsus Dantiscus in publica commoda, vtrumque ad reparandam inter Christianos concordiam, contundendamque Turcarum vim et immanitatem, cohortatus est tam graui tamque pio carmine, vt vel hinc, quantum et auctoritate floruerit, et studio rei Christianae fuerit inflammatus, clarissime nobis patefcatur. Inde in Germaniam cum Caesare delatus, venit ad illa Comitua Augustana, quorum memoriam Euangelicae doctrinae professio ad omnem posteritatem nobilitauit. In iis, praeter alios complures illustri pietatis et eruditionis laude fulgentes viros, Philippum Melanchthonem vidit, eundemque multis et splendidis egregiae voluntatis atque amoris significationibus cohonestauit. Quem honorem a tali viro, praesertim tali tempore, habitum sibi vehementer admiratus Melanchthon, etiam epistola ad eum perscripta, quae inserta est Illustrium Virorum selectis ad Dantiscum epistolis, amantissime praedicat.

„Gaudebam, inquit, mihi occasionem offer-
„ri significandae tibi gratitudinis meae. Ete-
„nim, quum me singulari beneuolentia com-
„plexus sis, in eo praesertim loco, in quo
„nobis etiam coniunctissimorum hominum
„studia defuerunt, facile perspexi insignem
„humanitatem tuam, teque tum propter ali-
„as virtutes egregias, tum vero propter hanc
„humanitatem, homine docto et sapiente di-
„gnissimam, vehementer amare coepi.“ Dan-
tiscus autem in isto Augustano conuentu,
quemadmodum postea in Ratisbonensi, Pru-
thenicam inprimis causam, de qua ante dixi,
egregio studio actitauit.

In ea legatione annis exactis ferme duo-
decim, totque ac tantis negotiis perpetratis, in
patriam tandem, velut in tranquillum portum
relatus, haud diu post idem hoc ingens itera-
re aequior coactus est. Cuius rei causas licet
ex Corn. Duplicii Scepperi, viri sane quam ma-
gni, litteris ad ipsum, anno millesimo quin-
gente-

gentesimo quinto et tricesimo, scriptis non
obscurè perspicere: quarum aliquam partem
non possum facere, quin hoc loco adiciam.
„Quem nostri generis, et in aula versatum,
„latent merita tua? Quis diligentiam et in-
„dustriam, quam aulae ingratae impendisti,
„ignorat? Sane, vtcumque alii ista interpre-
„tentur, ego illi ex animo fauere non pos-
„sum, etiam si solum esset, quod te inaudi-
„to tam facile protulerit. Deferuntur qui-
„dem subinde boni viri: at contra illos non
„nisi a malis creditur. Tu vero pie fecisti,
„qui quum fruaris optima conscientia, tam
„facilis fuisti ad ignoscendum, vt ne recor-
„deris quidem eorum, quae aduersum te ha-
„bueris. — Interea non est, quod de Cae-
„saribus erga te benignitate diffidas. Conspi-
„rent illi aduersus innocentem: at illum ma-
„gis tuebitur sua conscientia, quam quiuis
„Aiakis clypeus. Iam quod denuo mitti cu-
„pisti ad munia legationum, ne existimarent
b28
** 3 „adhuc

„adhuc sinistram de te haberi opinionem, per-
 „quam gratum est intelligere, te ea esse vale-
 „tudine, ut adhuc eas obire queas. Sed quod
 „grauate eas suscipis, prudenter, ut omnia,
 „facis. Venisti enim ad stadium: neque opus
 „est amplius, ut tibi nomen diligentis et in-
 „dustrii pares.“ Igitur insequuti anni aesta-
 te, rursus in Comitibus Ratibonensibus Dan-
 tiscum adfuisse, docuit me quidem epistola
 Eobani Hessi ad Martinum Haecum, (Epist.
 Lib. X. p. 239.) in qua hunc ipsum diserte ait
 potuisse illo tempore, illaque in urbe, prae-
 sentem conuenire Dantiscum, virum omni-
 um, qui viuerent, optimum. Fuerat autem
 ei tum commissa inprimis cura conciliandi
 connubii inter Sigismundum Augustum, Po-
 loniae Regium Principem, et Elisabetham
 Austriacam, Ferdinandi, Romanorum Regis,
 filiam: quod connubium deinde aduersa Iu-
 none initum, neutrius votis respondit.

Sed

Sed de his ceterisque negotiis, apud Caesarem, Pontificem Romanum, Regem Britannum, (nam ad hunc quoque orator aliquando accesserat,) aliosque, bene ac praeclare a Dantisco gestis, tum demum, quum in lucem prodierit ipsius de legatione sua narratio, cuius a Thoma Tretero in Varmiensium Praefulum elogiis memoria est iniecta, pleniorrem atque adcuratiorrem notitiam habebimus. Etenim Hilario Bartelepno Ledaeo teste, in praefamine, Epitaphiis praemisso Mercurini Gattinariae, sollemne atque usitatum Dantisco erat, ut siue otiosus, siue negotiosus, priusquam dormitum iret, non solum totius diei acta, Pythagoraeorum more, studiose animo repeteret ac recenseret, sed etiam vel visa acute, vel cogitata prudenter, quotidie in Diario suo perscriberet. Igitur ex hoc quantum lucis Historiae, quantum ipsi Dantisco laudis accedet! Quot dicta egregia, quot res dictu etiam mirae innotescant! Nam, ut hoc

vtar, quod item a Bartelepho proditum est, Dantiscus aliquando ex istis Commentariis clarissime ostendit amicis quibusdam suis, praecognitum ab se tamquam Apollinis monitu fuisse non diem modo, sed paene horam, qua Mercurinus Gattinaria, vir sua aetate maximus, humanis rebus esset exemptus.

Iam vero in illo splendidissimo legationum officio prudentiam, assiduitatem, virtutem, etiam litterarum exquisitam doctrinam ipsis quoque Caesaribus ita probauit, vt magnis eum praemiis atque honoribus prosequerentur. Et litterarum quidem doctrina, quanto magis nunc prae fortuito natalium ac diuitiarum splendore despicitur, tanto magis tum in viris talia munera sustinentibus et requirebatur, et celebrabatur. Itaque Maximilianus Caesar in Vindobonensi congressu Dantiscum, prout ipse alicubi narrat, patricia et equestri dignitate, adhaec laurea et iurium fascibus decorauit; quos falso nonnulli tradunt

dunt Bononiae ab eo sumtos fuisse. Sed his alia, eaque maiora ornamenta vel addidit, vel addere voluit Carolus Quintus: cuius is tanta gratia ac paene amicitia florebat, ut ne inuidiae quidem obreclatio et malignus dens aduersus eum aliquid posset. Primum autem Dantisco gentilitia insignia, ut verbis eius utamur, nigram niueamque Iouis alitis alam, contulit, tanto ei magis iucunda illa et honorifica, quod tale decus et sibi, et bonis omnibus promeruisse videretur. Porro, ne tam egregiae viri virtuti alia illustriora praemia deessent, Caesar eum cooptandum in sacrum Senatum Pontifici commendauerat, magno studio: quippe Caesaream Maiestatem scribit Ioannes, Archiepiscopus quondam Lundensis, in epistola ad Dantiscum, anno tricesimo octauo supra millesimum quingentesimum data, omnia fieri clementer curasse ea, quae pro illius dignitate et ornamento essent. Sed vir, minime adpetens magnae ac splendidae fortunae,

tunae, satius duxit procul ab ambitione in
Praefulatus nuper sibi commissi officio acqui-
escere.

notab. Sacerdotium per plures annos Columbae,
(oppidum est Cracouiensis ditionis,) habue-
rat non nisi tenue, nec, quam summa cum
laude tum sustinebat, Regii Oratoris persona
satis dignum. Tametsi enim singulari Regis
optimi et benignissimi fruebatur fauore, Pro-
cerumque beneuolentia: quo minus tamen ad
excelliorem dignitatis gradum mature perue-
niret, Bona Sfortia Regina, magis vocabulo,
quam re bona, obstitit. Qua muliebri iniu-
ria sic aliquando exacerbatum est tam mite
viri ingenium, illam vt acriori epigrammate,
quod in Carminum Libro inuenietur, pun-
geret. Itaque iam nimium diu neglectus vi-
deri poterat, quum tandem resipiscente quasi
fortuna, post minora alia beneficia, est Prae-
fulatum nactus Culmensis, & ex eo denique,
anno illius seculi septimo et tricesimo, ad

Var-

Varmiensem euectus. Hic est Varmienſis
Praefulatus in Sarmatis Pruſſiſque late con-
ſpicuus, non modo propter ipſius amplitu-
dinem, ſed etiam propter Praefulum digni-
tatem, et partam virtute ac doctrina gloriam:
quam noua nunc luce illuſtrat Reuerendiſſi-
mus et Celiſſimus Princeps, ADAMVS STA-
NISL. GRABOVIVS, pietatis, ſapientiae eru-
ditioniſque fulgentiſſimum ſpecimen. Quod
tantum tamque eximium nomen vt ne hoc
loco tacitum illaudatumque omitterem, prae-
ter incredibilem obſeruantiam ſpes me inci-
tauit inprimis iucunda, fore, vt hanc noſtram
editionis curam, hiſce Poematum impenſam
Libris, tam benignus et intelligens litterarum
Patronus nutu ſuo comprobaret. Illa autem
tempeſtate, vt, vnde abiit, eo reuertatur ora-
tio, tam ſingularis Veſtratibus, AMPLIſſima
VIRI, habitus fuit honos, vt eumdem ad
Pontificatum tres ex iis ordine (quales et quan-
ti viri!) euocarentur. In his Dantiſcus, ſic-
uti

uti pari pietatis virtutisque laude insignis, ita ingenii et doctrinae ornamentis multo etiam pulcrioribus enituit.

Iam primum quanta pietas eius, non solum pectori atque animo impressa, verum etiam carmine et factis declarata! Quae in illo quidem tanto magis spectanda atque admiranda est, quanto magis genio olim suo, (quid enim diffiteamur, quod ingenue est ipse confessus?) inter aulae delicias et oblectamenta indulserat. Et enim iuuenis neque alienus ab amoribus, et vino deditissimus fuit, non suo magis, quam Seculi vitio: quo abreptum etiam Stanislaum Orichouium, aequalem Dantisco, ac rerum Polonarum florentissimum auctorem, narrat Antonius Maria Gratianus, (de scriptis inuicta Minerva, Vol. II. p. 111.) qui illum tradit solitum fuisse gloriari, „numquam se, nisi „perbene potum, ad scribendum accessisse; „tum suum disertum stilum, tum res, tum „verba paria rebus, fluxisse sibi, quum mero „peni-

„peritus incaluisselet.” Verum Dantiscus haec
et talia pensavit magnis ac praeclaris virtuti-
bus, integritate, candore, liberalitate, quam
egregiis documentis expertus est inprimis Eo-
banus Hessus, tantis aliquando rerum pressus
angustiis, ut e suo museo Homérico, hoc
est, quemadmodum ipse interpretatur, paene
mendico, sed tamen poetico, ad Io. Ferra-
rium scriberet, (Epist. Lib. VIII. p. 208.) ne
ad candelas quidem faciendas pretii sibi tan-
tillum suppetere. Erat autem illi vetus cum
Hesso amicitia, inita olim atque contracta stu-
diorum, quod arctissimum vinculum est, si-
militudine. Quo eodem vinculo obstrictus
fuit et aliis bene multis praestantibus excel-
lenti doctrina viris, Nic. Copernico, Sigism.
Herbersteinio, Rich. Bartholino, Vrsino Ve-
lio, Ge. Sabino, Iac. Spigelio, Io. Secundo,
Io. Campensi, et illis sapientiae divinae hu-
manaeque triumviris, Phil. Melanchthoni,
Ioach. Camerario, Erasmo Roterodamo, a
quo

XXVIII PROOEMIUM

quo illi Basilii de Spiritu S. Liber docta et eleganti epistola est inscriptus. Reliquos, quorum est infinitus numerus, silentio praetermitto: vnum adhuc laudari a me fas est Cornelium Duplicium Scepperum, fidum Dantischi, vt Hilarius Bartelephus et ipse iunctus vtrique consuetudine ait, Achaten, obitque honestissimis legationibus, ac ciuilis prudentiae studiis, et mirifica etiam ingenii vi parem illi ac secundum. Nam et carminis pangendi facultate sic pollebat, vt idem Bartelephus scripserit, dum remitteret animum, dum latrunculis luderet aut tesseriis, istiusmodi epigrammata fecisse, qualia ne possent quidem, qui hoc solum, vel ex professo, agere viderentur. Amicitiae autem cum Dantischo sanctissime cultae monimenta reliquit, ad omnem posteritatis memoriam peruentura, complures ad illum epistolas, ex Prussicis manubiis quondam illatas in Vpsaliensem Bibliothecam, atque inde non ita dudum ab Ernesto

Ioach.

Ioach. Vuestphalenio, viro illustri, inter Cimbrica Monimenta editas. In ceteris amicis, natalium dignitatumque splendore conspicuis, haud scio, an vlllo Dantiscus sit magis laetatus, quam Ferdinando Cortesio, Hispanorum clarissimo duce: cuius ex animo quamquam alio sub sole, alio in orbe terrarum degentis, haud effluxisse sui memoriam, ipsemet non sine gloriatione memoravit. Neque minori studio Mercurinum Gattinariam, Cardinalem, ac Caroli Quinti summum scriniorum Magistrum, et vivum coluit, et mortuum non modo ipse pulcro epitaphii honore prosequutus est, verum etiam, vt idem facerent poetae sodales, exemplo et auctoritate sua perfecit: quorum carminum, olim a Bartelepho collectorum, fasciculus ita se oculis hominum doctorum subtraxit, vt si absque Schelhornio, literatissimo viro, fuisset, is nec in meam notitiam facile pervenisset.

Possẽm,

Possem, VIRI ILLUSTRES, si nostram tenuem operam praeclarum Dantis nomen posceret, in hanc rem plura commemorare. Sed quum ego nec epistolae modum excedere, nec Vos ab ingressu, in hos amoenissimos quasi hortos Musarum, diutius remorari velim per longa diuerticula, ne de doctrina quidem eius multiplici atque eleganti copiosius exponam. Inerat autem ei exquisita iuris facri ac ciuilis intelligentia; pulcerrimarum rerum non solum illa ex Philosophorum libris quaesita, sed ex omnis aevi, omnium populorum historiis plenius hausta cognitio; facundiae tam eximium decus, vt et Pontifex Romanus, et Curiae Romanae disertissimi Senatores in eius admirationem pertraherentur. Praeter haec studium et sollertia per omnem vitam summa. Adeo quidquid a grauioribus curis superesset otii, bonis litteris impendebat, atque, vt historiae lumen posteritati et ipse praeferret, rebus egregie gestis illustrandis
iden-

identidem operam admouebat. Exstat de victoria Sigismundi Regis, a Moldaviae Duce reportata, brevis, sed luculenter scriptus, dicatusque Stephano Gabrieli, Archiepiscopo Barrensi, libellus: pleraque alia aut numquam typis mandata, aut abscondita bibliothecarum penetralibus, quamquam luce dignissima, oculuntur. Ipsa eius carmina ut delituerunt huc usque! ut obliuionis iniuria paene oblitterata sunt! Duo tamen fuerunt et insignium meritorum magnitudine, et egregiae virtutis atque eruditionis gloria, et singulari in optimas artes amore, gemini, alter Stanislaus Hosius, quondam Cardinalis, ac Varmiensium Praeful, alter Seculi nostri praeclarissimum ornamentum, IOSEPHVS ANDREAS E ZALVSCIIS Comitibus, Episcopus Kiouienfis; quorum ille, praeter Paraeneticum Carmen, etiam Hymnos formulis eleganter excudendos curauit; hic vno fasce complecti omnia, et in conspectum politiorum hominum proferre

quum

quum voluisset, roganti mihi permisit, (quid enim optimi Patroni benevolentia mihi non daret?) ut illud tam pulcrum, atque omnibus elegantiarum studiosis tam gratum consilium a me, fausto eius auspicio, perageretur. Ex eius itaque bibliotheca non modo Codex Poematum, quem Ianoscus, Vir Eruditissimus, (in Spec. Catal. MSCtorum, p. 93.) magnopere laudat, sed etiam singula plurium carminum exempla ad me sunt benigniter transmissa. De qua Magni ZALVSCII benignitate praevideo animo, AMPLISSIMI VIRI, et Vos esse cum propter liberalis doctrinae utilitatem, tum propter popularis Vestri memoriam, vehementer gauisuros. Nec vero praetermisi ego huiusmodi alia diligenti, sed irrito studio indagare, ubicumque poteram, etiam apud Vpsalientes: ad quos nihil quidem harum Camenarum peruenisse, rerum talium cumprimis periti, Io. Ihrius, nobilissimum Sueciae decus, atque
Ericus

Ericus Hydrenus, Vir Praestantissimus, per litteras mihi significarunt.

Iam vero de his, quae isthoc libello complexus sum, Dantis carminibus si ad Vos instituerem multa differere, nae ego vel causae ipsi diffusus, vel moleste sedulus viderer. Etenim sua ipsorum pulcritudine satis illustria, haudquaquam commendatione nostra indigent, superuacanea certe illa apud Vos, intelligentes nimirum omnis politioris doctrinae aestimatores. Adeo ille elatus in Heroicis est, in Elegis lenis, acutus in Epigrammatis: in Hymnis plane Prudentium aemulatur. In vniuersum autem ingenii fecundi facilitatem ita sequutus est, ut inter seuerissima negotia saepe luderet versibus, grauiissimaque carmina, ut illud in obitum Mercurini Gattinariae, etiam inter equitandum componeret. Quo procliuius fuit, labi aliquando in leuioribus, ut in syllabarum mensu-

XXXIV PROOEMIUM

ris, praefertim ei, qui sententiarum nervos
 potius, quam orationis phaleras, confectaretur.
 Praeterea si quis cogitat, quot et quantis nego-
 tiis distentus fuerit, ne si morosissimo quidem
 iudicio est, verborum incuriam in eo exagita-
 bit. Vnum erat, quod an ederem diu animi
 suspensus, edidi tamen, ut ne quid studio vel
 adsentatione omissum videretur, Ionae Pro-
phetae vaticinium, in quo ille, quasi accensus
 quodam auitae religionis feueritatisque aestu,
 mores maiorum Vestrorum, quales tum fue-
 runt fortasse, vehementius est infectatus. Non
 sum ignarus fuisse, qui a Dantisco ita illud per-
 scriptum ambigerent, rati ab alius infausta ma-
 nu pus atque venenum esse admixtum; longe
 diuersum esse Dantischi quondam a Friedmaldo,
 et rursus a Schröero vulgatum vaticinium. Id
 quidem ad me serius perlatum, ab his Poema-
 tum libris exsulat. Quidquid autem eius rei
 est, longissimo certe intervallo remotum est,
 ut ab hac aetate, sic ab istis, qui nunc sunt,
 mori-

moribus vrbis Vestrae, in qua et religioni sua sanctitas, et virtuti honos, et litteris decus constat. Iam quanta Senatus gravitas, innocentia, integritas! Quanta tua, GRALATHI, qui nunc publicae rei gubernacula ingenti cum laude tenes, sapientia; Tua, LENGNI-CHI, immortalibus parta ingenii doctrinaeque monumentis celebritas! Sed quo usque me studium in Vos meum, quo usque admiratio gloriae Vestrae prouehit? Atque ipse Dantiscus quidem, si haec in tempora incidisset, qua fuit mentis perspicacia atque animi altitudine, patriam plurimis et maximis laudibus, Vos omnes beneuolentia et amicitia prosequeretur.

Sed, ne meam de Dantisco narrationem longius ducam, quum ille climactericum annum agigaret, magno cum omnium bonorum dolore et luctu fatis concessit V. Kal. Nouembr. anno supra millesimum quingentesi-

XXXVI PROOEMIUM

tesimum quadagesimo octauo. Vnde facili negotio error cognoscitur Ioachimi Pastorii, Polonarum rerum praeclari auctoris, qui anno adhuc sexto et quinquagesimo Dantiscum a Carolo Quinto, posteaquam is abdicato imperio ceteros Principum legatos omnes dimisisset, vnum in Hispaniam esse deductum memoriae tradidit. Statura, atque omnino habitu corporis conspicuus erat, nitida et decora facie, oculis grandioribus ac fulgidis, e quibus placidi animi et suavis ingenii signa elucerent. Talem eius imaginem ad exemplum vetustae tabulae, quae inter illustria bibliothecae Vestrae monimenta seruatur, in aere scalptam huic Libro praeponendam curauimus. Nam quae in numo, nuper doctissime descripto, expressa est viri facies, opaca barba et fronte seueriore, eam haud conueniens fuit tam pulcris Musarum donariis adfigere.


Haec

PROOEMIUM XXXVII

Haec habui, ILLUSTRES ET AMPLISSIMI VIRI, quae ad Vos existimarem de Dantisco perscribenda esse, non modo ut optimi atque eruditissimi Praefulis memoriam renouarem, et ceterorum studiis commendarem, verum etiam ut meae aduersus Vos maximae obseruantiae, quantum possem, satisfacerem. Quod quamquam in hac et orationis et ingenii tenuitate haud licuit mihi magnifiscentius agere: consilium tamen ac voluntatem crediderim Vobis abunde me comprobasse. Ceterum, poematiis quas exiles passim adnotationes adieci, eas quoque, Vos oro, ut benigne accipiat. In his aut editiones illorum varias indicaui, aut vnde ipse depromserim antea abdita et ignota, sum professus. In nonnullis licuit alia haud vulgaria, neque cognitu iniucunda, commemorare. Addidi etiam Adoptiuum Librum lectissimorum Carminum, quae amicitiae Dantischi honorique olim a clarissimis viris dicata sunt.

XXXVIII PROOEMIUM

sunt. — Valet, et rempublicam diutissime
ornate! Scripsi Lipsiae, prid. Kal. Maias
A. R. S. MDCCLXIII.



IOANNIS DE CVRIIS
DANTISCI
P O E M A T A
E BIBLIOTHECA
ZALVSCIANA

JOHN W. EVANS

1847

P. O. E. M. A. T. N.

1847

1847



EPITHALAMIVM
IN NVPTIIS
SIGISMVNDI I. REG. POLONIAE
ET
ILLVSTRISS. PRINC. BARBARAE
E COMITIBVS SEPVSIENS

1512

De prima editione, quae sub nomine *Iob. Linodesmonis Dantisci*, Cracouiae An. 1512. prodiit quaternis, vid. *Iob. Dan. Ianoscii*, eruditissimi viri, Commentar. de libris Pol. rarioribus, in Bibliotheca Zalusciana, P. III. p. 77.

Nullus Alexandri effigiem, nisi Caus Apelles,
Audebat priscis pingere temporibus.
Nil leue, nil crudum, maiestas Regia poscit,
Nil, quam quod iusto pondere pondus habet.
Hinc vereor, Regum specimen, Sigmunde, decusque,
Incultum tibi quid ne mea Musa ferat.
Esset opus, fateor, Flacco, magnoque Marone,
Calliopes nato, Moeonioque sene;

- Hoc iam coniugii praesertim tempore sacri,
 10 Vt faustos canerent tempus in omne toros.
 Non tamen audaces potui retinere Camenas,
 In laudem dicunt quae bona verba tuam.
 Suscipias clemens, Rex inclite! suscipit, inquam,
 Immensis paruas Ennosigaeus aquas.
 15 Dent alii gemmas, aurum, dent serica multa:
 Tu gemmas, aurum, serica multa tenes.
 Ast ego do carmen: sacri dant carmina vates,
 Quae famam claris saepe dedere viris.
 Sume tui scribae, subito conflata calore,
 20 Munera, quo Superi pectore tura solent.

- Arctæas strepuit felix hymenæus ad oras:
 Aera sonant, litui strident, et tympana crebro
 Pulsantur, laetus clangor ferit astra tubarum,
 Tibia dat modulos, flatus syringa sonoros,
 25 Tanguntur citharae, resonantia plectra mouentur.
 Heroum, procerum, chlamydatorumque cohortes
 Adueniunt, equitum turmae, peditumque cateruae,
 Te, Sigmunde, petunt: Rex inclite, pande serena
 Fronte fores, siquidem, felici numine Diuum,
 30 Venit Pannonicis tibi formosissima ab oris
 Nupta: tuas iam pande fores, hanc excipe laetis
 Luminibus, felix iam connubialia iunge

Vincula

Vincula, Reginamque sacro diademate Regni
Consortem facias: haec est te digna marito,
Regis digna vxor, Reges parituraque digna, 35
Sola inter cunctas, sunt quotquot in orbe, puellas.
Hanc Superi tibi coniugio propriamque dicarunt.

Interea dum pompa venit, dum nupta sacratu,r
Ponitur auricomis dum fulua corona capillis,
Dic, Erato, nobis, fuerat quae caussa beati 40
Coniugii, primos iucunda exponeque amores.

Parrhasias vidit terras Saturnia Iuno,
Aetherei Regina Iouis, quae regna gubernat
Cuncta orbis, iusto tandem rectore teneri.
Ne post longaeuae venturo tempore vitae 45
Consimili regnum dein successore careret,
Compellat blando pulcram sermone Dionen:
Iam satis est certasse odiis, Erycina, superque.
Troia iacet, celsaeque iacent Carthaginis arces.
Quaelibet ulta suos, ponamus praelia tandem. 50
Pax ineunda quidem satius: te foedere iungi
Perpetuo nobis gaudebit regia caeli,
Gaudebunt Erebi manes, tellusque, fretumque.
Sum mundi, summi que potens Regina Tonantis:
Tu volucrum domina, et genetrix es dulcis amorum, 55

Nil sine me possunt mortales, te sine nilque;

In nostro totus nutu deuoluitur orbis.

Conueniamus: erit totum pax laeta per orbem.

Aurea, sub nostro fuerant quae patre, redibunt

60 Secula: sic rediens liquida descendet ab aethra

Iustitia, et, iusto viduatas iudice, leges

Firmabit; caedes, acies, et bella repellet.

Cessabunt multi sic incrementa tributi;

Non plus priuatis crescent aeraria damnis

65 Publica; non hominum deuincet pectora merces.

Non erit emta fides: stabit certo ordine mundus.

Non simulata loquor. Tyrrhenum nulla per aequor

Gens inimica mihi tranat: iam pectore toto

Iudicium cessit Paridis: praeferre per omnes

70 Te patiar. Redeat concordia, quae fuit, ante

Quam dederat Bellona furens, mala munera, malum.

Appias haec contra: Dudum, o Regina, quid optas, *quod*

Quaesui, voluique diu tibi iungere dextram,

Labantique hominum tecum succurrere vitae. *habent*

75 Omnia versa quidem, magnis elisa ruinis

Interea, discors nostras sententia mentes

Dum tenuit: legum periit veneranda potestas:

Succubuit vitio virtus, et viribus aequum:

Millia multa virum, tot regna, tot oppida et vrbes,

80 Interiere, fuit donec mens aspera nobis.

Sumo

Sumo libens, quaecumque iubes. Parere nouercae
Dulce erit, et tantas tecum componere lites,
Non mollis durae siquidem sunt pectoris irae.
Quid sit opus, doceas: sum iussa capeffere praesto. 84
Oscula libauit Veneri, dextraque retenta, 85
Cara Iouis coniux placido sic pectore fatur:
Inclitus Arctois fuerat Casimirus in oris,
Rex armis et pace potens; quem fouimus isto
In gremio; Rex diues opum, Rex milite multo
Insignis, toties raptis qui ex hoste tropaeis 90
In regnum rediit, victricia signa reportans.
Hic fuerat claris, a Gadibus vsque, sub Eurum
Cognitus ex titulis, et per sua grandia gesta.
Qui, dum grandaeuis fatales vixerat annos, grandaevis
Quattuor eximios Regali sanguine Reges 95
Progenitos dederat: duo scepra Polona gerebant.
Tertius Hunnorum gestat diadema coruscum,
Atque Bohemorum iam longa aetate tiaram
Hic habet, heredem regnis dum fata vocabunt.
Iunior ast aliis, qui nunc vestigia patris 100
Insequitur, regnumque tenet, sceptrumque paternum
Gestat, habet nullum, regni cui tradat habenas,
Lanificae frangent dum flamina longa sorores.
Omnes illius diuo, quae crimina pellunt,
Corde Deae resident: Pallas dedit aegidā, clarumque 105

Ingenium; specimen dederas; Charitesque decorem;
 Ipsa dedi regnum, dedi opes, titulos, et honores;
 Iustitia vtilibus suasit praeponere rectum,
 Et tectis mersum latebris educere verum.

110 Talem Cecropidae quondam sensere Solonem;
 Et Lacedaemonii talem sensere Lycurgum.
 Iustior, in dubiis qui litibus addere finem
 Possset, adest nemo: si quando iura duobus
 Deficiunt, aequum concedit vtrique duellum.

115 Quid multis? ille est, in quo sincera bonorum
 Congeries; in quo virtus sibi nuda parauit
 Rite domicilium. Similem quae protulit aetas
 Consilio Regem, vel iusto Marte? Lacescit
 Nullum, sed proprio viuit contentus in orbe.

120 Ipse lacescit si quando suscipit arma:
 Velox egreditur, nullos fugiendo labores,
 Aurea fulcra tori, dulcem spernendo quietem;
 Hostes intrepidus sequitur per tela, per enses;
 Et spoliis semper remeat sic victor opimis.

125 Quid potuit, patria depulsus sede Michael,
 Per fraudem voluit qui Dux Lithuanus haberi,
 Sentit adhuc; errat Scythicis deuictus in oris,
 Seque, suosque, miser, suaeque omnia, perdidit
 exsul.

Quid potuit, noscunt pharetrati martia Moschi

Castra

Castra, Borysthenidas paruo dum milite turmas 130
Prostrauit, pacemque suis, non munere misso,
Sed fecit iustus victor victricibus armis.

Quid potuit, Valachus, qui Mysia possidet arua,
Edidicit nuper; coepit tristes hymenaeos:

Pro taedis flammis, pro tela cruenta choreis, 135
Perfidiae vltorem tot millia caesa tulere.

Talis erat Caesar, Marius, rigidusque Camillus;
Hannibal ad Cannas; ad Troiam fortis Achilles.

Ista superstes adhuc restat Casimiria proles,
Regibus exorta, et Reges genitura sequaces. 140

Clara igitur domus haec Regum ne Principe in vno
Deficiat, tibi sit curae, pia mater amorum.

Si tanto tibi digna viro sit in orbe puella,
Exquiras: radiat vultus grauitate verendus,
Regalisque sacro maiestas eminet ore. 145

Ingentes vernant procero in corpore vires,
Innumeraeque animi dotes, quas inclita virtus
Praestitit; eloquium solidum, et tam dulce loquendi
Pondus, et ingenii tam clara iuuenta profundi.

Iungatur pulcro formosa puella marito: 150
Iungatur sollers Regi Regina disertio.

O quae progenies terris, quae clara propago,
Hinc crescet! Tum plura loqui Venus alma volentem
Interpellat, et his dictis adfatur amicis:

157 Mens eadem fuerat tecum mihi, regia Iuno,
Et tecum, super his, dudum conferre volebam;
Sed tibi adhuc fuerant commoti pectoris irae.
At veteris tandem quoniam nunc omnis adempta est
Lis inimicitiae, tibi cuncta arcana patebunt.
160 Nuper Pannonicis reuolabat noster ab oris
Natus per regnum, sic fata dedere, Polonum,
Inque sinum fessus, pharetra praecinctus et arcu,
Procidit, atque hilaris, suspensus in oscula, dixit:
" Nil mihi cum priscis, quas vidi saepe, puellis.
165 Est ex Hunnorum praeclaro stemmate virgo:
Vidimus, o genetrix! mortalis femina nulla
Pulcrrior, aethereis non adspernanda Deabus.
Non Spartae, non huic similem genere Mycenae:
170 Tam pulcram numquam te Cous pinxit Apelles:
Phidiacis sculpta est manibus non pulcrrior vlla:
Fulgidior niuib. Riphacis corpore toto.
Purpureo in facie est suffusus sanguine candor,
Rubris mixta rosis argentea lilia vincens.
Haec, porphyriaci tu quidquid ubique ruboris,
175 Et candoris habes, habet. At mea spicula nondum
Sensit, nec nostras intra praecordia flammās.
Exeubiis castis, morum probitate, fideque
Imbuta est, matura viro: stat nubilis actas,
Crudaque virginitas, digno rapienda marito.

Hinc

Hinc dum per terras, tardus temone Bootes 180
Quas gelido spectat, volitare flamine dextro,
Vidimus aethereos in diuo Principe vultus,
Qui gerit Arctoi nunc sceptrata potentia regni.
Intrepidam faciem mirabar, membra torosa,
Magnanimique viri robusto in corpore pectus. 185
Et tantum lati peragrati climata mundi,
His possem similes si forte videre duobus.
Non sunt in toto similes his orbe duobus!
Iunge toros, vnoque animas in corpore binas
Coniugio dulci, longaeuo tempore, claude. 190
Dixerat: et nostra petulans ceruice pendit.
Extemplo placuit volucris sententia nati.
Linquo Paphum, Cypriis per inania vecta columbis,
Versus hyperboreos, aquilonia culmina, montes,
Vndique me tenerum circumdedit agmen amorum: 195
Corytos alii ex humeris, tensasque sagittas,
Atque auro infectas pleno gessere pharetras:
Innumeras gessit faculas pars igneus ordo.
Exsultant pueri; crebrum glomerantur in orbem:
Quisque suas vires, protensaque brachia iactat. 200
Cuncta ferire ardent. "Mare, tartara, sidera, tellus,
Scis," ait, "alma parens, cunctis lasciuior vnus,
Meque, facesque meas, haec et victricia tela
Senferunt. Quoties dimissis Iuppiter astris,

Imber

- 205 Imber, olor, Satyrus, bos, serpens, flamma, Diana,
Ingemuit nostro stupidus perculsus ab arcu?
Exarsit gelidis sic Ennosigaeus in vndis:
Nereus, et Triton, nostras sensere sagittas:
Senserunt curuo nos saepe in littore Phocae.
- 210 Rapta est Persephone quondam praedone marito,
Me duce: de stygiis haec cepit dextra tropaeum.
Nec tibi, sis quamuis genetrix dilecta, pepercit.
Alcidem domui: domitus Polyphemus in antris
Est Siculis. Quid adhuc dubitas? mandata recuso
- 215 Nulla, modo iubeas: manus est mihi certa, potensque.
Post, ubi turritis diues Cracouia muris
Tollit in astra caput, cupido deuenimus omnes
Visendi Regem studio, qui iura, paterno
Tunc solio residens, populo dabat: illico viso
- 220 Obstupui. Latos humeros, oculosque, genasque,
Et tanti quis non miretur Principis ora?
Sic fueram Getici quondam inflammata mariti
Vultu; me tali facie membrisque decoris
Cepit Dardanius, dum starent Pergama, coniux.
- 225 Nate, tua hic opus est opera: deprome pharetra
Auratum, dixi, iaculum. Sicne iste per aeuum
Ibit, legitima et claris sine coniuge natis?
Obsequitur: dextra telum librabat ab aure:
Hunniacam in Regis defixit corde puellam.

Expetit hanc solam; solam hanc in mente volutat. 230
Aedes construxit, palatia celsa, cubile
Reginae regale suae. Ne virgo beati
Expers coniugii foret, ocius illius arcem
Cum natis subeo, quam solam rite sedentem
Dum vidi, et casto versantem pectore cultum 235
Vestalem, verbis stupefeci talibus: O quam
Te memorem, virgo; tenerae decet esse iuventae,
Et formae generisque tui! non Claudia semper
Talis erat, populo tractans spectante carinam;
Rapta ab Amyclaeis non candida Tyndaris aruis; 240
Nec vultus semper Lauinia gessit eosdem.
Omnia tempus edax, et carpit cuncta vetustas.
Vtere, dum Lachesis felicia stamina ducit,
Annis, et tacitis numquam redeuntibus horis.
Solane sic viduo marcesces frigida lecto? 245
Solane sic pulerae traduces tempora formae?
Quid tibi virginitas sterilis, vitaeque pudicae
Norma tuae? Non hoc oculi, qui sidera vincunt
Lumine, et auricomi per lactea colla capilli;
Hoc color in facie non postulat: ipsa decorem 250
Non frustra adposui, quo cunctis pulcrior esses.
Si Thetis hoc quondam, quod tu, tam dura probasset:
Numquam magnanimus terris datus esset Achilles.
Mens eadem Alcmenae si quondam forte fuisset:

Thebani

- 255 Thebani nusquam nunc essent Herculis acta.
 Non pius Aeneas; pueri, mea turba, volucres
 Non essent: thalamum si quondam forte fugissem
 Dura viri. Nihil est in toto dulcius orbe
 Coniugio, parili quod iungitur igne duorum.
 260 Hoc tibi sit cordi: iam tempus poscit, et aetas.
 Mollescas, dulcis perdisceque munus amoris.
 Iungeris Regi, Reges paritura potentes:
 Hunc plus, quam carae genetricis semper amabis
 Oscula casta tuae, quam fratres, quamque propinquos.
 265 Est siquidem Princeps hic a te dignus amari.
 Hunc si vidisset quondam Capaneia coniux:
 Hoc viso non se flammis moritura dedisset;
 Hoc viso non se Lucretia casta necasset;
 Hoc viso laqueo non isset Phyllis ad Orcum.
 270 Hunc propter Phrygium raptorem pulcra Lacaena,
 Colchica magnanimum cum vellere Iasona virgo,
 Gnosia Cecropium spreuisset fida maritum;
 Spreuissetque suum cesta Icariotis Vlysssem.
 Huic quondam similem si secula prisca tulissent:
 275 Discerptus ab apro mihi non placuisset Adonis;
 Non, qui tela Ioui Siculis faber asperat antris;
 Is neque, mecum olim quem Lemnia vincla ligarunt.
 Iunge toros; qui soluat hymen, metamque pudoris,
 Dignus adest tibi vir; tu coniuge digna marita.

Dixi.

Diximus : et tacitos sic inspirauimus ignes 280
Virgineis sensim flagranti ardore medullis.
Casta verecundus subito pudor ora notauit:
Ingemuit ducens imo suspiria corde.
Quod cupis , effeci : thalamo non dignior vlla est
Regali. Nunc hymen adest : tu pronuba Iuno 285
Adsis , et mecum parili connubia flamma
Iunge , sacroque nouae nuptae diademate pulcrum
Cinge caput ; decimo pariturae mense benignam
Confer opem , faciles vtero concede labores.
Romulidum quondam non Ilia mater in orbe 290
Huic erit aequanda , aut Poenos duo fulmina belli
Quae tulit , aut Regis Macedum Regina Philippi.
Adnuit alma Iouis coniux , dignasque ferebat ,
Pertaesæ irarum , tanto pro munere , grates.
Sic abiere Deae , concordi foedere nexae : 295
Quacque suas alacris petiit per lactea sedes
Aethera vecta : Samum rediit Saturnia proles ;
Dilectamque Cyprum volucrum pia mater amorum.

Haec est ergo dies , nūneo quam vellere Parcae
Lanificae tibi nent , claris signanda lapillis ,
Inclite Rex , omni , duce te , memorabilis aeuo.
Optatae cernis nunc candida coniugis ora :
Iam porphyriacas malas , iam rubra labella ,

Side-

Sidereos oculos, et eburnea colla stupefcis.

305 Cur haeres? dederat iam vincula Iuno verenda:

Aude! animos Cytherea dabit, si forte repugnat.

Haec clarum faciet clara te prole parentem;

Haec Casimiriacae fietque propaginis auetrix.

Nunc igitur, quibus est regni pia cura Poloni,

310 Pontifices, primos qui relligionis honores

Fertis, magnifici heroes, procereſque potentes,

Formoſi iuuenes, formosae deinde puellae,

Matres, cum ſenibus pueri, nutrixque viciffim,

Reginae crebro dextros, Regique, precentur

315 Succellus, validam longaque actate ſeneſtam.

At iam tempus adefl: genio indulgete ſecundo

Omnes, Arctophylax tardo quos deſpicit axe,

Laetitiae, dulceſque ioci, facileſque choreae,

Vndique nunc reſonent, per rura, per oppida, et
vrbes.

320 Sint procul ex omni trille nunc peſtore curae;

Sit procul omne malum; moerorque, dolorque
dehiſcat!

Haec hilares hominum poſcunt noua gaudia mentes:

Arctoeaſ ſtrepuir ſelix hymenaeuſ ad oraſ.

AD INCLITVM

SIGISMVNDVM I. R. POLONIAE

DEPRECATIO

Non matutino crudas, Rex inclite, vultu
 Primitias sribae fuscipe, quaeso, tui.
 Maturas capies, teneris sint otia Musis:
 Otia tranquillo pectore Phoebus amat.
 Marte fatos alii fratres, Regesque superbos 5
 Cantent, gesta ducum, multaue bella virûm;
 Tercentum Fabios, Catulos, fortesque Camillos;
 Africa siue quibus nomen in orbe dedit;
 Aut Marios, Decios, Curios, geminosque Catones,
 Marcellum, Syllam, Fabriciumque grauem; 10
 Pompeiosque duos, vel Caesaris ardua gesta;
 Quosue dedit claros Punica terra duces;
 Aut fortem iuuenem, deceptam cernere cuius
 Porsena non potuit mitis in igne manum:
 Seu celebrent illum, cui post sua terga reuulsus 15
 Pons erat, Etruscis cognitus ense viris.
 Te solum, Rex magne, canam, Sigmunde, tuosque:
 Dent modo textrices stamina longa Deae.
 Dum verno veniet maturior agnus agello;
 Foecundi capies grandia dona soli. 20
 Iam mentem metire tui, non munera, ferui:
 Cor hominis flehit, non data tura, Deos.

DE

SIGISMVNDI I. REG. POLONIAE

VICTORIA CONTRA MOSCOS

SILVULA

Primum edita est Cracouiae quaternis, An. 1514. quo ipso anno Mosci acie victi sunt. Isti editioni accessit "Hymnus exhortatorius *Valentini Eckii*, „Philypolitani, ad Cracouiam, vt diutinos singulatus, quos haftenus ob incertos inuictissimi Regis „sui, Sigismundi, tumultus contra Moscos habuit, „deponat, atque plausibiliter ob insignem victoriam triumphet.“ *Ianoscius* Comment. l. c. item aliam editionem memorat, Romae ab *Io. Laszio* olim curatam.

Respexit tandem sensus, animosque labantes,
 Continuasque preces, et feruida vota suorū,
 Omnipotens genitor, rerum cui summa potestas,
 Qui iustos, et iustitiam non deserit umquam,
 5 Perfidiae crimen qui non impune remittit,
 Cordeque qui rectos amat, et prosternit iniquos.
 Supplicium clemens audiuit vota precesque;
 Erexit tandem sensus, animosque labantes,
 Contra perfidiam, contra periuria Mosci,
 10 Qui iam iam meritas soluit, pro crimine, poenas.
 Corruit, et tota fusus cum gente, per oras
 Paucis stipatus fugiendo Borysthenis errat.

Tra-

Tradita per fraudem tibi nil Smolenscia, moles 18
 Ligneæ, praefidii poterit dare, perfide Vasil.
 Illa breui tibi nam rursus capietur: inultum 19 on 15
 Nil erit. Ipsa tibi, quo laetis tristia miscet,
 Ostendit fortuna truce[m] contraria vultum.
 Nulla diu siquidem res sic male parta tenetur.
 Diripient patrios victricia signa penates.
 Haec, modo quam cernis, victrix te dextra sequetur, 20
 Ad Tanaim fugias, liceat, vel ad exera Nili 21
 Ostia: non poteris tutus sub Gadibus esse;
 Nec te surripiet victoribus vltima Thule. 22
 Audisti quando stragem, caedesque tuorum,
 Forte cruentato dum nuntius ore referret, 23
 Tot cecidisse duces, prope tot tibi sanguine iunctos,
 Exciderant lacrimae, miseranda per ora, citatae.
 Sed sero lacrimas fundis, lamenta, querelas,
 Et sero supplex tellurem vertice pulsas:
 Denique nunc sero veniam, pacemque, reposces. 24
 Sunt extrema tibi, misere periture, ferenda.
 Laus tibi sit, summi genetrix veneranda Tonantis,
 Cuius natalis nobis haec gaudia fecit.
 Te duce, magnanimus processit miles in hostes;
 Te duce, prostrati Moscorum millia multa; 25
 Te duce, victrici fugientes ense necati.
 Inde breui spoliis remeabit diues opimis

Haec tua gens; figet bene parta tropaea sacratiss ^{LR}
 Rite tholis: haec nam per te victoria nostra est.
 40 Nunc hominum subeant merito noua gaudia mentes,
 Hoc sic deuictio, cum tot modo millibus, hoste. ^{LR}
 Qui fuerat nuper metuendus, nunc timet ipse:
 Per nemora et siluas, incerta sede, vagatur.
 Huc ubi erant luctus igitur, curaeque profundae,
 45 Et vultus tristes, et singultantia verba
 Haecenus, huc redeant citharae, facilesque choreae, ^{un}
 Et risus, dulcesque ioci. Depone moroso
 Pectore tristitias, regni Regina Poloni,
 Inclita victoris ⁷⁸ claros visura triumphos. ^{LR}
 50 Paulo post, dum compositis his vndique rebus, ^{LR}
 Faustiter huc portans victricia signa, redibit.
 Omnes, Arctoi qui sunt sub sidere caeli,
 Extollant densas laeto de pectore palmas, ^{LR}
 Et laudes hilares animis, et carmina Christo
 55 Per plateas, vicos, regiones, compita, cantent.
 Magnanimi dextro prostrarunt Marte Poloni ^{1a}
 Infidas Scythiae gentes, victosque sub umbras
 Victores aliqui comitati. Strenua virtus
 Felices animas quam pulcra morte beatis
 60 Manibus Elis ^{Le} iunxit, nomenque reliquit
 Aeternum terris, duraturum omne per aeuum!
 Nec Lithuana cohors, (lituis nunc peruia signa ⁷⁸)

Primitus^l in Moscos quae forti pectore duxit, *V.*
 Praetereunda venit, validis tot corde, manuque,
 Plena viris, quae, vastata felicibus ausis *6r*
 Pro patria, intrepidi primum certamina^l inibant, *Le*
 Impensisque suis externum militem in hostes
 Aequis ducebant gradibus, tot millia passim,
 Cunctaque Moscorum prostrarunt agmina mille.
 Praesuerant choreae, quibus haec gens freta^l cadebat, *70r, 13*
 Innumeri, qui nunc per iugera lata putrescunt;
 Innumeri, qui nunc liquidis versantur in vndis. *que*
 Consuluerunt sed hinc pauci fugiendo saluti,
 In densis qui se siluis, altaque palude,
 Attonitis similes cervis auibusque, recondunt. *75*
 Quaeruntur tamen ad poenas: nec silua, palusue,
 Securos faciet. Numquam periuria inulta,
 Perfidiaeque manent: Superos haec crimina tangunt.
 Quid statuet victor iusta Sigmundus in ira,
 Rex armis bene perdoctus⁰³ victricibus uti, *80*
 De vobis tandem sine relligione Ruthenis,
 Qui Moscis⁴ ultro prodidistis Regia castra, *H3*
 Immemores fidei, periuri? Non procul, ecce! *l.*
 Ecce! venit, multo comitatus milite, vosque
 Obsidione cito trepidos, feroque precantes *8r*
 Indignam veniam, capiet, dignisque receptos
 Suppliciis dabit, et Stygias demittet in vndas.

- certe Ferte faces, pueri : celsis de turribus ignis
 Luceat, et laetus feriat modo sidera clamor !
 90 Victori quisquis Regi, clarisque sub isto
 Tempore militibus, per quos victoria parta est,
 Gratetur. Nihil hoc viderunt secula prisca
 Tempore felici felicius : omnia gaudent,
 Omnia et exsultant, laetantur et omnia. Talis
 95 Post tenebras, et post longos Orionis imbres,
 Post rigidum Boream, tempestatesque furentes,
 Mens solet in placido defessis aequore reddi,
 Qualis nunc cunctis animus datur. Ocius ergo,
 Ut fors fert, omnes linguis animisque fauete !
 100 Dulcia qui sequitur formosae castra Diones,
 In gyrum ducat dignum modulando choreas
 Victori carmen, patrio pro more : vicissim *Victorici*
 His iuncti, quibus est cordi Semeleius Euan,
 Spumantes pateras pro Regis faepe salute
 105 Excipiant, proque illorum, qui gaudia nobis *que*
 Hac praestant, ut quisque potest, gratetur. At ipse,
 Quos subito potui numeros conflare calore,
 Exeundi, tanti testes utcumque triumphi.

DE PROFECTIONE
SIGISMVNDI I. REG. POLONIAE
POST VICTORIAM CONTRA MOSCOS
IN HVNGARIAM SILVA

Inserta est primum *Ricardi Bartholini* Hodoeporico,
Vindobonae An. 1515. typis excuso, p. 33. dein *Marqu.*
Freheri Script. rerum Germ. T. II. p. 630. Sigilla-
rim prodiit Cracouiae, An. 1516. quaternis. Conf.
Ianoscius l. c. p. 77 sq.

Enumerat vasti luctantes aequoris aestus
Nauita, per Syrtes, aut saxa Ceraunia vectus,
Incolumis postquam rediit; sua praelia miles,
Aeratas acies, et tot per vulnera mortes,
Saluus, post cladem prostrati differit hostis. 5
Venator silvas, saltus, et lustra ferarum,
Et pedicas, struētasque plagas, et retia ceruis
Protenſa enarrat. Longis peregrinus ab oris,
Cur ego non referam rerum variosque viarum
Anfractus, quos inuictō cum Rege Polono 10
Ambiui? et Scythico quod ab vsque Borysthene ductus
Haecenus, ad ripas, celeri quas alluit vnda
Abnobiis Ister labens ex montibus ingens?
Quaenam caussa viae primum, quis tractus, et vnde,
Dicite Pierides, (nec enim sine numine quidquam 15
Vos dixisse reor,) Clarius dum spirat Apollo.

- Inclitus Arctoo Rex quum sub fidere caeli,
Heroum Sigmundus honos, superauit ad Orscham
Moscorum infidos populos: vt foederis ic̃ti
20 Disrupere fidem; tandem vt sunt vndique fusi,
Fama quidem nota est, a Gadibus vsque sub Eurum,
Pannoniae senior iam Rex effoetus, et aeger,
Ex mediis illum castris reuocauerat ad se:
Fraterni vis tota in eo pendebat amoris.
25 Dulcibus hunc voluit superesse nepotibus, hisque
Conseruatorem fieri, robustior aetas
Cresceret ad Regni moderandas donec habenas.
Paruit, atque vltro, cuneis turmisque relic̃tis,
Ante Borysthenias rursum quam ceperat arces,
30 Vtque solet, citius processit magnanimus Rex.
Noluit in tanto quamuis discrimine rerum
Fratri deesse suo, tandem quem visere fati
Ante diem extremum voluit. Sic concitus ergo,
Non pertaesus iter, non tempora dura, nec acres
35 Dum glacialis hiems Aquilonibus asperat auras,
Protinus ex Vilna Lithuanis soluit ab oris.
Ventum erat ad Gracchi (quae nunc Cracouia fertur,)
Moenia: paullisper remoratus, liquerat illic
Reginam, grauida Regni quae pondus in aluo
40 Gestat adhuc, cuius leuis expectatur in horas,
Dii faxint faustum! partus, subitoque recessit.

Slesiacis primum piscosis adpulit aruis.
Quidquid ibi lacus est, et ibi via lubrica cundi
Limosam per humum; venit obuius illico clavis
Dux Casimirus auis genitus Tessenensis, et illum
Regali luxu, dignoque in honore recepit.
Attigat hinc fines, vbi Praeful Thurso Morauus
Praesidet eximius, qui religione secundus
Est nulli, pietate nec est in rebus agendis.
Hospitis hic etiam manifesto pectore tanti
Aduentu gaudens, obiter processit, eumque
Excepit, memor illius primordia vitae
Esse suo in Regno; quare impartiuit honores,
Quos potuit, cunctos recte officiosus ad vsus.
Post iter ad montes emensum: nubilus Auster
Aethere concretos ex toto soluerat imbres,
Contextitque solum: teneras cum floribus herbas,
Qui sese sensim radios ad solis iniqui
Extulerant, hieme adfecit: nec inertia solum
Germina reddiderat, verum penetrauit ad vsque
Membra virum. Tamen a concepto nulla mouebat
Tempestas Regem, rigidi inclementia caeli,
Abruptaeque viae: nec enim iuga celsa, nec vlla
Obsuit intento res, quo minus iret in omnem,
Vt solet, euentum propere. Concessit ad oras
Sic tandem Hunniacas, quo se Tirnauia late

Disposuit. Venit illustris Georgius illuc,
 Germana ex Regis genitus, non Hectore certe
 Inferior: si quis vel Marte, aut viribus illum
 70 Pronocat, acer init, detrectat denique nullum
 Certamen, residens, procerus corpore toto,
 Gradiuo cataphractus equo. Praecessit in armis,
 Spectatu pulcrum! multos pulcro agmine Princeps.
 Venit et Antistes, numerofo milite cinctus,
 75 A templis magno decoratus nomine quinque,
 Quem tulit ad tanti praelatum culmen honoris
 Nuda fides, probitas, virtus, reuerentia Diuûm,
 Et facile ingenium, rerumque scientia multa.
 Hic collega Ducis Regem, sub nomine Regis
 80 Pannonii, excepit; pariterque ad verna citati
 Littora Danubii duxerunt, arcte vbi parua
 Est sita Posonium, non longe a littore, nota
 Quondam, nunc toto quae nomen habebit in orbe.
 Postquam narratum est propius venisse Polonas
 85 Hinc atque hinc acies, pulcras et in ordine turmas:
 Rex Vladislaus carpento protinus aeger
 Obuius in campum, tenero cum Rege, profectus,
 Heroum magnâ stipante vtriusque caterua
 Regni, exoptatum iam longo tempore fratrem
 90 Excepit coram, verbisque adfatus amicis,
 Regali parua pompa deduxit in urbem.

Hacte-

Hactenus ex Scythia, Moscorum clade peracta,
Totque equitum peditumque globis, castrisque relictis,
Peruentum. Solum fraterno ductus amore,
Visendique etiam studio, si forte futurum est,
Caesaris, ut Christi fieret pax una per orbem.
Huc igitur Langus, tectus rubro ora galero,
Adpulit, ingenio multum versatus, et arte,
Resque gerit cunctas, a Caesare missus ad istos
Legatus Reges. Nostrae si verus amator
Religionis erit, siquidem est, non ambigo, verus:
Contra schismaticos templi dabit arma rebelles,
Et contra hos, nostri sitiunt qui sanguinis vndas,
Crudeles Turcas, nuper Sarnouia ad arua
Ingenti qui Christicolam sparsere cruorem
Clade, domi donec perplexa negotia aguntur.
Sin aliter: totum nunc paruo fomite mundum
Incendet. Tenet ipse sinu pacem armaque eodem.
Si quisquam, quem Martis amor, quem feruor habendi
Exagitaret, in his forsan decernere rebus
Deberet: res acta foret. Iam praelia dudum,
Per maria ac terras, infano turbine adestent.
Sed pater omnipotens, mundi cui machina curae est,
Taliam, scit, cuius studio committere debet:
Commisitque tibi, Praeses venerande, tibi, inquam,
Qui fidei, et decus es Romani dulce Quirini,

Cardi.

- Cardineique chori specimen. Tu bella profanis
Decertata odiis, iras dudumque repostas,
Et clandestinas remoue de pectore rixas
420 Primorum Christi procerum, discordiaque vni
Pectora. Nil poteris Superis, nil denique terris
Gratius efficere. En! coniurant monstra profundi,
Thrax ferus, et Macedo, Macotidis accola et Istri,
Nauiculam in Petri, quae mergitur obruta paene,
425 Vndique fluctuagis per mille pericula in vndis.
Eripe, namque potes, miseratus: te duce tandem
Aeolus immodicos reuocabit ab aequore flatus
Mitior, et clausis fera flamina condet in antris.
Serpit ab extremis vt virus in intima membris,
430 Vique leni penetrat sensim praecordia, donec
Occupat in toto quodcumque est corpore; flamma
Vt solet exardens in tectis tollere, quidquid
Contingit propius, passim grassata, parumper
Obuia consumit, crescitque valentior ignis,
435 Liberius quum iam furit, et bacchatur aperte,
Nil manet intactum: sic dudum Thracius hostis
Abstulit, at sparsim, (pudet enumerare,) tot agros,
Oppida, castra, vrbes, et regna tot inclita quondam:
Nititur vltcrius, miserandum! Nemo resistit.
440 Huc Aquilas, Anguem, Gallum, fuluumque Leonem,
Hibernumque trucem, diti cum Rege Britanno,

Et

Et qui se Solymae titulis, Zonaque perustae,
Extollunt, defer; Germana potentia vires
Hic, precor, ostendat: non deerunt Sarmata et Hunnis,
Adsidue ducunt multis qui praelia ab annis 145
Martia tot contra Machometis castra tyranni.
At quoniam proprio contendunt Marte vicissim
Nunc aliqui, quos relligio deuinxit ad arma
Regis in osores, qui mortem morte fugabat,
Rifus, sputa, alapas, flagra, clauos passus, in alta 150
Pro nobis furca extensus: quam nemo tuetur,
Saluifici labefacta cadit respublica Christi,
Fitque minor sic, et cunctas decrescit in horas,
Quid contra paucos, quorum furor vrget Enysus
Discordes animos, credis nunc posse tot hostes? 155
Imperium quorum subiit tota Africa, et ingens
Pars simul Europae, atque Asiam qui sub iuga dudum
Miserunt, et qui toto dominantur in orbe.
Munitae nihil his cellis in montibus arces,
Nil vrbesque obsunt: vites populantur et agros, 160
Abducuntque homines. Nec enim munitio prodest,
Desertis postquam sulcis non semina dantur.
Vertite dira procul, Superi. Nisi rebus in istis
Vnio nunc fiat: Byzantia pestis, et Istri
Euxinique lues, Petri corrumpet ouile. 165
Hoc prohibere potes solus, pater alme, futurum.

Instantes exstingue faces, ne fortior ignis
 Post contemnat aquas: primis his motibus obsta!
 Hoc pietas, iurata fides, hoc suadet honestum;
 170 Utile erit cunctis, qui Christi nomen adorant.
 Ne te seducant, magni nec Caesaris aures
 Tot querulis deinceps precibus, vel munere, vincant
 Hi, qui bella fremunt, et nunquam bella capeſſunt
 Aduerſus fidei tot tela minantia noſtrae.
 175 Omnia vi quondam male dum conceſſa tenebant
 Faſtu ſub tumido, et ſub cuncta licentia agebant
 Immodica, nullamque prius conſinia pacem,
 Ad quam deuincti fuerant, habuere: ſub armis
 Gentiles ſubiere domus, vicinia late
 180 Vaſtantes. Teſtis locus eſt, nunc Abiete nomen
 Qui tenet, ingenti eſt quod naſtus clade perenne.
 Nunc etiam poſſent tranquillo viuere luxu,
 Deliciisſque frui, prout conſueuere: viciffim
 Sed Stygiis emerſa vadis ſic verſat Erynnis
 185 Illorum mentes, vt ſummo a Praeſule bellis *Graeciae*
 Decretis obſint contra Machometica *arma*,
 Votaque quod tantis faciant diſcordia coeptis,
 Inficiantque animos, ducantque in praelia mundum
 Chriſticolum. Quare Superi olim tempore priſco
 190 Non caſtigarunt fruſtra delicta nocentum.
 Sed ferox in praeceps: quo coepi, rurfus eundum eſt.

Huc

Huc etiam domina legatus missus ab vrbe,
Cardineo summique patris suffultus honore,
Pannoniae Primas Regni peruenit : in isto
Conuentu multa ingenio, qui multaue fido 195
Commoda consilio pro Regni vtriusque salute
Disquirat, velletque libens succurrere rebus,
Ne sic infectis hinc Reges forsan abirent.
Namque videt prudens, per multa volumina rerum,
Tot mala, quae paruis sunt exorientia caussis. 200
Nunc igitur quamuis Labyrintho, quidquid agendum,
Fertur in ambiguo, quodamque errore laborant
Omnia : spes magna est cunctis, prudentia Regum
Istorum, tot Pontificumque Ducumque probata
Inuenta : hoc, quod adhuc vertent in dulcia, amarum est. 205
Sic lux post tenebras ; aether post nubila clarus ;
Saepius et sic post aduersa secunda sequuntur.
Quid referam innumeros proceres, heroas, et auro
Torquatos equites, huc qui venere, superbo
Regum in circitu ? quid equos, phalerasque rubentes, 210
Auratas chlamydes, pretiosa monilia, gemmas ?
Hunus quae diues, Moscorum ex clade Polonus
Quae tulit acer eques, fortis quae deinde Bohemus.
Enumerare prius possem, quot, Cynthia pleno
Dum fulget cornu, sint aurea sidera caeli ; 215
Igneus et medio dum flagrat Phoebus in axe,

Quot

Quot seges omnis habet tenues per iugera aristas,
 Quot sparsim voluat, Libyco quae in littore, arenas
 Auster, dum tumido bacchatur turbidus aestu:

226 Singula quam tantae valeam spectacula pompae
 Dicere, totque graues currus, rubrasque quadrigas,
 Multaque, nulla prior quae viderat ante vetustas.
 Nec solum tanti Martis, procerumque tumultus:

Venerat huc etiam doctorum clara virorum
 227 Concio: de quibus huc a Caesare missus ad istos
 Cuspinianus erat Reges orator, abunde
 Doctus, et in variis versatus rebus agendis:

Philyrides certe, vel nostro tempore Chiron,
 Et medica fertur praestans ut in arte Machaon:

230 Tam bene languori vario, morbisque medetur.

Fotus et a teneris sollers Sperantius annis
 Aula in Caesarea, nudae virtutis amator,
 Ingenio promptus, multum facundus et ore,
 Seu leges, vel iura patrum, vel carmina dicat.

237 Balbus item, Phoebi quondam, nunc rite sacerdos
 Et Iouis interpres veri, qui grandia facta
 Hunniaci scribit Regni, totque edidit olim,
 Quod sua non potis est vniquam euanescere fama.
 Piso etiam, nostro vir in aeuo doctus et acer,

240 Magnorum nuper qui multa negotia Regum
 Tractabat: quodsi stricio pede, siue soluto,

Adgre-

Adgreditur quidquam, nil est exactius. Exin
 Adpulit Hetrusco Ricardus sanguine cretus,
 Grandia qui cecinit Romani Caesaris acta:
 Egregius vates, tum notus primitus, et tunc 245
 Saepius humana mihi consuetudine iunctus.
 Caspar et inde meus, Callistus forte puellae
 Vrsinus cognomen habens, aetate Tibullo
 Et par ingenio, Graio et sermone Latino
 Imbutus, vates et praeco Caesaris ingens: 250
 Saepius hic culto certavit carmine mecum,
 Leniuitque meos pertaeso in corde dolores,
 Quos cepi sensim tabescens taedio in isto.
 Candida iam nova ter rursus sua cornua Phoebe
 Induit, Arctois procul hinc quod viuimus oris. 255
 Omnia pulchra quidem sunt, omnia amoena sub isto
 Tempore: per montes, per plana vireta, per amnes,
 Per vernos prospectus agros it laetus: at ipsa
 Iam mora sola nocet nobis, mora sola molesta est.
 Ergo veni tandem, Caesar Romane: citatum 260
 Aduentum Reges cupiunt tibi sanguine iuncti.
 Non solum tecum contra hostes foedus inibunt,
 (Tu modo ne deses toties videre morando;)
 Sed tecum connubia, sed laetos hymenaeos.
 Moenia si Austriacae nunc sunt adeunda Viennae, 265
 Danubiusque celer tranandus; siue locanda

Ad ripas campo castrensia tecta; in amio
 Vel quocumque loco placeat congressus: ad istos
 Accelera Reges propius! Iam tempus, et instans
 170 Deposcit contra Moscos occasio belli,
 Inque feros Turcas, qui nuper clade cruenta
 Adfecere tuos Hunnos. Non segniter ergo,
 Ergo veni, cupidisque tui te protinus offer!

Sic me etiam, modo te videam, nec adusque
 pigebit

175 Danubium a gelidis venisse Borysthenis undis.

AD
SIGISMVND. L. B. AB HERBERSTEIN
EQV. AVR. ET MAXIMILIANI I. CAES
LEGATVM DE REVERSIONE EIVS
A MOSCIS SOTERIA

Typis primum vulgata Cracouiae, An. 1518. quater-
nis, et inscripta *Iacobo Spigelio*, L. D. et S. C. M. Se-
cretario: dein recusa in *Sigismundi ab Herberstein* Com-
mentariolo, de actionibus suis, (Vindob. 1560. f.)

Sunt Superi, caelumque suo rectore moueri,
Quis, nisi mentis inops, cernens conuexa negabit
Aetheris? hoc tellus, aer, et pontus, et omne
Id, quod uiuit in his, et quod producitur ex his,
5 Dirigitur, iussu positumque sub ordine, sistit.
Huic certe est ingens haec orbis machina curae,
Qua genus humanum, genus et qua totum animantum,
Vitali pariter vegetando vescitur aura.
Omnipotens sator ille hominum, rerumque creator,
10 Cuncta suo regit arbitrio: nil accidit vniquam,
Quod non ante diu voluit diuina voluntas.
Ille tibi, Sigmunde, dedit, per tanta viarum
Interualla, animum inuictum, quo semper in omnem
Euentum, contra rerum discrimina mille,
15 Et casus varios, iuisti pectore forti.

- Hoc Equitem decet Auratum: sunt talia verae
 Militiae, non quae rutilant insignia collo.
 Talia non aliter, quam cum sudore, parantur.
 Amphitryoniades haec gessit, ad ardua ductus
 20 Culmina virtutis, relinquens, post terga, petulcae
 Foeda voluptatis prorsus fugienda probatis
 Castra viris. Iter esse reor, quod littera profert
 Pythagorae. Vnde tui maiores stemmata primum
 Sumserunt, ex vi liquido cognominis, et re,
 25 Elicitur. Quid enim saxum designat honesti,
 Virtutis siquidem culmen? Qui teque, tuosque
 Perpendit mores, et nuper strenua gesta,
 Ille statim, et merito, te illius dicet alumnum.
 Hoc animaduertens Caesar Romanus, in orbe
 30 Primus, post Superos, nudae virtutis amator,
 Te subito meritis titulis et honoribus auxit,
 Teque suis, postquam rediisset ab orbe Britanno,
 Praefecit contra Venetos; vbi Marte secundo,
 Cum Comite ex Salmis, strauisti faustiter hostes:
 35 Vnde tibi torquem, et fasces donauit equestres.
 Hinc te, post varios habitos hinc inde labores,
 Ad Regem misit, qui Danica regna, Gothorum
 Olim dicta, regit. Qualem te gefferis illic,
 Intrepido postquam congressus es ore, neganti
 40 Pacta semel, late magni scit Caesaris aula.

Quanta

Quanta mari passus, quam multa pericula terris,
In reditu, quantumque iterum discriminis, acres
Missus ad Heluetios, quum fluctibus obrutus esses
Paene lacus, longam, si conor cuncta referre,
Crescet in historiam. Diuo pro Caesare, semper 45
Omnia magnanimo patienter corde tulisti.
Adiecit plus inde tibi non ficta fauoris
Caesarei virtus; accreuit et inde supellex
Ditior, et mentis generosae industria maior,
Multa gerendarum rerumque peritia, et usus. 50
Vnde feros cupiens belli sedare tumultus,
Inter Sarmatiae Regem, saenumque tyrannum
Moscorum, Caesar mediis in millibus vnum
Te solum offendit, cui tanta negotia soli
Crederet. Expertus seruata in rebus agendis, 55
Cum probitate, fidem, studia indefessa, profundi
Ingeniique tui vires, rationis et alta
Sensa tuac, simul et complura idiomata, dotes
Praeterea innumeras animi, te misit ab oris
Vindelicis, per pulcra Lici, magnique ruentis 60
Littora Danubii, piseosus vbi Istula lenes
Voluit aquas, vsque ad Lithuanae ditia terrae
Iugera. Ibi Regem Sigmundum, milite multo
Tendentem in Moscos, orator gratus adisti.
Qui te, pro magno magnum quo Caesarem amore 65

- Prosequitur, digno venientem excepit honore,
 Et te, Caesarea postquam de mente fuisset
 Ingenue edocuit, per laeta Borysthenis arua
 Dimisit, multo donatum munere, ad usque
 70 Vastas Moscorum terras. Per deuia ductus
 Et nemora, et siluas, et per tot lustra ferarum,
 Perque lacus, et per tot flumina, perque paludes,
 Venisti tandem lignorum mole peramplam
 Urbem, quo statuit periuro pectore Moscus.
 75 Quot perpeffus ibi torpentis taedia vitae;
 Quot duros pariter casus, atque inter eundem
 Euentus subitos, discrimina multa, viarum
 Anfractus varios, incommoda, mille labores,
 Quis referet? Non parua Lici distantia habetur
 80 Ad Tanaim, quam tu transisti sospes, ibidem
 Multa expertus, agens mandata fideliter. In te
 Nil penitus deerat; per te nil esset omiffum.
 In fatis sed adhuc res haeret; fataque rebus,
 Iustitiaeque viam facient. Gens barbara noscet,
 85 Non consueta fidem, Superos, hominesque vereri,
 Perfidiā numquam vindicta impune manere.
 Quamuis immotos memoranda clade sub Orscha
 Se simulent; vafri tamen imo corde dolores
 Abdere non possunt. Non est magis vlla sub armis
 90 Spes, post hanc cladem. Cur non configere nuper,

Con-

Conclufi tot aquis, et putri conditi in vluā,
 Audebant, fat cauffa liquet. Sic vrfa recondit
 Se penitus filuis, foetu poſt terga relicto,
 Dum vidit venabulaque, magnamque canum vim;
 Quo perculſa metu, noctes vigilando, dieſque, 95
 Non auſa ex latebris ſugendo accumbit in vngues.
 Tempus erit, Superique dabunt, et rector Olympi,
 Qui iuſtos et iuſtitiam non deſerit vnquam,
 Quo poenas, pro perfidia, dabit improbus hoſtis,
 Cumque ſuis, quantum Lithuana Polonaque poſſunt 100
 Agmina, complicitibus miſere experietur. Adhaerent
 His forſan, quos relligio vetat alma: ſed iſtis
 Si non deſiſtent, crimen quam ſit graue, Diuos
 Laedere, et aduerſus iuratum tendere pactum,
 Exitus ipſe feret. Poſt tandem taedia longa, 105
 Et tōt perplexos ſucceſſus, inter agendum,
 Longinquum permensus iter, per luſtra, per amnes,
 Barbarie ex media, noſtris feliciter oris
 Adplicuiſti: etenim cunctis grātiffimus hoſpes.
 Te Rex, te Regni Proceres, te concio tota 110
 Regnicolū, laetis oculis et pectore, ſaluū
 Adueniſſe, lubens gratatur; apertius vnde
 Exciti, vident, adfectus in Caefarem, amorem
 Regis teſtantur: cuius tu nomine pulcrum
 Nomen habes: nec enim ſine numine credo Tonantis 115

Hoc fieri, pariter quod eodem nomine haberis
 Cum Rege orator, cum quo spectacula nuper
 Vidisti parilis, varia sub sorte, duelli,
 In quo Sambocius, virtute animatus, honorem
 120 Et vitam adseruit, praestanti pectore, et ore
 Intrepido: pedes amisso iam sonipede, clarum
 Egisset facinus, si non ablata fuisset
 E medio hasta: tamen paruo mucrone sat actum est.
 Et quia constanter commissa negotia agendo,
 125 In tam longinquâ et dura regione fuisti,
 Inter inhumanos mores, gentemque profanam,
 Nullius fidei, detentus tempore longo:
 Tot post aerumnas, exantlatosque labores,
 Non ingratus erit tibi Rex: pro Caesare rursus
 130 Nil sibi vel durum, vel difficile, atque molestum,
 Dum res et ratio deposcet, in orbe futurum est.

Ipse ego te, rediens etiam paullo ante, saluto,
 A Batauis, ubi eram cum Caesare, cumque nepote
 Illius, Hesperiae qui regna superba gubernat.
 135 Interca, ex quo liquisti tecta alta profectus
 Diuitis Augustae, te non, procul ipse remotus,
 Vidi. Nunc quid enim potuit mihi gratius orbis
 Visendum, quam te, cupienti ostendere dudum?
 Haec igitur, quae pro reditu Soteria voui,

Dono

Dono tibi: faciles non dedignare Camenas, 140
 Ad te, praecipiti cursu, properanter euntes,
 Pro reditu quae vota tuo promissa, precesque,
 Thuraque dissoluunt Superis, multumque precantur,
 Ut redeas felix, et terque quaterque beatus,
 Vnde exiivisti, Romani ad Caesaris aulam. 145

Si quis erit nostro magnus fortassis in acuo
 Maconides, fies Ithaco plus notus Vlysse.
 Tuque hominum varios mores, varios hominesque,
 Multaque vidisti, vectus per regna, per vrbes,
 Non per lustra duo, sed per breue tempus, ad annum. 150
 Materiam inde dabis Musis, campumque patentem.

Ast ego, perpetuo qui te complector amore,
 O Equitum, Sigmunde, decus, conflata calore
 Haec subito, mecum siquidem retinere nequini.
 Da veniam paucis, tibi postea plura dabuntur. 155

IN

RICARDI BARTHOLINI

HODOEPORICON MATTHAEI

EPISC. GVRCENSIS

Exstat in *Bartholini* *Hodoeporico*, et in *Freyheri* *Script.*
Rer. Germ. l. c. pag. 613.

Quantum res verae fictis praestare videntur,
 Hoc recto doctum tramite pandit opus.

Non hic Cretensis Iouis incunabula: non hic,
 Quae sunt de Superis plurima fides, leges:

5 (Semicapros Faunos, Satyrosque fuisse bicornes,
 Quis credit? vel tot turpia monstra Deum?)

Non raptum Stygii praedonis, Apollinis ignes

In Daphnem, Martis nec Venerisque torum:

Non Diomedis equos, non illum, Graecia mendax

10 Quem fert Troianas fraude subisse fores.

Hicque nec inuenies perplexa aenigmata Sphingos,

Nec quae de nihilo fabula longa datur.

Historiam nuper conuentus at iste probatam

Caesaris et Regum fecit in orbe trium.

15 Vidimus hic Annam, qua totus nil habet orbis

Pulcrius: Hunniaci est haec decus vna soli.

Hanc

Hanc sibi, vel caro conseruat forte nepoti
 Caesar: et est magno digna puella Ioue.
 Vidimus et Mariam, pulcris aequanda Deabus
 Est siquidem, et primas inter habenda Deas.
 Caesaris haec neptis, Regi Regina futura est,
 Annis qui in teneris iam duo regna fenet.
 Vidimus Heroas sacros, Procuresque, Ducesque,
 Clarorum passimque agmina multa virum:
 Tot gemmas, torques, phaleras, radiantiaque arma,
 Tot mores, habitus, ingenique vices:
 Tot ludos etiam, spectacula pulcra, triumphos,
 Et quae non actas viderat vlla prius.
 Cuncta ut conspexit Ricardus, scripsit ad vnguem:
 Delicium certe posteritatis erit.
 Seu stricto incedit vates pede, siue soluto
 Orator: nemo cultior esse potest.
 Hoc iter ut duxit Princeps Gurcensis ab vrbe
 Augusta, videas, gestaue cuncta leges.
 Tunc primum dices, viuas, pater inclite, viuas;
 Cardinei specimen, viue, decusque chori.
 Et merito laudes vni huic sunt vndique dandae:
 Omnis nam fuerat fons et origo boni.
 Solus hic inflexit sensus, Regumque potentum
 Pectora, multorum cordaque dura virum.

Christicolis solus, diuino numine fultus,

In terris pacem post fera bella dedit.

Huic aetas debet praesens, et postera multum,

Tempore quod paruo commoda magna tulit:

44 Per quae nunc noster recte componitur orbis,

Ex omni cedit parteque Martis amor.

Et crucis infidos propere ducetur in hostes,

Qui, Iouis hinc quid sint, experientur, aues.

Foederis hic formam nosces, pactosque hymenaeos;

50 Cunctaque conuentus istius acta scies.

Nil finit intactum veri, quod res habet in se:

Ante oculos plane singula gesta locat.

Res scitu digna est: nec enim reor esse, potest nec

In toto quidquam gratius orbe legi.

AD

RICARDVM BARTHOLINVM

Hoc quoque carmen editum iam est in *Bartholini* Ho-
doeporico, p. 48. et in *Freheri* Script. l. c. p. 635.

Si rerum pensare vices libet, ordine certo,
Quas natura parens statuit, Ricarde; videmus
Omnia sub iusta moderari lege, modoque.
Astra suos seruant, quos consueuere, meatus;
Seruat vterque polus solitum, quo voluitur, axem:
Seruat et haec ingens immensi machina caeli
Circuitus, quibus hunc in se complectitur orbem;
Phoebus ab extremis, vt dudum, emergitur Indis,
Et Tartesiaco se rursus in aequore condit.
Ipsa suo pleno Latonia tempore cornu
Fulget, tranquille per opaca silentia noctis,
Illunisque etiam paruum decrescit in orbem,
Et perit, atque redit: numquam stata tempora fallit.
Annus habet glacies, habet aestus, veris amoeni,
Autumnique grauis pluuias: sua tempora tempus
Quodque tenet: sunt sorte sua contenta vicissim
Omnia, nec fines, et littora praeterit aequor.
Deucalionis aquas olim, Phaethontis et ignes
Sustinuit tellus: sunt omnia tuta, fidemque
Nunc elementa datam nobis, post Iridis arcus,

Non

- Non temerant: fateorque animantia cuncta, sub vna
 Quae viuunt specie, vnanimi sunt foedere iuncta.
 Non aper in similem per filuas irruit aprum;
 Vrsus in atrocem saeuit non efferus vrsum;
 25 Nec draco in Hesperium misso furit igne draconem.
 Solius est hominis, quamuis animantia longe
 Innata exsuperat ratione, ferocia maior.
 Omnes armorum strepitus, Martisque tumultus,
 Quaeque vides tormenta, fudes, thoracas, et hastas,
 30 Tela, enses, frameas, arcus, volucresque sagittas,
 Contra homines effinxit homo: meditatur in horas
 Pluraque, quae possit per plurima damna nocere.
 Per maria, ac terras, per multa volumina rerum,
 Itur in angustum discrimen, et omne periculum,
 35 Inuisae saltem rumpantur, vt otia pacis.
 Sic ardor multos, et habendi dira cupido
 Versat, pertaefos tranquillum viuere: semper
 Quin agitant quidquam, Superis terrisque perosum.
 Hinc tot bella, acies, caedes, desertaque rura,
 40 Oppida, diffractaeque vrbes et inania regna,
 Et campi toties dispersis ossibus al bent.
 Tales, qui totum duxere in proelia mundum,
 Hortare ad pacem: nec opus calcaribus esse
 Censeo equis, vltro properantibus. Ille profecto
 45 Non monitoris eget, placidae qui pacis amator

Sedulus est, et qui pacem deposcit, et optat,
 Inclitus a multis, Sigmundus, faustiter annis.
 Pacis amans, vltro numquam, sed semper in hostes
 Arma laceffit susceperit; non tamen vnumquam
 Contra Christicolas, verum in crudelia castra,
 Bosporon, et contra Myfosque, Getasque, Scythasque.
 Hunc igitur, cuius terras spatiosaque regna
 Parrhasis Arctos agit per Balthea littora magni
 Oceani, prope ad Euxinum diffusis aequor,
 Vt noscas, quantum pacem desideret omni
 Pectore, ni graue sit, paucis, aduerte, docebo.

Slesiacis primum, regnum germanus habebat
 Donec Alexander patrium, Dux iustus in oris,
 Iustitiam, solet vt semper, librabat in aequis
 Lancibus, et cunctis iuste inpartiuat eandem.
 Nullus erat praedo, nullus grassator in antris:
 Per stratas, omnesque vias, per compita, passim
 Ibat securus tranquilla pace viator:
 Vndique cunctarum fuerat pax optima rerum.
 Non sentit praesens, hoc postera sentiet aetas,
 Quantum consilio, quantumque salubribus actis
 Profuit, et post se quam commoda multa reliquit.
 Quum frater demum fato concessit ad astra,
 Conflato regnum grauitus qui adfecerat aere,

- 70 Vnanimi Procerum consensu scepra recepit.
 Orsus vt instantes vix restaurare ruinas
 Rex nouus, infida propere Dux fraude Michael
 Concitus, ad Moscos defecit, turpiter hostis
 Factus: eos secum Lithuanas duxit in oras.
- 75 Haec paci intentus Rex vt cognouit: omissis
 Omnibus in regno, velocius obuius ibat.
 Inde citum permenſus iter, mox ipse, priusquam
 Fama aderat subito, Moscosque Ducemque fugabat,
 Pone sequens victor, per lata Borysthenis arua.
- 80 Princeps hinc Scythicus bellum exitiale timebat.
 Percussus pacem orandam, deponereque arma
 Censuit: ad Regem legatos munere multo
 Transmisit: supplex veniam pacemque poposcit.
 Foedera Rex pepigit: generosi pectoris irae
- 85 Sunt siquidem faciles, et mens ignoscere lapsis
 Supplicibusque solet leuiter regalis: habent nam
 Dis animos similes Reges, et pectora, magnis.
 Limitibus demum positis et finibus orbis
 Sarmatiae, aeternum fuerat vulgata per omnes
- 90 Aequoris et terrae positus pax inter vtrumque.
 Quae tamen, vt referam, paullo post fracta, Scytharum
 Foedifragum vt mos est, grauiter non mansit inulta.
 Ad regnum rediit, iam credens omnia tuta,
 Heroum, Sigmundus, honos, pacemque repostam

Militibus missis, erexit, et otia cunctis 96
Libera distribuit. Taedae subiere iugales,
Quaerere quas voluit Germanis forsan in oris,
Perfidus interea Valachus, cui Mysia paret
Inferior, dum Rex sperat lactos hymaenaeos,
Fraude Leopoliā multis obsederat urbem 100
Agminibus, late Podoleis castraque in aruis
Omnia depopulans statuit, per tela, per ignes.
Sic choreas, dulcesque iocos, et coepta fefellit
Gaudia. Rex igitur, prudens ut semper ad omnes
Res solet esse graues, nihilo demissior, vno 104
Spectatur vultu, sint tristitia, siue secunda,
Millia confestim collegit multa suorum,
Haecque inspectatos propere dimisit in hoste.
Hostis ut haec sensit, retro fugiebat ad arces,
Quas habuit proprias, ad siluas, atque paludes, 110
Non ausus conferre manus. Gens regia late
Terga sequebatur, totque oppida, castra, casasque
Exulit, longe faeuum populata per arua
Mysia, tot Ducibus captis, Procerumque cateruis,
Postremo rediit spoliis illaesa superbis. 116
Et nisi germanus senior, qui sceptrā gubernat
Pannoniae, rem pacasset: iam Mysia tota
In cineres pro perfidia conuersa iaceret.
Hinc Valachus veniam ut petiit, captosque redemit.

- 120 Res est sub caelo vix, credo, notior vlla,
 Sic iterum dura lassatus casside victor
 Pectore voluebat, positis grauioribus armis,
 Pacem, qua totus nihil orbis gratius in se
 Continet: Hunnorum praeclaro stemmate, pulcram
 125 Reginam duxit, ratus hinc securius annos
 Dulciter exigere, et regno, dum fata vocarent,
 Heredes patrio tum post se linquere. Vertit
 Omnia fors aliter. Mouit furialis Erynnis
 Hippophagos Nomades, gelida Macotide septos.
 130 Hi clandestino, sub verno tempore, gressu,
 Praeter spem, innumeri regnum inuasere Polonum.
 Vt sueti rapido transire per omnia cursu,
 Millia multa hominum, matres, vetulosque parentes,
 Reptantes pueros, iuuenes, tenerasque puellas,
 135 More suo iam nexerunt, misereque ligarunt,
 Occisis multis: iam iamque abducere longe
 Coeperunt. Tum Rex subitis et rebus in arctis
 Congessit turmas equitum, peditumque caternas,
 Quas potuit, iussitque sequi velociter omnes.
 140 Ventum erat ad cuneos, spoliis praedaeque refertos:
 Qui nil cessarunt contra configere, magno
 Quin etiam clamore dabant sua signa volentes,
 Parte ab vtraque statim, nisu et conamine toto,
 Bellatum: Fortuna diu stetit eminus anceps.

Verum

Verum quam cito se gens regia cominus hosti 145
Intulit, et volucres detorsit ab aure sagittas,
Terga dabant Nomades. Ibidem bis dena Getarum
Millia trunca iacent. Abducti, sicque soluti,
Ad patrios tandem salui rediere penates.
Pax iterum fuerat, sed paruo tempore, cladem 150
Post istam, donec periuro pectore Moscus
Sacramenta, fidem, iurataque foedera rupit,
Adiunctis belli sociis, qui templa Quirini,
Romani obliti templi, adiunxere profanis,
Se hostibus, et Regem conspirauere (nefandum!) 155
Contra Christocolūm. Sed Dīs sunt omnia curae.
Hi non permittunt Titanas Pelion Ossae
Iungere, consilia et numquam tam dira secundant.
Qualiter hoc bellum confectum, scribimus, om-
nemque
Historiae seriem: quodsi mihi vita manebit, 160
Versibus innumeris conscriptum utcumque videbis.
Hoc obiter tamen est addendum: quinque carina
Myriades Stygia Charon vna luce recepit
Moscorum: primosque Duces, primosque senatus
Principis infidi captos Sigmundus in arcto 165
Carcere habet, qui compedibus durisque catenis
Deuincti, pro commisso dant crimine poenas.
De reliquis bello sunt nobilioribus isto

- In viuis, siquidem plus quam duo millia capti.
 170 Sponte nocet nulli, nisi proritatus, abunde
 Contentus propriis: sua quae sunt, cuique relinquit:
 Parte sed ex omni fines et parta tuetur.
 Siquē laceffit, quantoque citatur ad arma:
 Velox egreditur, munitus milite forti,
 175 Et, duce iustitia, superat, semperque triumphat.
 Nunc quamuis victor tot grandia bella peregit,
 (Victores inflare solent res saepe secundae,)
 Non renuit tamen haec ineundae foedera pacis,
 Ex mediis ad quae castris huc venit, omiſſis
 180 In tot prostratos armis victricibus hostes,
 Pace frui cupiens, interque capedine longa
 Metiri, a gelidi sit quanta Borysthenis vndis
 Danubii ad ripas distantia, pacis amator
 Haecenus ad pacem ex regno praecessit habendam:
 185 Non tamen, ut prorsus iam segnis bella timeret.
 Sunt vires, est mens, gentesque ad proelia multa:
 Sed contra inuitus gentiles suscipit arma
 Christicolae, quos tot bellis defendit, et illos
 Infidis semper tutatur ab hostibus. Ergo
 190 Parte libens ista confecta in pace maneret:
 Quam si quis temere iniustis conabatur ausis
 Rumpere, quae nollet tandem cogetur inire
 Bella laceffit, sua sic et parta tueri.

Hos igitur cum complicitibus, quos ardor habendi
Arietat, hortare ad pacem, concordia rerum 195
Foedera: confusumque chaos compage soluta
Hos docta et longa doceas ambage, vel illos.
Si pacem penitus nolunt, gaudentque sub armis:
Ista cothurnato compelle ad praelia versu,
Quae nunc pro Christi si quisquam vellet amore, 200
Depositis intestinis a pectore rixis,
Instant praeclaris ad commoda tempora bellis.
Sunt etenim, huc ducas tam multo Marte furentes,
Dum Sophus in Turcas immania classica ducit,
Quem nuper tota fudit cum gente, morandum 205
Non esset siquidem: nunc posset Graecia vinci,
Et Constantini Byzantia moenia magni,
Thracia tota iugum, Trapefunciaque arua subirent.
Inde Palaestinae tellus promissa sacratae,
Memphis, Persis, Arabs, Babylon, sacra culmina Sinae, 210
Totus et vsque nigros mundus caperetur ad Indos.
Rex Sigmundus adest, diuini nominis atris
Hostibus insensus: contra illos foedera iunget,
Sint modo, qui accipiant: non detrectabit in omnem
Euentum, contra Mahometica pergere castra: 215
De quibus vnanimi, Dii faxint, pectore iuncti
Belliger vt magno Caesar cum Rege triumphet!

A.D.

SIGISMVNDVM L. B. AB HERBERSTEIN

EQVITEM AVRATVM

Legitur in *Dantis* Soteriis, Cracouiae editis: item in
Herbersteinii Commentariolo, de actionibus suis,
 supra laudato.

Quod cecini quondam Grinaeae tristis, in Aeni
 Littoribus, moestum carmen habere cupis.

Quidquid id est, concedo libens: nec carmina solum,
 Hanc etiam, mecum si foret illa, darem.

5 Deceui tandem quae quadret, ducere vitam

Aetati, et castus religiosa sequi.

Est hominum instabilis fluxus, periturus; at ipse

In Superos, omni tempore, durat amor.

AD GRINAEAM

Quam durae miseri sunt conditionis amantes
 Qui nullas sedes, nec loca certa tenent?

Nil datur aeternum, sed, quo rapit impetus, illuc

Ambigui in dubiis pectora rebus agunt.

5 Errant, et raro placida statione fruuntur,

Atque alia ex aliis sub iuga amoris eunt.

Haec

Haec placuit Danais, Latius hinc illa sub oris;

Haec fuluis, niueis gratior illa comis.

Aurea disposuit pulcræ hæc redimicula vittæ,

Moreque Germano vel Ioue digna fuit. 10

Sub gelido Arctoi placet altera fidere cæli,

Candentes superans candida tota rosas.

Denique quocumque adueniunt, terraque marique,

Hospitibus varius corda pererrat Amor:

Et, dum iam tacitos inspirat subdolan ignes, 15

In longas iterum cõgit abire vias.

Singula nunc, misere dum te, Grinaca, relinquo,

Exterior, vastum carpere iussus iter.

Quid magis excruciat, quam grata relinquere
coepta,

Et spem, quæ miseros sola in amore beat? 20

Sic solet impastus viso lupo ire ab ouili;

Sic apis, ex dulci flore repulsa, volat.

Decipitur sitiens fugitiuis Tantalus undis,

Et, quod perpetuo poscit, habere nequit.

Durior est mea fors, dum desero moestus amatam, 25

Quæ me prosequitur, meque tenere cupit.

Auelli amplexu, nudis discedere ab vlnis,

Linquere tot risus, basia, furta, iocos;

Absque dolore quis hæc, humano sanguine cretus,

Quisue libens unquam, qui ista reliquit, erit? 30

Inuitus nuper te flens, mea vita, reliqui,

O anixi medium, praecipuumque, mei!

Strinxisti cupidis, lacrimans, mea colla lacertis,

Pressistique meum pectus ad vsque tuum.

35 Imuaduere tuae roranti lumine malae!

Nec minor in nostras decedit vnda genas.

Inuitus dextrae dextram, dehinc labra labellis,

Iunximus, et tristi diximus ore, Vale!

Iussa mei Regis tunc, et tunc Caesaris arma

40 Exsecrabar, et hoc, ire quod angor, iter.

Quam mallet illius, quem sparsa cruore necarunt

Linthea, vel sortem, fatae dura, sequi.

Numquid Abydenus iuuenis felicior est me,

Quem ferus in patrio gurgite merfit Amor?

45 Hunc Hero eiectum miseranda in littore vidit,

Et se praecipitem fortiter vltia dedit.

Ast ego, qui terras, et tot maria alta pererro,

Nescio, qua veniet mors regione mihi.

Pellor, vt a tumidis folium quod vertitur Austris,

50 In nullaque diu sede manere datur.

Nunc feror, Eois vbi Phoebus surgit ab vndis;

Nunc, Tartessiacas rursus vbi intrat aquas:

Nunc iterum, saeuus Notus imbrifer vnde pro-

cellis;

Rursus, vbi glacie Parrhasis vrsa riget.

Quo

Quo me cumque loco celsis vel in Alpibus abdo, 57

Conditus aut ima sim modo valle licet;

Circumseptus et his, qui culmine sidera tangunt,

Montibus: intueniunt me mea fata tamen.

Si fugio ad Tanaim, magni vel ad ossia Nili,

Vel procul ad Gades, seu glaciale fretum; 60

Nusquam tuta quies: amor instat, agiturque latenter,

Et subit incensa pectora nostra face.

Nil magis admiror, quam, quum sit coecus et infans,

Quod me audet temere saxa per ista sequi.

Quid loquor? ad summum potuit penetrare To- 61

nantem:

Nec tutus Pluto, sub Phlegethonte, fuit.

Exarsit, gelidis nans Ennosigaeus in undis:

Admeti pauid pulcer Apollo greges.

Alcides neuit: genuit Polyphemus in antris:

Aeacides contra noluit ire Phryges. 70

Ingens imperium Gnidius puer occupat orbis,

Et certas gestat, pectus ad omne, manus.

Olim nil graue erat, iuuenis dum feruidus ultro

Quaesivi Cypriae mollia regna Deae.

Inque Papho sacra thura focis, arisque virentem 71

Myrtum, cumque rosis lilia mixta, dedi.

Nunc vigor ille abiit, sensim et mea tempora canis

Albescunt, aetas et mihi dura venit.

- Ipse tamen quamuis enitor, vt impete parue
 40 Non vincar: mecum certat iniquus Amor.
 Ille, vt rideres limis, persuasit, ocellis
 Nuper, dum fueras e regione mihi.
 Ille tibi Charites, nitidosque adflauit honores,
 Et quidquid pulcri tota decoris habes.
 45 Ille meum pectus iaculis transfixit acutis,
 Victor et, hanc habeas! inde profectus, ait.
 Sic, crucior, patiorque graues in amore dolores;
 Inque meo crudum pectore vulnus hiat.
 Inter et hic certe dolor est vehementior omnes,
 50 Quod non concepto debeo amore frui.
 Cogor abire: morae nec quidquam restat: eun-
 dum est,
 Quo fors, quo fatum, res dominique vocant.
 Rhaeteas Alpes, Athesin, pontemque per Aenum,
 Moeustus et inde domus tecta relinquo tuae.
 55 Respicio post terga tamen paruae procul vrbis
 Moenia: et, vt redeam, moenia visa iubent.
 Ter conatus eram temonem vertere: terque
 Obstiterat votis res peragenda meis.
 O me infelicem! pellor sic saucius a te:
 60 Languenti quis opem, pharmaca quisque dabit?
 Tu solo adspectu praecordia laesa benigno,
 Et posses tactu reddere sana manus.

Sed

Sed raperis propere, rapiorque miserrimus, Euro

Ocius, et nostri est nulla medela mali.

Non mihi Philyrides, nec item prodesse Machaon, 105

Nec poterit medicae Delius auctor opis.

Non, nisi te rursus videam, sanabor: at illa

Quando dies misero, quando erit illa dies?

Corpus abit solum; tibi mens animusque cohaeret:

Sensibus infixi est sic tua forma meis. 110

Felices igitur, firmo qui utuntur amore!

Durius incerto vivit amante nihil.

M. PAVLLI CROSN. RVTHENI
PRAECEPTORIS SVI

A D

IO. LVBRANTIVM EPISC. POSN.

Adiectum est *Paulli Crosnensis* Epithalamio, in nuptias
Sigismundi I. Regis Pol. ac Barbarae, Comitis Sepus.
Scripto, et Cracouiae An. 1512. quaternis edito.

Inter vt astriferi radiantia sidera caeli

Candida noctiuagis Cynthia fulget equis:

Sic inter virtus homines, dignissime Praeful,

Inclita dat clarum semper in orbe iubar.

Ille, tuo residens in diuo pectore, longe

Emittit rutilas, per sua gesta, faces.

Haec primos nostrae tibi relligionis honores

Praestitit, et generis stemmata parta tui.

Vernat, et ad Superos florenti vertice surgit

Pinus in Arctoïs hac duce celsa iugis.

Nunc igitur Regis, Regni, Procerumque fautores,

Totius et plausus nobilitatis habes.

Diceris a cunctis patriae tutela, salusque;

Consilio praebes commoda multa tuo.

Cana fides, probitas animi, mens recta, profundum

Ingenium, solidus dexteritatis amor:

Rebus

Rebus et in magnis industria multa gerendis,
Dulceque facundi pectoris eloquium:
Te cunctis carum faciunt, cunctisque colendum,
Praesertim doctis Pieriisque viris. 20
Te penes est Cricius, docuit quem Delius ipse
Dulcia dulcisonisnectere verba modis.
Qui nunc Parrhasiae decor est specimemque iuventae,
Sedulo qui laudes, et tua gesta, canit. 25
Tentabamque etiam crebro tibi dicere carmen:
Nabat in exiguis sed mea cymba vadis.
At nunc iste meus pro me praeceptor agat rem,
Ingenii qui fert haec sua dona tibi.
Palladiae longo fuerat qui tempore turbae
Ductor ad Aonias, Numina sancta, Deas. 30
Hippocreneo qui tinxit labra fluento,
Grineoque facit carmina digna Deo.
Huic faueas clemens, Maecenas alter, et alter
Pollio, Pieria non reticende chely.
Inde per ora virum tua candida fama volabit: 35
Sic vernans tollet pinus in astra caput.
Hinc tua sic virtus a Gadibus vsque sub Eurum
Nota erit, et clarum nomen in orbe tuum.
Quem referent sacri, Diuorum cura, poetae,
Viuert, dum tellus astraque celsa manent. 40

IO. DANTISCI
DE
NOSTRORVM TEMPORVM
CALAMITATIBVS
SILVA

Prodiit Bononiae An. 1529. quaternis, hoc titulo: "*Io-
annis Dantis*", Oratoris Sereniss. Regis Poloniae
etc. ad Clementem VII. Pont. Max. et Carolum V.
Imp. Aug. de nostrorum temporum calamitatibus,
Sylua." Recusa est bis: semel Cracouiae, An. 1530.
Conf. *Ianoscius* l. c. p. 71. sq. iterum eodem anno Co-
loniae, octenis. Vid. *Gesneri Bibliotheca*, p. 428.

AD LECTOREM

Quum noua delectent, noua, lector Sarmata, vates
Edidit in Latio carmina: nonne placent?

Si re non alia, placeant nouitate, quod ante

In Latio vates Sarmata rarus erat.

5 Naso, Tomitanas quondam datus exsul ad oras,

Edidit Getice Sarmaticeque loqui.

Hesperice sic forte loqui, dum missus vtramque

Hesperiam peragro, me didicisse puta.

Si quid inest igitur tersumue minusue politum:

10 Hac veniam iusta cum ratione dabis.

Extorsit faciles numeros miserabile tempus,

Quo, tanto rerum turbine, cuncta fluunt.

Si

Si de Castalio non spirant fonte liquores,
 Nec redolent Phoebum, Pieridumque choros: 18
 Ne contemne tamen, sed rem perpende legendo: 15
 Quum sensum teneas, nil ego verba moror.

Grande Sophocleo quicumque poema cothurno
 Concipit, Heroum gesta superba canit.
 Exornat claris sua carmina celsa triumphis,
 Hippocreneis tingit et illa vadis. 20
 Tempora materiam felicem laeta ministrant,
 Vatis et ingenio carbasa plena ferunt.
 Hoc mihi sed misera sub tempestate volenti
 Scribere, se tristes exhibuere modi.
 Seque mihi sparsis offert Elegia capillis, 25
 Et moesto questus mittit ab ore graues.
 Omnia plena metus, horroris et omnia plena,
 His lacrimans numeris praecinit imparibus.
 His vos, o Clemens, et Carole, lumina prima,
 Vos duo compello, sub quibus orbis agit. 30
 Fas mihi sit, venia cum vestra, pauca profari,
 Tempora quae pro re dicere nostra iubent.
 Ipse licet taceam, non res afflicta tacebit,
 Qua Christi passim grex, et ouile, perit.
 Crimina quandoquidem meruerunt nostra malorum 35
 Hanc Lernam, nobis monstra tot vnde nocent:
 Pessis,

Pestis, bella, fames, incendia, praeda, rapinae
Inficiunt, nostro quidquid in orbe manet.
Pax et amor, virtus, et honesti recta cupido,
40 Cumque pudore fides, turpiter acta iacent.
Religio, pietas, timor, et reuerentia Diuûm,
Inter mortales vix manet vlla magis.
Succreuere dolus, liuor, priuata simultas,
Fraus, odium, rabies, ira, libido, furor.
45 Seditio, vis, insidiae, corruptio legum,
Impietas, Superûm paeneque nullus honor.
Hinc male quum regitur, plebs percita frena remordet,
Cepit et in Reges non semel arma suos.
Non opus est caedes, et praelia dira referre:
50 Testis adhuc Rhenus, testis Iberus erit.
Fastus, auaritiaeque lues, insanaque multos
Ambitio, contra fasque piumque, rapit.
Ex his tot casus, et mille pericula rerum,
Proueniunt: haec sunt ad mala multa duces.
55 Oppida magna sub his, et regna perire videmus,
Ruraque multa suis orba iacere fatis.
Non tamen erigimur, nec adhuc grauiora timeamus,
Quae dabit offensi plaga futura Dei.
Hunc pauci metuunt, et amant vix vnus et alter,
60 Qui nunc Europes sub regione sumus.
Hinc sunt tot sectae, quas haeresis atra notauit,

Per quas Christicolis magna ruina venit.
 Fit minor assidue fidei respublica nostrae,
 Quod, quo deberet, lumine nemo videt.
 Praetereo, priscis quae sunt amissa diebus,
 Quum Christi clarum nomen vbique fuit.
 Quandoquidem tunc in terram transiuerat omnem,
 Quod nunc in nostro noscitur orbe parum.
 Hic ego non vrbes Asiae, nec perditæ regna
 Commemoro, nostris nunc inimica sacris
 Nec Libyæ gentes, pietatis iura professas,
 Quas modo Mahometi possidet atra Iuēs.
 Caucaſeos populos, et Caspia littora linquo,
 Quæ tenuit nostræ religionis amor.
 Aut quos Amurathes, quos aut Payzetus adegit,
 Sanctam baptismi linquere fontis aquam.
 Ad nostros venio, quos si reputabimus, annos,
 Emitterent lacrimas saxea corda pias.
 Græcia sub patrum nostrorum tempore victa,
 Turcaico seruit subdita facta iugo.
 Quis posset paucis tot bella cruenta referre,
 In quibus ex nostris millia multa iacent?
 Vt mittam reliquos, quorum non parua caterua
 Sub signo fertur succubuisse crucis:
 Quem non commoueat clades Varnensis? in illa
 Ille mei Regis patruus occubuit.

Hinc, Byzantina tot caedibus vrbe subacta,

Turcarum vis est semper adaucta magis.

Auxit et hostilem discordia nostra furorem,

90 Ad nos a Syriis quem procul egit agris.

Cum Persis, et cum, quae bella fuere, Sabacis,

Aut cum Niliacis sat, puto, nota viris.

His, quum sciretur nos dissentire, relictis,

In nos armorum vis ea mota fuit.

95 Collectis igitur non paruis viribus, hostes

In ripis Istri continuere pedem.

Et prope Taurum, Belgradum quod modo dicunt, } r

Fixerunt certis plurima castra locis,

Sulphureo tonitru manibus formata Cyclopum,

100 Proiecit crebros aerea canna globos.

Oppugnabantur contractis moenia muris:

Mansit et intactum, quod potuere, nihil.

Arx in Pannonicis non est munitior oris:

Inter vasta duo flumina septa iacet.

105 Vnam Danubius partem, reliquam celer ambit

Sauus, ubi fluuio cum potiore coit.

Haec, contra Turcas, inuicta manere solebat:

Abstulit his vno millia multa die,

Qua de re furor hostilis tum fortiter, acri

110 Cum studio, coeptum continuauit opus.

Suppetias tandem fessis quum nemo ferebat,

Arx

Arx fuit hostili capta subinde manu.

Eloquar, an silcam? nobis stertentibus, inquam,

Nostra ceperunt ex ditione Rhodum.

Clara Rhodus fuerat seps, qua trux dente Lycaon 115

Non poterat Christi semper obesse gregi.

Hac modo perfracta, penetralia tentat ouilis:

Quod, nisi sit, qui defendat, et huius erit.

Nos intestinis nihilominus omnia bellis

Miscuimus: nec adhuc exitus inde datur. 120

Hostibus hinc animus, grandisque potentia creuit,

Climata qua mundi iam potiora tenent.

His neque contenti, quod adhuc superesse videtur,

Donec in hac stamus seditione, petunt.

Ūtraque iam pridem quum Mysia pareat illis, 125

Vicinisque volunt imperitare locis.

Ingens Sarmatiae tentarunt subdere regnum, 130

74 Adflictum toties quod fuit ante fatis.

Vasta iacent, quondam foecunda, Podolica rura,

Quae fuerant Siculis fertiliora iugis. 135

Magnanimis haec quum suberant integra Polonis,

Suppetias et opes hinc habuere suas.

Terra ferax Cereris, pecoris nutrix, et equorum

Praepetium genitrix, belligerūque virū:

Nunc deserta perit, paucis habitata colonis, 140

Hostibus et cunctis peruia facta patet.

Huc ab Hyperboreis gens barbara confluit oris,

Et quae Rhipaea sub niue dura riget.

Huc simul Euxini proficiscitur accola Ponti,

140 Cum trucibus Bessis, gens truculenta Getae.

Tartaricis dedit his populis, puto, nomina Pluto,

Per quos iam teritur Sarmatis ora diu.

Dalmata, Thrax, Macedo, Lacedaemon, Phryx, et

Achiuus,

Qui Turcae nostro tempore nomen habent;

145 Huc etiam, quum sint vicini, saepius intrans,

Et desolarunt, quidquid vbique fuit.

Hinc nuper fines bis vastauere Polonos,

Annus quum nondum rite peractus erat.

Oppida, cum pagis, crudeliter igne cremarunt,

150 Maestantes cunctos, qui renuere capi.

Post captiuorum densas duxere cateruas,

Quorum myriades tres numerasse ferunt.

His inerant pueri, iuuenes, teneraeque puellae,

Matronae tremulae, decrepitique senes.

155 Res miseranda quidem: succurrere nemo valebat:

In subitis fieri casibus ista solent.

Vt cursu venere cito, rediere: statimque

Dispersus cogi miles ad arma nequit.

Hoc ita victores vno facti bis in anno,

160 Sic ad Threicias bis rediere domos.

Et

Et sibi, quos dicunt hoc nostro tempore Moscos, *Prus*
 Foedere iunxerunt, terribilesque Scythas; *Turcos*

Qui gelidum Tanaim, vastique Borysthenis undas, *2 M*

Quique vel ex rapido Phasidis amne bibunt;

Quidquid et est hominum, quibus indunt tartara

nomen,

165

In nos coeperunt hostica signa sequi.

Quod Rex Sarmatiae, quo nec pietate, nec armis

Clarior, expendens, arma parare iubet.

Sed quum se vidit tot cingier hostibus, impar

Noluit ancipitem Martis inire viam.

170

Subsidium prius, at nequidquam saepe petiuit: *mae/quic*

Hinc ter in Hesperia posteriore fui.

Quum tamen his bellis nunc Gallus, nunc et Iberus,

Ferueret, et Latiae diriperentur opes: *Brach*

Nec foret auxilii spes vlla, sed acrius inter

175

Christicolas rabies cresceret illa magis: *ponno*

Ne temere bellum gereret tot solus in hostes, *proch*

Et feram victus quaereret exsul opem: *exul*

Tractauit potius certam pro tempore pacem, *exul*

Quam sub praescripta conditione tenet. *exul*

180

Huic paci voluit Rex prudens iungere Regem,

Qui tenera rexit tunc duo sceptris manu.

Huncque suum monuit toties ex fratre nepotem,

Posceret vt tanto pacis ab hoste modum.

445 Consilio tamen Hunnorum parere superbo

Maluit: hoc fretus ductus ad arma fuit.

Hoc infelicem confictum fretus inivit,

Inque iuventutis flore cadens periit.

Sic fuit in fatis, quae non vitantur ab yllo:

190 Praeteriit nemo, quem statuere, diem.

Quam miseranda fuit tum caedes, Rege peremisso,

Quum sit nota, vetat commemorare dolor.

Tot Proceres, sacrique patres, quos insula texit,

Pugnantes dirae succubuere neci.

195 Tunc nihil in victos crudelis victor omisit,

Quod suasset rabies, impetus, ira, furor.

Grassatum fuerat per rura, per oppida passim,

Incensaeque domus pauperis agricolae.

Buda, caput regni, direpta cremataque tota:

200 Parsum structuris sed tamen arcis erat.

At prius euersum Varadinum, nobile castrum,

Cum reliquis, quae non enumerare vacat.

Transeo, quae fuerat per Turcas edita strages

In plebem, vel quot diruta templa iacent.

205 Millia quotue hominum fuerant abducta per Istrum,

Tendentes victas mente sub astra manus.

Collacrimare libet: plorantem cernere turbam

Me reor, ut durum fertur in exilium.

Perculerant tamen ista parum nos, ore professos

Chri.

Christum, quem raro pectora nostra colunt. 210
 Inde sed irrepsit regnandi dira cupido,
 Pannonia motus dans in vtraque nouos.
 Qui nuper totum traxere in praelia mundum, 10
 Quorum tam subito, non puto, finis erit.
 O miseram nostro, male quo sic viuitur, aeuo 211
 Pannoniam! cunctis quae data praeda, gemis.
 Hoc quod atrox hostis fecit, facit hoc et amicus:
 Ex omni misere sic modo parte ruis.
 Quos tu fecisti, te diripit impia Regum
 Ambitio, quorum saeua per arma peris. 212
 Tertius accessit, qui praelia tanta diremit, 10
 Et trux hostibus his, hostis vtrisque nocet.
 Obsedit pulcram, multa cum gente, Viennam,
 Austriacos late depopulatus agros.
 Ante sed a victis vi sceptrum ceperat Hunnis, 215
 Quos nunc omnimoda sub ditione premit.
 Aequaretque solo Budam, deiecit et arcem,
 Liquerat intactam quam pietate prius.
 Occidit tamen hic omnes, quos viuere nouit:
 Dicitur in multis hocque patrasse locis. 216
 Non aetas pueris, sexus, nec forma puellis
 Prospuit, hostili quin caderent gladio.
 Sacra, sacerdotes, aedes, Diuumque figurae,
 Quidquid ibi nostrae religionis erat; 7c

235 Interiere simul, Regno cum Rege subactis,

Quae victor dederat, unde tributa capit.

Ad praesens hiberna, sua cum gente, petiuit:

Non procul a nobis tempore veris erit.

Praesidiis abiit siquidem per castra relictis,

240 Quo cum maiori vi remeare queat.

Haec reputa laceri, Clemens, bone pastor ouilis,

Qui nunc, cum magno Caesare iunctus, ades.

Haec perpende, precor, demittas cor et in altum:

Nam res officio convenit ista tuo.

245 Ex animis Regum contracti tolle vicissim

Si quid adhuc odii, quod reor, intus habent.

Corruptasque nouo repara munimine caulas,

Et duc palantes ad fata lacta greges.

Non lupus est tanti, modo sit gregis vna voluntas:

250 Incidet in casses bestia crassa tuos.

Non desunt vires, animas nec ad ista profecto

Pontifici tanto dignus abesse potest.

Sit licet attritum Latium per bella, luesque:

Succreuit pubes Italia multa tamen.

255 Haec cum magnanimis belli ductoribus ibit,

1e Quos tibi, si quaeris, Ausonis ora dabit.

Euganeosque patres, terraque marique potentes,

Pace prius facta, sub tua signa trahes.

Magna dabit faeni Germania robora Martis,

Quae

Quae generat pronos semper ad arma viros. 265
Hoc etiam faciet florens Hispania claris
Militibus, quos haec bellica mater alit.
Et cataphractorum tibi mittet Gallia turmas:
Irarum fertur iam posuisse minas.
Arcubus extensis opulenta Britannia multos 265
Sponte viros ad tam nobile mittet opus.
Proceris Phrysi iungent sua castra Batavis,
Belgarum ducet quos galeata cohors.
Scotus et arma feret, cum Cimbro Danus, et hi, qui
Ad mare concretum iugera rara colunt. 270
Hunni et oppressus, duce te, sua tela resumet,
Inque sui Regis iura redire volet.
Accurrent fortes, infraeto corde, Bohemi;
Et prope quae gentes regna propinqua tenent.
Non deerit bellax tibi Sarmata, trux et Alanus,
In leuibus pugnans nec Lithuanus equis.
Hi iam cum Moscis toties, Dacisque, Scythisque,
Cum Turcis etiam conseruere manus.
Isti nunc Regis Sigmundi iussa sequuntur, 275
Quo nullum, qui te plus veneretur, habes. 280
Nil aliud petit hic, nihil est, quod crebrius optet,
Inter omnes quam quod mens foret una tuas.
Quodque sub vnanimi consensu pectora Regum
In crucis osiores conciliata forent.

281 Hoc si perficies, nil pax remorabitur illum

Turcica: rescindi, sit pia causa, potest.

In longum non est tempus confecta: priusquam

Ibimus in Turcas, desinet illa prior.

Fac modo Christicolae concordēs arma capeſſant;

290 In Byzantinis bella gerantur agris.

Gentibus instructi sint terra, per freta classe:

Victum cum neruo sufficiente ferant.

Bosphorus inprimis capiatur Thracius, et sic

Hostibus oclusis impediatur iter.

291 Hoc non vnus bellum praesumitur anni,

Si debet iusta sedulitate geri.

Quod postquam fiet, Rex Sarmata pacta remittet,

Sponteque cum reliquis Regibus hostis erit.

Interea sed quum nihil in commune moueri

300 Sentit, vult pacis commoditate frui:

Nec se cum regnis, quum nemo iuuare procurat,

Perdere: solus enim ferre tot arma nequit.

Iam licet a Turcis sit tutus, gens tamen illi

Taurica cum fociis, nescia pacis, obest.

301 Haec venit a tumidis toties Macotidis undis,

Et magno numero plurima damna facit.

Et quamuis aliquando, fera cum gente, pacisci

Cogitur, obseruat non tamen illa fidem.

Hinc conductio fines custode tuetur,

Et

Et turmas equitum semper in aere fouet. 319

Sic infestatur crebris incursum: unde

Tempora securae pauca quietis habet.

Nullius auxilium tamen unquam sensit, et hostes

Numinis innumeros saepe cecidit ope.

Regibus hinc praestat multis prudentia; et annis, 315

Vsu quam longo tempora ferre solent.

Indeque praeteritam praeuiderat ante ruinam:

Et nisi succurras, iam grauiora videt.

Quare per Christi tibi viscera supplicat, orbi

Vt modo languenti pharmaca tuta pares. 320

Nec mora te tardet: iam limina possidet hostis:

Si non obstitet, in penetrabile ruct.

Diuerfas igitur mentes, odiisque vicissim

Flagrantes, certo pacis amore foue. *R. S.*

Et reminiscaris, quod pacis amator, et auctor, 325

Te Deus in terras, hac ratione, dedit;

Si quid restat adhuc irarum, bella quod ista,

Tempora vel quod idem prisca dedere tibi;

Si quid Gallus adhuc contra praetendit Iberum;

Si quid in hos laesus forte Britannus habet; 330

Si quid inest aliis veteris, nouiue furoris,

Quo iacuit res, heu! publica pressa diu:

Tu, Pater, in natos clemensque piusque resolue,

Et sit concordēs duc ad ouile tuum.

Caesar

335 Caesar adest, praesto; propere, quo iusseris, ibit:

Ante tuos et ob id procidit ille pedes.

Hesperiamque suam linquens, traiecit ad istam,

Vt veniens faceret, quae tibi grata forent.

Hoc etiam reliqui facient ex ordine Reges:

340 Tu modo, ne dubita, promere signa iube.

Caesaris imperii sacra tempora cinge corona:

Quod si fit, refert, hic vel in vrbe, parum.

Tu tecum Romam, non te fert illa, quod aiunt:

Esseque dicitur haec hic, vbi Papa manet.

345 Acrior hinc fiet, diademate fretus, in hostes;

Quo debetur ei, Turca quod omne tenet.

Conatus adeo sanctos successibus auge,

Vt coeptum feruens adgrediatur opus. 79

Quod si perueniet Germanas sospes ad oras,

350 Nullus ibi, qui non sponte sequatur, erit.

Hostis ad Euphratis fugiet procul ostia magni:

Cum Graecis rursus Thrax sacra nostra colet.

Si tecum retro Tiberis transibit ad vndas,

Hinc et ad Hispanos per mare carpet iter.

355 Hostis ad Eridanum furiosa mente feretur,

Et sua firmabit forsan in vrbe sacra.

Haec prohibere potes, dum tempus, et integra res est:

Vix vmquam posthac copia talis erit.

Hoc etiam quum iam cognoscas, inclite Caesar,

Vt

Vt bene perpendas, te tua iura monent, 360
Incultis igitur numeris innixa, seorsum
Ad te contendit flens Elegia loqui.
Da veniam! durum est feruente dolore tacere,
Adfecto cordi quem bona causa facit.
Vera loquor: ter namque tua versatus in aula, 365
Nunc hic Sarmatico missus ab orbe vagor.
Per mare, per terras, a Gadibus actus ad Eurum,
Te comitatus ad hoc sum procul usque solum:
Hic ubi sublimi populosa Bononia turri,
Iuncta suo Rheno, tollit ad astra caput. 370
Venimus huc, et iam bis cursum luna peregit:
In Turcas sed adhuc nulla statuta liquent,
Et quamuis iusto premitur Florentia bello,
Non minus in Turcas res ea digna foret.
Austriacis nuper dum grassarentur in oris, 375
Multa ferebantur, quae modo muta silent.
Ex te quod subito natus calor iste refrixit,
Effectus, causa deficiente, docet. 380
Non tamen ergo puta caesos, vel forte fugatos,
Dicuntur subito quod retulisse pedem;
Et quod quassatam propere liquere Viennam,
Innumeros quae tot pertulit icta globos.
O utinam non sit, quod opinor! vere redibunt:
Hic reditus magni causa timoris erit.

Aspera

385 Aspera quum primum sua frigora bruma remittet,

Quumque suum quaeret Daulias ales Ityn:

Mox ex hibernis, quo concessere, reuersi,

Reliquias alia commoditate petent.

Iam didicere, prius quod forsan defuit illis,

390 Concita quid nostri militis arma valent:

Et quibus illa modis tractent, illisque fruantur: *u*

Ordine quo pedites in statione manent:

Impete quoque solent extra procurrere vallum,

Et qua defendunt moenia fracta manu:

395 Quid veles possit, quid eques grauis arma ferendo,

Quoue struant acies, insidiasue, modo.

Haec quum iam noscant, ex omni parte cauebunt;

Aptius ad pugnam seque parare scient.

Nascitur ex usu rerum prudentia maior:

400 Non pallet visis nauta probatus aquis.

Nec metuit vulpes, quem vidit saepe, leonem;

Ad notosque canes non timet ire lupus.

Praesertim quos adfecit formidine quondam, *74*

In tales versus plus feritatis habet.

405 Quam tuus impigre miles deiecerit hostem,

Libera iam tandem facta Vienna probat.

Intrepidi quicumque viri pro moenibus illis

Stabant, sunt omni laudis honore pares.

Non tamen hostilis vis inde repressa tepescit;

Sed

Sed vereor, ne sit forsitan aucta magis. 410
Abduxere tuos populos a finibus Aeni,
Qua magis Alpinas respicit ille niues.
His coniunxerunt habitantes vndique pagos
Austriacos, quos mox igne cremasse ferunt.
Hunniacas et opes, multa cum gente, tulerunt, 415
Pro qua vis auri plurima cedit eis.
Sic dites spoliis redierunt nuper opimis:
Thracius hinc in nos faeuior Isthmus erit.
Si proh! vere nouo, quod opinor, forte redibunt;
Maior erit numerus, quam fuit iste prior. 420
Aduenient, magna praeda dulcedine capti,
Ex Asiae vastis, ex Lybiaeque iugis.
Iam sibi promittunt Europae totius orbem:
Quem nisi defendas, quod petiere, ferent.
Interea quo ceperunt Taurunica castra, 425
Et quo Phoebeam corripuere Rhodum:
Non poteras, aliis bellis intentus, adesse,
Quum te vicinus traxit ad arma furor.
Is pacem tandem sopitus fecit, et hostes
Foedus amicitiae iussit inire tuae. 430
Haec pax te Latias properantem duxit ad vrbes,
Ad quam iam pridem mens tibi prona fuit.
Vtque tuos faceres inimicos rursus amicos,
Nil non tentasti, quod rationis erat.

Hoc

- 435 Hoc quum successit, nec te vicina morentur
 Bella magis; quae sunt iam potiora, vide.
 Turcarum rabies quo tandem, prospice, tendat,
 Quae sic quotidie crescit, et aucta viget.
 Quam sit in angustiis hic nunc, perpendito, rebus,
 440 Quem tibi germanum fecit vterque parens.
 Huic nisi succurras, per te neglecta peribit
 Austria, qua generis creuit origo tui.
 Latius hocque malum serpet: vix Rhenus id ipsum
 Sistet, vel rapidis Albula priscus aquis.
 445 Haec ne proueniant, o Caesar, cum Patre sancto
 Prouideas: spectant vos mala nostra duos.
 Componas laceras modo temporis huius habenas;
 Contineasque tua lora remissa manu.
 Suscipe, quod diadema tibi debetur, et Urbem
 450 Ne cures: Vrbs est Felsina clara fatis.
 Rex quum Romanus non visa diceris esse
 Roma, cur non sic Caesar et esse potes?
 Te modo, fac, propere Germanas confer ad oras,
 Hostibus vt possis arma mouere crucis.
 455 Nam tua res agitur: domus ardet propria: quam si
 Liqueris ardentem, quid, nisi puluis, erit?
 Tolle moras igitur: nec enim sine numine Diuûm
 In Latium ductus, tempus ad istud ades.
 Te Deus aeternus teneris protexit ab annis,

Inque

Inque tuos hostes praeuia signa tulit. 460
Et, pro te pugnans, te fecit in orbe monarcham,
Imperiique dedit sceptrum corusca tibi.
Quod, praeter reliquas virtutes, quas geris, ingens
Promeruit sanctae religionis amor.
Victrices aquilas, Christo duce, profer in hostes: 465
Ille tuis coeptis vela secunda dabit.
Nec deerit Clemens, qui te, quo coepit, amore
Prosequitur patrio, cuius id acta docent;
Clarius hoc etiam doctura: iuuabit euntem
Aere sacro, fusa perque sacella prece. 470
Accedent alii Reges, tibi sanguine iuncti,
Et iunctos quos ex foedere nuper habes.
Foedera sed toties infecta, resectaque rursus,
Me terrent: nec enim suspicione carent.
In miserum sumus impacsi, quod viuimus, aeuum, 475
In quo rara auis est inuiolata fides.
Tu tamen, in Superis qui spem non ponis inanem, 70
Vtere propositi dexteritate tui.
Scis, quibus ante modis desertis sit tibi pacis
Impositum: simili cautus ab arte caue. 480
Sunt consultores tibi, per quos omnia tractas,
Magna praestantes integritate viri.
Horum consilio, si quis latet anguis in herba,
Retia vel fuerint si tibi strueta, scies.

485 Quidquid id est, Superi quum te cepere regendum,

Insidiis poterit nemo nocere tibi.

His ducibus, contra te nulla valebit aperta

Hostilis feritas, sed tibi terga dabit.

Non te detineat, quod Iberia tam procul absit;

490 Quodque tuum reditum, vota per ampla, petat.

Te poterit leuius nunc, quam prius, illa carere,

Quum natos habeat, pignora cara, duos.

Hos Deus ergo tibi viridi concessit in aeuo,

Vt per te rapidi frangeret ora lupi. 76

495 Te, nostris lacrimis tandem permotus, adegit

Traicere indomiti per vada falsa freti.

Haec tibi de summo mens indita venit Olympo,

Vnde nihil frustra pectora nostra subit.

Hinc ita firmatus recutitos ibis in hostes:

500 In multis statues clara tropaea locis. 76e

I, decus! i, nostri spes orbis, maxime Caesar,

Quo tempus, quo res, quo pia fata vocant!

Per te vult orbi Deus altam reddere pacem,

Quae iacuit, per tot bella, sepulta diu.

505 Per te vult animos fessos firmare suorum,

Funditus vt pereat gens inimica crucis.

Tu propere, quae coepisti, iam pectore toto 76d

Perfice: protectus Numinis ibis ope.

Maiores agnosce tuos, clarosque triumphos,

Quos

Quos atavi quondam promeruere tui. 570
 Experiare tuam, fausto sub sidere, sortem,
 Quae te victorem saepe probata facit.
 Et faciet: coeptis ne desis ipse secundis:
 Sub Iouis alitibus castra tremenda moue.
 Te felix fortuna comes virtusque sequentur, 575
 Orbis et imperium sub tua iura dabunt.
 Non monitoris eges: nec opus currentibus esse
 Fertur equis stimulo: tu tibi calcar eris.
 Ibis ad hostiles, Thracum per iugera, terras,
 Et Syriae capies regna vetusta sacrae. 520
 Vnde triumphali te ~~Tunc~~ Elegeia curru 7t
 Adspiciens, sparsas colliget arte comas.
 Et pede coniuncto Sophocleum nacta cothurnum,
 Grandiloquis referet tot tua gesta modis.
 Hos modo praecipites numeros ne sperne, quod atrum 525
 Squallorem vultus temporis huius habent; 78
 Sarmata vel Latios quod perfretet anser olores, *Li + inter*
 Sub gelido natus, qua riget vrsa, polo:
 Hic, vbi Sarmaticum vagus Istula fertur in aequor,
 Et tuta portum cum statione beat. 530
 Nostrarum facies rerum miseranda coegit
 Ex tristi faciles pectore versiculos.
 Vtique fluunt subito feruore; feruntur ab ore
 In calamum, neruo vix retinente pedes.

515 Non sunt in nonum, fieri quod debuit, annum

Pressi, nec cura cum grauiore dati.

Hoc sit victuris numeris, quos anxia, multo

Cum studio, vatum sollicitudo premit.

Hi nostri modo conflat, cito claustra relinquunt,

520 Et leuibis pennis in sua fata volant.

Tempora noscantur, gestis cum rebus, in illis;

Et moueant animos tot mala nostra pios.

Et quod per Turcas Regi cecidere Polono

Hunnorum Reges, patruus, atque nepos:

525 Quodque per incursum, ex omni parte, coactus

Cum Turcis foedus pacis inire fuit.

Hoc mihi si dederint properantes dicere Musae,

Non est, cur illas plus superesse velim.

Summa Medusae non ambio culmina montis,

530 Vngula quae tetigit Bellerophontis equi.

Aonios latices, quibus est fitis alta, requirant:

Me leuis, in valles quae fluit, vnda iuuat.

AD
INGENVVM ADOLESCENTEM
CONSTANTEM ALLIOPAGVM
CARMEN PARAENETICVM

Primum id euulgatum est a *Stanislao Hosio*, Cracouiae, An. 1539. quaternis, hoc titulo: "*Ioannis Dantis*ci, „Episcopi Varmiens. Carmen Paraeneticum, iuueni- „bus huius temporis non inutile, ad ingenuum ado- „lescentem, Constantem Alliopagum“. Huic editio- ni, quam ante oculos habeo, mecum ex Bibl. Zalu- sciana benignissime communicatam, praemittitur *Stanislai Glandini* I. V. D. ad Iuuenes Hexastichon, item eiusdem Tetrastichon, et ad *Dantis*ci Musam epigram- ma. Constans autem Alliopagus non alius certe, quam *Eustachius a Knobelsdorf*, Canonicus Varmiensis, et po- eta clarissimus: cuius carmen, in obitum *Sigismundi* Regis, summopere laudat *Georgius Sabinus*, in Ele- gia ad illum perscripta, et inserta *Sabini* Poemati- bus, Lib. V. (ed. Lips. 1563.) p. 183.

Reuerendissimo Domino
D. Samueli Maczeiowski,
Chelmenfi Episcopo, Regni Pol. Procancell.
Stanislaus Hosius S. D.

Quum esses Chelmenfis Episcopus renunciatus,
dici non potest, quanta fuerim voluptate persu-
sus. Etenim hoc tibi honore mandato quasi prae-

scribi videbam aliis, qua quemque ratione honori suo velificari oporteret. Nam quum virtuti doctrinaeque tuae, et praeclaris meritis, fructum hunc a sapientissimo Principe tributum esse perspiciant, contendunt omni studio et elaborabunt, qui ad hoc genus dignitatis adspirant, ut iisdem ad eas artibus viam sibi munire queant. Tibi enim quum est honos iste delatus, litteris delatus est, delatus est candori et integritati, delatus est continentiae, modestiae, pietati, grauitati, prudentiae, animi magnitudini, delatus est vniuerso virtutum choro. Quem ita te complexum videmus, ut illud in te verum esse comperiamus, quod a Stoicis dicitur: Cui virtus insit, vna ei omnes inesse. Itaque te aucto et honestato, virtus ipsa mihi aucta et honestata esse videtur. Quam ardentius amplectentur posthac alii, quum eam debitum sibi fructum viderint esse consequutam. Honos enim est, qui alit artes bonas, si bonis detur; malas, si malis detur artibus: qualesque sunt ii, quibus honores deferuntur, tales esse docentur ii, qui ad eos adspirant. Quamobrem quum tibi, hoc est, virtuti sua esse praemia persoluta viderem, tanto fui gaudio cumulatus, ut me tenere non potuerim, quin tibi honorem hunc contra morem consuetudinemque meam publice gratularer. Quoniam iis est hoc fere in more positum, ut qui fortunarum et dignitatis accessionem gratulantur, ii quo magis studium suum decla-

declarent, aliquo eum, cui gratulantur, munere prosequantur; ut receptae consuetudini satisfacerem, ipse quoque, quo tibi potissimum munere meam in te propensam voluntatem declararem, diu multumque deliberaui. Ecce! perquam opportune incidit in manus meas libellus cum primis elegans et venustus dignissimi Praefulis mei Varmiensis, D. IOANNIS DANTISCI, cuius nomen cum doctrinae, tum virtutis fama, in toto prope terrarum Orbe celebre est. Neque nesciebam, quantopere ille ab huius libelli editione abhorreret, ut qui, quum in scribendo carmine ceteris satisfaciat, sibi ipse tamen numquam satisfacit. Sed si Caesar ille Octavianus indignum id esse, minimeque ferendum existimauit, ut quod opus ferrum in se flammisque continebat, id in posterorum manus non perueniret: multo magis mihi indignum minimeque ferendum visum est, eum libellum premi, neque in publicum proferri, in quo tot tam salutaria recte viuendi praecepta continentur. Ego vero quamcumque in partem id ille accepturus esset, nolui me tanto scelere obligare, ut ingentem hanc utilitatem studiosae iuuentuti inuidisse viderer. Quod si quid offensus esset illius animus: bona me spes tenebat, quum eum tibi in hoc tuo nouo magistratu dicatum esse cognouisset, pro eo, quanti te facit, facile eum omnem offensionem depositurum, mihiq; si quid a me, quod non arbitror,

erratum esset, condonaturum. Accipe itaque a me munus hoc, Praesul dignissime, non meum quidem proprium, sed ab eo auctore profectum, quicum tu amoris et benevolentiae certamen eiusmodi suscepisti, statuere ut non possim, illene te, an tu illum pluris facias. Deum precor, ut honorem hunc tibi fortunet, utque te nobis quam diutissime incolumem conseruet, atque omni felicitatis genere cumulet.

PIO LECTORI

Hunc quicumque legis scriptum sine bile libellum,
Commoneo, iudex aequus ut esse velis.

Si quid forte minus solidum, vel forte *χαλκον*

Passim conspicias, consule quaeso boni.

5 *Materiae series spatiosa subinde vagari*

Instit; in angusto noluit esse loco.

Non referre parum nosti, quis spiritus adflet;

Qua vel ad in caussa rostra patronus eas.

Hic nisi taxatur desertor et impius exlex:

10 Integra cuique pio stat sua fama viro.

Grata fuit, nuper mihi quam tua Musa salutem

Dixit: ut haec adsit, non minus opto, tibi.

Et, quae scripsisti, mihi singula grata fuere:

Attamen adfectus non nihil inde fui.

Nempe

Nempe videns enses veteranus miles et arma, 15
 Aëtae militiae cogitur esse memor.
 Annosus tumidas audit quum nauta procellas,
 In terris pelagi non meminisse nequit.
 Venator recolit senior, quid fecerit olim,
 Sicubi per silvas retia tensa videt. 20
 Sic ego, quum legi tua Phoebæ carmina digna,
 Non potui Clarii non memor esse Dei.
 Quae iacuerè fides neglectae, plectra reposita,
 Cum cithara, sese proripuerè statim.
 Oblitque mihi moduli redierè, reclusos 25
 Intima quos habuit pectoris arca diu.
 Mox me Pimplacis spaciari rebar in antris:
 Adstitit et praesto turba nouena mihi.
 Ex qua non potui vetulam cohibere Thaliæ,
 Quin numeros numeris redderet illa tuis. 30
 Concentu parili si non respondet, habebis
 Causam, quod rauca voce senecta canit.
 Dulcior est cantus iuuenis, cui spirat Apollo,
 Et gratum lepidò cui dat ab ore melos.
 Suscipit hos Helicon, qui libertate fruuntur, 35
 Et nullo versant subdita colla iugo.
 Subueniunt animis Musae sine nube serenae:
 Sunt hilares lætum carmina mentis opus.
 At nostrum quatiunt non parua negotia pectus,

- 40 . Quod modo sollicitum plurima cura premit.
 Adde, quod a multo iam tempore prata reliquit,
 Quae de Castalio florida rore madent.
 Vñs abest strictim scribendi: libera cogi
 Dictio sub numeros absque labore nequit.
- 45 . Vix haec est magno studio contracta renitens,
 Quam male composito cernis inire gradu.
 Nimirum quod defueui constringere verba,
 Per se quae motu liberiore fluunt.
- 50 . Quum mihi fulgebant prima lanugine malae,
 Ad Musas segnis non mihi cursus erat.
 Impositis potui multos concludere versus
 Compedibus: quod nunc tarda senectus negat.
 Quae dederat quondam prior, aufert grandior aetas:
 Non eadem semper, quae placuere, placent.
- 55 . Me tamen en! eduxisti per iter, mihi dudum
 Notum, sed modo quod nescio, quale fuit.
 Ne labar, vereor, vel oberrem, quo sit eundum,
 Nescius, oblitus per loca vasta viae.
 Alta senex nequeo superare cacumina montis,
- 60 . Vngula quae tetigit Bellerophontis equi.
 Si non summa petam, medium conabor adire,
 Quo nihil in rebus tutius esse potest.
 Deficiant vires quamuis, roburque fatiscat,
 Nec mihi sit praesens, qui fuit ante, vigor:

Ingre-

Ingrédiaſ tamen: innixum me ſcípío forſan

Ducet, mens quo ſe numine ſentit agi.

Principio quod me grataris culmen ad iſtud

Euectum, noſtri ductus amore facis.

Non hoc tot laudes, quas non agnoſco, dedere;

Sed dedit immerito gratia magna Dei.

Immerito certe: qui non ſum pſcere verres

Dignus, et e ſiliquis exſaturare famem.

Namque creatorem multis in ſordibus aucto

Offendi grauiter crimine ſaepe meum.

Horreſco memorans aetatis tempora primae:

Quae, quibus abſumſi, ſunt mihi nota, modis.

In teneris annis tumidam ſum raptus ad aulam,

Scilicet ex doctis, quod modo plango, ſcholis.

Aula, lues hominum, ſentinaque larga malorum,

Me docuit, pudor hic quae reticere iubet.

Hanc igitur linquens, Latiasque profeſtus ad oras,

Me volui ſtudiis conſociare tuis.

At ſecus euenit, quum iam penetraſſe per Alpes

Me vidi, latum nec procul eſſe fretum.

Euganeos adii concluſos vndique Ponto,

Qui tria regna ſua ſub ditione tenent.

Hic quum vidiffem ſocios, nauemque paratam

Ad Solymas; mihi mens quo fuit ante diu:

Mox illam ſubiit vis Numinis impete quodam,

Quae

- 90 Quae iussit comitem me simul esse viae.
 Conscendi, pariter persolvens debita naui,
 Optatis ventis velaque tensa dedi.
 Multa maris passus discrimina, plurima vidi,
 A me quae toties lecta fuere prius.
- 91 Singula dinumerare labor modo quum sit, omitto:
 Ex multis referam sed tibi pauca tamen.
 Adriacos fluctus linquentes, carbasa magnum
 Pandimus Ionium per mare, flante Noto.
 Legimus inprimis Coreyrae littora, nudum
- 100 Fracta Dulichium quae tenuere rate.
 Hic non vna quidem nobis est insula visa,
 Quas nimia mendax Graecia laude canit.
 Attigit et claram prius vrbibus acta per vndas
 Aegaeas patriam nostra carina Iouis.
- 105 Frugum Creta ferax, et abundans dulcis Iacchi,
 Ex magna nobis vtilitate fuit.
 Cepimus hic etiam victum: ductisque per aequor
 Carpathium ventos aura secunda dabat.
 Liquimus hic fines Europae, nautaque coeptum
- 110 Ad partes Asiae continuauit iter.
 Vidimus inde Rhodum, cui numquam nubila solem
 Obducunt, qualiscumque sit illa dies.
 Hic ego cum fociis fessos reparauius artus:
 Tunc ibi praefuerant candida signa crucis.

Addere plura liberet: at hic mihi tempero, quum sint 115

Nota satis, quamuis vrgeat ipse dolor.

Soluimus a Phoebi sic regno, regna petentes,

Quae Cyprus adseritur continuisse nouem.

Hic nos detinuit flatu contrarius Euris,

Cornua dum Phoebes bis renouata forent. 120

Hic Paphos, hicque Gnidos, mons Idalus, et ne-
mus ipsum,

Praebabant oculis gaudia nulla meis.

Namque febrem, putri corruptus ab aere, passus,

Non potui Veneris languidus esse memor.

Tandem nos Aquilo pertaesos littore soluit, 125

Rursus et in pelagus lintea plena tulit.

Sed tibi quid memorem, fuerim quam paene sub
vndis,

Quum nauis dederat saepius icta latus?

Hanc fractis voluit penitus subuertere velis

Flans ab Hyperboreis nimbifer ille iugis. 130

Tum mihi bis deni fuerant, non amplius, anni: 1303

Extremumque mihi rebar adesse diem.

Sola Dei nos seruauit clementia summi,

Qui tumidis ventis imperat atque mari.

Hoc duce tum demum sospes prope littora veni, 135

Ad quae tam longo tempore cursus erat.

Hic victam fertur Caeto rapuisse puellam

Per-

- Perseus, et monstro praeualuisse maris.
 Cum sociis subii Ioppen, de more relicta
 150 Cum fessis nautis, in statione, rate.
 Hinc nos ducendo Mahumetica turba recepit,
 Deservit Christi quae recutita fidem.
 Impositi Solymas asinis intrauimus, aestu
 Exanimes, passi verbera, probra, lutum.
 155 Gentis inhumanae crudelia facta minasque,
 Non est, crede mihi, qui numerare queat.
 Vidimus hic, vbi crux steterat, sanctumque sepul-
 crum,
 Et Christi circum quae loca sancta manent.
 Transgressi tandem limosi gurgitis vndas,
 160 Cui lacus Asphaltus meta suprema datur:
 Attigimus terras Arabum. Sed longius exit,
 Quam volui, senio facta Thalia loquax.
 Haec quum lustrassem multo discrimine cuncta,
 Vanaque cognoscens quidquid hic orbis habet:
 165 Intendi rediens is me subducere rebus,
 Quae me sollicitum plus habuere satis;
 Vivere contentus paucis, inglorius annos
 Ducere, prudenti simplicitate frui;
 Otia complecti, priuatam ducere vitam,
 170 Quae foret a quavis ambitione procul;
 Et cum litterulis commercia rursus habere,

Pieri-

Pieridum doctis inter et esse choris.
Me patriis igitur Laribus, caris et amicis
Inclusi, statuens, abditus esse domi.
Sors aliter vertens iterum me traxit ad aulam, 165
Et votis uti non dedit illa meis.
Iam quarto famulor Regi, qui sceptrum Polona
Dirigit immensi lata per arua soli.
Cuius grandaevis genitor Rex, gloria Regum,
Dante Deo, decus hoc pontificale dedit. 170
Sed prius a multis serviui duriter annis,
Perpeffus vitae taedia longa meae.
Missus ad heroas toties, orbisque monarchas,
Curarum grauium pondera mille tuli.
Sum ter ad Hesperiam procul ablegatus vtramque: 175
Est ter et ipsa mihi Gallia visa triplex.
Vidimus a nostro diuifos orbe Britannos,
Magnus et Oceanus quae prope regna tenet.
Extremos hominum Morinos, gentemque Bataua,
Et quos vicinos Rhenus et Ister habet. 180
Iunior et belli contra Dacosque, Getasque,
Atque Borysthenidas, tempore miles eram.
Sic tot per montes, valles, vaga flumina, pontum,
Iactato requies non fuit vlla mihi.
Quis studiis toties motoria fabula factus, 185
Haerebit? quid in is artis habere potest?

Quas

Quas et ob id laudes tribuis, non nosco: nec esse
Accissimum credas: res facit ipsa fidem.

Si quis, amans artem, non est operatus in illa,

190 Vel quam non didicit, quomodo, quaeso, sciet?

Multa potest licet improbitas, studiosa laboris:

Abſque docente tamen vix iuuat iſte labor.

Marte fatigatur proprio; doctore leuatur

Ingenium, citius quo duce cuncta capit.

195 Hoc ego ſum raro primaecius vſus in annis:

Quod ſcio, quidquid id eſt, cura ſubinde dedit.

Non ſemper male, quae fuerant quandoque, locaui

Otia, cum parua ſedulitate tamen.

Nunc huc, nunc illuc, hominis mens ſaepe retracta,

200 Non vni potis eſt ſemper ineſſe rei.

Forte putas, multum valet experientia: ſic eſt:

Sed ſine litterulis proficit illa parum.

Qui mores hominum peragrans ſcrutatur, et orbes

Extremi partes, laudis amore facit.

205 Hoc ductus quondam prudens errauit Vlyſſes:

Non melior rediit, ſed magis inde miſer.

Antipodes liceat videas, Indosque reſertos:

Quid tum, ſi mens non cultior inde redit?

Per mare, per terras volites: quid tum, loca tantum

210 Si mutas, et mens, quae fuit ante, manet?

Antigone facit hoc: gruibus mos eſt ſimul idem:

Anſer

Anser et ille redit, qui prius anser erat.
Laudatur merito, qui numquam viderat urbem,
Rusticus, et patrium non nisi nouit agrum;
Cuique fere totus vicinia proxima mundus, 215
Magnaue vicinae regna videntur harae;
Qui nescit, Tanais, vel quo decurrat Hydaspes,
Contentus riuus, qui prope rura fluunt.
Non eget hic medicis, neque succis vititur aeger,
Quos fallax pretio pharmacopola parat. 220
Ex herbis altus, quas tellus ipsa paterna
Protulit, infraeto robore, fortis arat.
Attamen ingenue senuit, sine crimine vixit,
Ex animi constans simplicitate sibi.
Quid praestant illo, magnus quos cantat Homerus, 225
Et quibus in terris nomina clara facit?
Nascimur, et morimur sub eisdem legibus omnes:
Et genus est Parcis, Croesus et Irus, idem.
Fama quid in Stygia demersis profuit vnda?
Vel quibus aetherea viuere sede datur? 230
Non faeuos minuit cruciatus; gaudia reddit
Non magis aucta: sed est flamen inane soni.
Ob quod se dedunt hominum tot millia morti,
Vera quibus curae non solet esse salus.
Quos hic deberem tibi si depingere versu, 235
Immensi fieret grande laboris opus.

Profuit expertis non experientia semper:

Interitum claris saepe dat illa viris.

Dux bonus in bellis, plerumque natator in vndis,

240 Schaenobates rupto funeque saepe perit.

Et mihi mors oculis fuerat quandoque sub ipsis;

Non semel et vitae spes mihi nulla fuit.

Tunc ego felicem, qui versat aratra, putavi,

Vt mihi fors, optans, illius arcta foret.

245 Quare ne laudes, amisi quod bona frustra

Tempora, canities quod nitet ante diem:

Et quod sum toties terris iactatus et alto,

Hinc modo quod vita languidiore fruor.

Artibus illa bonis si tradita forte fuissent,

250 In modulis esset dexter Apollo meis.

At, viden'? inculto procedunt agmine: quorum

Si sint dispositi, nescio, rite pedes.

Forte statum recto non seruant ordine: mirum

Ne tibi sit, siquidem nil Heliconis habent.

255 Sed cito praecipites volitant ex tempore nati,

Exosi limae, quas meruere, notas.

Ad te nam properant, quaedam documenta ferentes,

Ex re non vana quae tibi forsitan erunt.

Ille, valetudo quem corripuit grauis olim,

260 Aegro consilium ferre salubre solet.

Sicque tibi possum vitae praescribere leges,

Ver.

Versatus variis, tempus ad omne, modis.

Tu, qui iam primo vernas in flore iuuentae,

Praecox ingenium cui Dea Glauca dedit:

Tempore perpendas nihil hic pretiosius esse, 26

Quod semel elapsum non reuocare potes.

Hoc dedit ergo Deus, possis vt saluus in illo,

Et confors fieri sedis in arce poli:

Hoc et, vt adfidue sanctis te moribus ornes,

Vtque pie viuas, dum tibi vita comes: 27

Denique quod studiis possis incumbere rectis,

Quae non a vera relligione trahant.

Inprimis curae tibi sit, super omnia summum

Viribus ex totis cordis amare Deum.

Quem, caue, ne laedas vnquam; si laeferis, imo 28

Ex animo veniam, sit mora nulla, petas:

Et doleas, quod peccasti; desiste, statimque

Cum lacrimis lapsum confiteare tuum.

Non temere peccans, sed qui compunctus ob ipsum

Delictum linquit crimina, saluus erit. 29

Peccatum vitans Christo confide, iuuabit:

Haerens peccato fidere nemo potest.

Non credas fidei, quae non nisi nomine constat,

Et quae non fructus ex pietate facit.

Qua modo decipitur vulgi pars magna furentis, 30

Credere duntaxat quae satis esse putat.

Semper in ore fides, et Christi verba feruntur;

Absque sed effectui vana profata manent.

Vt bene sit ventri, sub ventreque cuncta licere,

290 Ex reprobis monachis turba magistra fuit.

290 Per quam multorum mentes hoc tempore languent,

Quas misere captas impius error agit.

Scripta patrum contemnuntur: noua scripta probantur,

Oestro quae Stygio, plenaque bile, tument.

295 Non secus haec vulgus tamen obseruare iubetur,

Quam si sint Christi singula scripta manu.

Quem iactant, et habere putant, qui talia plebi

Inculcant, Pluto quum regat intus eos.

His humana patrum veterum documenta videntur,

300 Et sua, plena probris, esse sacrata volunt.

Peccandi datur hinc rabiosa licentia multis:

Reiicitur, veluti fex, opus omne pium.

Turpiter erratum clamant huc vsque fuisse,

Et prius hic sanctos desipuisse viros.

305 Haecenus ac si non datus esset Spiritus ille

In mundum, summi missus ab arce patris:

Hoc aeuo primum quem descendisse fatentur,

Et modo se plenos illius esse ferunt.

At vitae mores alium sub pectore monstrant,

310 Qui se declarat per sua gesta satis.

A Superis humilis, patiens, castus, pius, aequus;
Spiritus a Stygiis est sceleratus aquis.
Per quem sunt sectae, lites, homicidia, fraudes,
Ebrietas, luxus, stupra, rapina, furor.
Hoc duce cuncta docent, et multa volumina spar-
gunt,

141

In pedicas per quae credula corda trahunt.
Quae si quando legis, ne te sub melle venenum
Corripiat, niuea simplicitate caue.

Hoc etiam virus fidei simul omnia soli

Attribuit; factis esse necesse negat.

142

Qui praecepta Dei seruando non facit, haecque
Contemnit, frustra nititur ille fide.

Absque fide Christi nihil est, conferre salutem

Quod possit, quantum sit licet usque bonum.

Ex nobis hoc, quod profit, praestare nequimus: 145

Velle bonum, donat gratia sola Dei.

Quare non hominis currentis, siue volentis;

Illius est solidum sed miserantis opus.

In nobis operans hoc ipsum iussa sacrata

Perficit, et mundum vincit, et omne malum. 146

Estque necesse, sed ut rogites, quod gratia detur,

Sic viuens illa dignus ut esse queas.

Quam si sectantur sua congrua gesta, nec illam

Sumseris in vanum: fidere iure potes.

115 Exercens se quippe fides, non mortua, saluat:

Hanc tu viuentem, per pia facta, proba.

Da nudo vestem; peregrinum collige; pressum

Pasce fame; pellas a sitiente sitim.

Captiuos redimas; aegros inuisere perge;

120 Et defunctorum corpora conde solo.

Imparti miseris operam; succurre dolenter

Adflctis; omnes non simulanter ama.

His simul offensas, tibi qui nocuere, remittas;

Si tibi dimitti multa scelesta velis.

125 Quod fieri tibi vis, aliis fac; caussa doloris

Sis nulli; linguae sint tibi fraena tuae.

Si quem laesisti, placā, veniamque roganti

Communi tractus frater amore dabit.

Non facias, in eo quod displicet est tibi si quid:

130 Vt cum fratre solet frater, amanter agas.

Ex vno genitore quidem processimus omnes:

Ex vno nati compositique luto.

Nos et idem pretium Stygiis dissoluit ab vndis;

Hac Rex et seruus sunt ratione pares.

135 Debemus faciles hinc condonare vicissim:

Quin hostes etiam iussit amare Deus.

Hoc age, ne cui sis inimicus; dilige, cunctis

Et benefac: nullum despice, quisquis erit.

Sunt delatores, hominum pars pessima: sed tu,

Oblo-

Obloquitur si quis, credere turpe puta. 360
Nullius famae, vel honori detrahe; nulli
Inuideas; cunctis fausta precare libens.
Res te nulla cito vehementem vertat in iram;
Nec cito de verbo commouere leui.
Cum nullo tibi sit lis aut contentio; cede, 365
Induci certans si ratione nequit.
Ne tibi sit, caue, cum sociis consortio prauis:
Quae tangit, retinet candida lana picem.
Sive premant aduersa, feras, nec corrue; nec te
Sublimes, si te forte secunda leuant. 370
Rebus in humanis medium seruare labora,
Et certum vitae disce tenere modum.
Te luxus, rapiens Cypriaeue libido petulcae,
A recto non in deuia lustra trahant.
Vtere consilio prudentum; ne tibi fidas; 375
Decipimur, nobis quum nisi nostra placent.
Omnibus ex aequo faueas, prodesseque gesti:
Nemo tuam frustra poscat egenus opem.
Haec fiat tibi summa: Deum reuerere, timeque,
Et super omne, quod est, semper amare stude. 380
Sic facies, nec vana tibi fiducia crescet:
Non alia saluat conditione fides.
Hinc nobis aderit patris indulgentia summi,
Saluari certe qua sine nemo potest.

- 385 In Christum credens tota vi pectoris, is sic
 Aeternam vitam, qui bene fecit, habet.
 Hanc ut viuendo recte contingere possis,
 Impendes operam nocte dieque tuam.
 Tende per angustam portam; descensus auerni
 390 Est facilis, quorsum perditâ turba ruit.
 Cum qua ne te praecipites, iter arripe strictum
 Ad Superos: nec erit, si cupis ire, graue.
 Namque iugum domini portanti sponte suaue:
 Et, si sponte feras, est onus omne leue.
 395 Huic te submittas; patientia dux tibi fiat;
 Sic poteris vita sine carente frui.
 Ut quandoque statò ieiunia tempore ferre,
 Et res ad sacras aptior esse queas:
 Castiga corpus, prompto seruireque coge
 400 Spiritui, spernens quae caro stulta cupit.
 Non semper pastu saturum, temetoue refertum,
 Sed tenui victu leniter illud alas.
 Sic te non poterunt adfectus, qui cor adurunt,
 In desideriiis illaqueare malis.
 405 Nec poterit princeps huius te subdere mundi,
 Cuius castra vides vulgus inerme sequi.
 Cum peditum graditur turmis, equitumque pha-
 langis,
 Et cum velitibus vastat vbique suis.

Hic

Hic ubi praesertim maculanti nemo resistit,

Quisque sed in patulam fertur, ut aura, necem. 410

Nec desunt haec ductores ad bella periti,

Quos declamantes impia turba colit.

Ganea dat campum; mucronem crapula; mortem

Ad quoduis facinus mens, sine lege, vaga.

Ex qua proueniunt cum fastu liuor, habendi 415

Ardor, adulterium, luxus, et omne scelus.

Hinc venit omne nefas, furiosa licentia, Diuim

Contemptus, quacuis ad benefacta pudor.

Hanc qui nunc mentem sumfere, per arua, per
vrbes,

Regnaque tot sectas constituere nouas. 420

Fronteque perfrecta, temere simul absque rubore,

Hi quid non audent? quidue licere negant?

Nullus honestatis cultus, fidei, vel honoris,

Et nihil his verae religionis inest.

Quidquid iurarunt, vel promifere, relinquunt, 425

Immemores pacti, non sine labe, sui.

Foedera, iura, sacras leges, et vota recepta,

Contra desponsam deferuere fidem.

Vestales stuprant, facientes scorta, misellas:

Coniugii tamen haec crimina nube tegunt. 430

Hoc sane Deus instituit; sed non dedit uti

Cunctis; sunt etiam, quos sine prole beat.

Hi sunt, castrauit quos propria sponte voluntas,
Propter fiderei regna beata poli.

437 Bis senos Christum tales habuisse spadones
Constat, ab vxorum quos tulit ipse toris.

Ex illis nulli tum permississe reuerti
Legimus ad thalami iura relicta semel.

Semper adhaerebant, et corpore menteque puri
440 Adseclae, domino per loca cuncta suo.

Donec eos partes mundi legaret in omnes
Surgens, quum mortis vincula scissa forent.

Ad populos Asiae quosdam, quae continet vrbes
Innumeras, fidei quae didicere modum;

445 Ad Libyae gentes alios, vbi magna Cyrene,
Cuncta iacet variis Africa vasta plagis;

Post et ad Europae regiones istius orbis
Hos misit, veram quæ docuere fidem.

Non quam nunc mixtam conspurcant mille venenis

450 Hi, per quos turbis Teutonis ora furit.

Vnde tot armorum strepitus, tot caesa colonum
Agmina, tam multus depopulatus ager;

Tot viduae, caris prolesque parentibus orba:

Vnde tot ex stupris probra nefanda patent.

455 Tales non fuerant, qui Christi nomen vbique
Sparferunt, et qui dogmata recta dabant.

Non lucri cupidos, aliena vel arua petentes,

Vel

Vel quibus ex raptu vita scelestâ placet;
Non homines tumidos, omnique libidine plenos,
Quique nisi nitidæ pondera carnis amant: 460
Sed sibi delegit pius ille magister egenos,
Et qui cultores simplicitatis erant.
Quique, scaphis ruptis et retibus, inde vocati,
Dimissis cunctis, non renuere sequi.
Dixit enim, qui non sese carosque parentes 465
Deserit, et natos, coniugis ora, domum:
Hunc se non dignum, caeloque; manere profundi
Hunc Erebi poenas, et sine fine rogos.
Nubere non vetuit, si recte riteque fiat, 470
Sit quamvis ingens virginitatis honos.
At semel ex labiis quæ cor dedit intima vota,
Irrita non fieri, vana nec esse, velit.
Quæ modo proiiciunt, qui, religione propulsa,
Vestique deiecta, Cypridæ arua colunt.
Hoc ut idem faciant omnes, non posseque clamant 475
Quem sine complexu vivere femineo.
Quum multi taedas numquam tetigere iugales,
Quos vetus et nova Lex commemorare solet.
Depositis postquam, fugientes claustra, cucullis
Turpiter hi ducunt publica scorta, fremunt. 480
Praesertim quum non habeant nutrire palatum,
Nec quo conquirant, edidicere, modo.

In pretio tamen esse volunt, magnique videri,

Verba per ampullas prodigiosa loqui;

485 A cunctis etiam venerari, numina dici:

Sic Curios simulant; Sardanapalus inest.

Hunc ut alant intus, coguntur quaerere technis

Subsidium, dites sub quibus esse queant.

Non opus est aris, latrant: aurata supellex

490 Quid facit? aut Tyrio murice lana rubens?

Pauperibus potius conflata darentur in usus;

Hoc se signantes nomine, non inopes.

Ex templis rapiunt argenti vascula sacri,

De quibus affabre pocula facta tenent;

495 Vreolosque graues, pelues, lances, paterasque:

Indeque se reputant Regibus esse pares.

Vestibus ex sacris sunt ornamenta luparum:

Hoc opus, exclamant, scilicet esse pium.

Scilicet haec orbis, viduis, miseris, et egenis?

500 His gelidae spretis vix datur haustus aquae.

Ad se cuncta trahunt: miseri tamen esse videntur:

Nam male parta, diu non bene firma manent.

Quumque nihil restet, quod plus rapiatur ab aris,

Ablatis spoliis templaque fracta vacent;

505 Et quum sint absunta prius per tempora lapsa,

Sacrilegae furtim quae rapuere manus:

Sumitur increescens usura foenus, ut illud

Pendatur: grauiters mens solet intus agi.
Quum poscit reddi sibi debita creditor acer,
Hoc opus, hic labor est, cumque dolore pudor. 570
Curritur ad cyathos, auro paterasque rubentes,
Et quidquid reliquum Laidos arca tenet.
Si forsan fuerit prope, clam Iudaeus apella
Quaeritur: in pignus sacra rapina datur.
Soluitur aes, sed cum fastu, quasi plura supersint, 575
Et quasi thesauros India victa ferat.
Spes vultu simulatur: arat penetralia moeror,
Qui tum solliciti pectoris ima premit.
Paupertas grauis est: animos igitur sibi sumunt
Ad quoduis reprobum, dum modo proficit, opus. 580
Ad quaestum faciunt, quaecumque lucella petentes,
Omnia, seu scribunt, seu sua scripta docent.
Quum reboant ex suggestis, non aera verentur
Poscere, pro dictis quae vomuere malis.
Nil aliud vehemens oratio continet in se, 585
Quam diras, risus, scommata stulta, iocos.
Hic blaterant in Pontifices, sacrosque ministros,
In buccam quidquid mens male sana gerit.
Probra crepant tumidis et tot conuicia verbis,
Falsaque mendaci non pudet ore loqui. 590
Blandidici palpant, dant auribus; inde mereri
Praemia contendunt, inde placere volunt.

Vrget

Urget enim duris feruens in rebus egestas,

Quum domus exilis pane meroque caret.

535 Thais edax lautas epulas, et dulcia musta,

Cum potu Cereris non leuioris auet.

Postulat ex auro torques, vestesque superbas,

Per quas vicinae par cupit esse suae.

Quae si defuerint, lites et iurgia lectus

540 Concitat infaustus, caedeq̃ saepe madet.

Plurima moecha furens caussatur, plurima fingit,

Vel queritur, dictu turpe, necesse sibi.

Vociferantur et inde nothi: ferit aethera clamor,

Quum nudos vexat non toleranda fames.

545 Quid tum mens patitur scelerum sibi conscia? no-
scunt,

Hoc in pistrino qui modo saepe gemunt.

Si tamen ex aliqua ditescit fraude crumena:

Tunc gula nec legem, nec tenet ampla modum.

Noctes atque dies tum pergraecantur abunde,

550 Et sine temperie cocta, vel assa, vorant.

Hos tu carniuoros, lurcones, et comedones,

Deuita, quibus est venter, et esca, Deus.

Quandoquidem, quum multa vorent, et plurima
potent,

Persuadent sibi, quod regna superna petant.

555 Nulla sacri ratio ritus, vel temporis, illis:

Cuncta

Cuncta sub arbitrium disposuere suum.
Quid sibi non tribuunt? Legis veterisque nouaeque
Omnia turbantes ad sua sensa trahunt.
Quam ducant vitam, qua sint ab origine, qua sint
Doctrina, rabie, quoue furore, liquet.
Hos nunc infelix vulgus miratur, amatque:
O mores! o quae tempora! flere libet.
Orandus Deus est, forsan miserebitur, inquam,
Orandus, toto pectore, mente, fide:
Ad caulas ut oves errantes ducat, et illas
Amplius insanos non sinat esse lupos.
Fluctibus in saeuis est Petri cymba frequenter
Exagitata, manens salua: manebit item.
Ni fallor, quadringentas huc usque fuisse
A Christi sectas tempore scriptas ferunt.
Quae, miserante Deo, periire: peribit et ista,
Quae de praeteritis nunc noua facta furit.
Firma sed in fines Ecclesia nostra vigeat,
Quos cunctis posuit rebus in orbe Deus.
Nec portae rabidi poterunt Acherontis obesse:
Filius hoc summi dixit, critque, Patris.
Hac spe suffulcus, non cures scire, quid audis,
Siue legis, turba haec quod male sana docet.
Tu constans operare bonum, mala cuncta caneto:
Numquam constituent te bene facta reum.

Te totum dedas domino sine fine perenni;

Illius et fido pectore iussa tene.

Atque nega tibi te prorsus; diuina voluntas,

Non tua te, quae non est nisi praua, regat.

585 Tolle crucem propriam, mundo sis mortuus, hocque

In dubio vitae turbine, viue Deo.

Sobrius aetatem serua sine labe pudicam,

Coeci ne pueri te mala tela petant.

Non peccant oculi, ratio si temperat illos;

590 Nec cor consentit, quod ratione viget.

Si tamen ipse iuuentutis vehemens calor vrit,

Implora summi cum prece Patris opem.

Ad sacros fugias, postponens otia, viuos

Scripturae fontes: languidus ignis erit.

595 Ipseque decertes, fortis virtute superna:

Conatus frustra, si Deus absit, erunt.

Sunt contra carnem, mundum, tenebrasque regentem,

Continue nobis bella, nec vlla quies.

In quibus est victo carcer sine fine paratus:

600 Victori caeli ianua summa patet.

Ad quam contendens, pugna: superabis, et hostes

Firmo certanti pectore terga dabunt.

Haec age sed non cunctanter, monitisque paternis

Pare, quae tibi post commoda multa ferent.

605 Hac recta pergas: scopus hic te ducet ad astra:

Non

Non defraudabit, quam tibi monstro, via,
 In qua te chartis potes exercere sacratís;
 Ingenium crescet cultius vnde tuum:
 Artibus atque bonis te tradere, discere multa,
 Essem quum iuuenis, quae latuere prius. 610
 Sunt praeceptores; est copia larga librorum;
 Et loca sunt votis, ut reor, apta tuis.
 Incumbas igitur cura, fidoque labore,
 Et studium Sophiae non tibi vile puta.
 Cumque tuis etiam tibi sint commercia Musis, 615
 Obscoenos fugiens, ut mala monstra, iocos.
 Casta placent Superis; castum decet esse poetam:
 Candida sit vitae pagina iuncta tuae.
 Et quum natiuae tibi sint, me iudice, dotes,
 Quae facilem reddent, ad tua plestra, chelin: 620
 Quumque nec egressus sis, consulo, bis duo lustra,
 Ut per adhuc quaedam tempora prata colas:
 Prata sub Aonio florentia fonte, subire
 Ex quibus in colles ductor Apollo dabit.
 Non procul inde situs mons est excelsus: in illo 625
 Pythagorae biuium littera fecit iter.
 Quo quum concedes, adscendens linque sinistram
 Ad latus attritam, quae patet ampla, viam.
 Multorum siquidem, multo iam tempore, pressa
 Est pedibus, facilis, plana, retusa, placens. 630

Hic spirant violae, fragrans et amaracus, inter

Lilia purpureis candida mixta rosis.

Ne te pelliceant iucunda vireta, suaves

Ant volucrum cantus, inde reflecte gradum.

635 Itur enim, sedes vbi pernicioſa voluptas

Conſtituit, multi quo properanter eunt.

Huc tendunt omnes, paullo quos diximus ante,

Turmatim ſecum qui vaga corda trahunt.

Impietas, faſtus, cum luxu ſpurca libido,

640 Hic habitant, dantes omnibus ante malum.

Declina, propere fugiens: ego, quidquid ibidem

Fit, referam: quondam nam mihi nota loquor.

Tractus eo iuuenis, quae nunc tibi voluitur aetas,

Plurima ſum vitae paſſus acerba meae.

645 Me rapuit ſpatioſa viae progreſſio lenis:

Ardua, quam cepi, nulla ſubefſe videns.

Et ſic imprudens trita hac ſum calle proſectus:

Hoc rectum mea mens eſſe putabat iter.

Quandoquidem, quod non ſenſi, me daemionis aſtus

650 Ducebat, genius qui ſolet eſſe malus.

Pergebam laetus: ſpirans redolentia florum

Pellexit liquidi me prope fontis aquam.

Hic omnis generis ſeruebat muſica circum:

Hic choreae faciles, hic iocus omnis erat.

655 Organa, ſiſtra, tubae, citharaeque, lyraeque ſonabant;

Orgia

Orgia Lenaei nec tacuere patris.
 Pampineisque pater cinctus sua tempora ramis,
 Siccabat dulci pocula plena mero.
 Quem Bacchae medium complexae dulce caneant:
 Ridiculos duxit plebs temulenta choros. 669
 Nudis cum Nymphis Fauni, Satyrique bicornes,
 Saltabant variis laeta per arua modis.
 Coetus Hamadryadum, Dryades, agilesque Napaeae,
 Plaudebant comitis flore virente comis.
 Multaque texebant ex densis ferta rosetis, 665
 Quae per iter fociis imposuere nouis.
 Vnde coronatus veni, quo plebs in aprico
 Gramine ludebat multa, profusa mero.
 Hic iuuenum pulcris formosa caterua puellis
 Iuncta, simul cupidis incubuere iocis. 670
 Adfuerant annis etiam senioque graui,
 Canitie poterant qui superare niues.
 Quos ego mirabar: ludibria namque fuere
 Aetati tenerae: sustinuerè tamen.
 Cantabant, alii ridebant: omnia plena 675
 Deliciis fuerant, lactitiaque pari.
 Hic Venus et Bromius conuiuia laeta pararunt,
 Et placidis multos adhibuere toris.
 Non decrant, quae vina tulit Chios, amplaue Gaza,
 Et quae Campanus, quaeque Falernus ager. 680

Decertabatur cyathis, paterisque vicissim:

Bellum grande quidem, sed geniale, fuit.

Inuitatus ad hos epulones, sponte resedi,

Fraudari genium, dedecus esse ratus.

686 Inter conuiuas gratus nouus hospes habebat:

Illorum didici scita modosque breui.

Nactus et hic caros comites, plures et amicos,

Commoda persuasi multa futura mihi.

Magna fuit nobis sermonis copia potis;

690 Ad facinus quoduis indeque magnus amor.

Nil intentatum, quo truserat ebrui ardor;

Nil fuit intactum, mente furente mero.

Iam Tartessiaci se merserat aequore Titan,

Fulsit et ingenti Cynthia plena face.

695 Discurrebatur per lucos, perque luparum

Antra, furor demens quo faciebat iter.

Confectis tandem vino, lustrisque, rubere

Tithoni rutilis coeperat vxor equis.

Deuentum fuit hinc, poterant procul vnde videri

700 Atria, mirificis aedificata modis.

Ad quae multiuigae calles, et lata viarum

Strata patecebant, vndique trita satis.

Non opus hic ductore fuit: socii simul acti

Currebant, nulla praepediente mora.

705 Turpis eo subito properantes vi labor egit,

Pellit

Pellit vt abductas impius hostis oues.
 Panditur interea domus altis fulta columnis,
 Intus quae magno clara nitore fuit.
 Ex auro, gemmis, bysso, coccoque micabat,
 Dulce thymum spirans, cinnama, thura, crocum. 710
 In medio late fulsit speciosa voluptas,
 Quae stantes aulam iussit inire foris.
 Illecebris solitis monstratis, et tot vbique
 Deliciis, omnes traxerat illa cito.
 Ingressi dominam laeto clamore salutant, 715
 Antequae Reginae procubuerunt pedes.
 Haec in puluino fedit, quem molliter amplo
 Infarsit niuei candida pluma cygni.
 Strata fuere fabre pictis asarota tapetis,
 Et cathedris auro condecorata litis. 720
 Ad se mox blanda venientes voce recepit,
 Dans placidam cunctis, pulcraque verba, manum.
 Protinus et iussit residere suauiter, illis
 Et sterni lectos, stragula picta dari.
 Maurant famulae, quarum se prima mouebat 725
 Mollities, tenui desidiosa gradu.
 Post hanc segnities, vertigo rotans, et orexis,
 Tussis, et infecto lenta grauedo pede.
 Has comitabantur febris ardens, et sitis vrens,
 Nausea, cumque suis tarda podagra malis. 730

Quaeque voluptati gratissima seruit, ocellis
 Prospiciens patulis, Galla puella subit.
 Pone sequebatur scabies, nunc aulica dicta,
 Vnguentis redolens oblita, pulcra tamen.
 Tandem falce metens anus ossa clauserat agmen,
 Cum reliquis, quas hic non numerare vacat.
 Singula quo fierent ex ordine, rector et aulae
 Somnus cum seruis adfuit inde suis.
 Principio sopor, et formarum portitor ille
 Terribilis, mentem qui recubantis agit.
 Singultus, tremor, et ructus, foetore citatus,
 Et vomitus, languor, cumque dolore tumor.
 Quos morbo geniti varia sub veste sequuti,
 Apti ministeriis ligna tulere datis.
 Turbaque praeterea venientem plurima somnum
 Stipabat, cuius nomen omitto libens.
 Hunc ad se vocitans tandem satiata voluptas,
 Claudere cunctorum lumina fessa iubet.
 Ille leuans virgam, lethaeo rore madentem,
 Sparsit: et ex oculis cefferat omne iubar.
 Mox sopor insiluit, lassisque labore quietem
 Corporibus tribuit: sed fuit illa brevis.
 Namque sequebantur comites hic ante notati:
 Quisque suo fungi munere promptus erat.
 Nec minus ancillae fuerant ad iussa paratae,

Quae

Quae prius ex titulis iam patuere tibi.
Postquam prima quies transisset, nausea praesto
Foeda voluptatis coepit adire locum.
Pro dominaque sua, quae sic iniunxerat illi,
Succeslit, plebis facta magistra suae. 760
Cum famulis famulas arcessens, omnibus aequa
Lance ministerii munus habere dedit.
Officiosa cohors subito mandata peregit,
Exque suo fecit nomine, reque, satis.
Hinc gemitus, planctus, fremitus, clamorque to-
nabat : 765
Heu, rerum facies quam miseranda fuit !
Ipsa voluptatis disparuit aula repente,
Hospitibus rursus commoda facta nouis.
His, in deliciis et mollibus ante grabatis
Qui iacuerere, fuit postmodo lectus humus, 770
In vasta misere plerique palude iacebant,
Morbos ob varios qui petiere mori.
Hic philtrum biberat; glutiuera ille rubetam;
Hic, quod ferre suo tempore luna solet.
Innumeri mecum, quos stillans plurima torfit 775
Pustula, tot querulis increpuere modis.
Iamque fere medium Phoebus transcenderat axem,
Prospexi, regio num mihi nota foret.
Quae gens, quae tellus, sibi quid mutatio vellet

- 780 Ista recens, esset cur mihi laesa salus?
 Laetitia nihil hic hesternae, signa nec vlla
 Illius exstiterant: omnia plena metus.
 Plena doloris erant, discriminis omnia plena:
 Antequam mors oculos trux, et amara, stetit.
 785 Quo me cumque tulit visus, loca tristia late
 Moerebant, foedis plena cadaueribus.
 Hic acies nullae, neque pila minantia pilis,
 Inter se diras conseruere manus.
 Fecerat hanc tantam stragem sed spurca voluptas
 790 Sordibus Idaliis, Bassareisque scyphis.
 Quos prius in viridi ludentes gramine vidi,
 Tectos vix vili stramine terra tulit.
 Quot iacuerunt viri, mulieres quotue misellae,
 Gallica quos omnes pestis edebat atrox!
 795 Quam plures sanie taboque fluentia crura
 Tractantes, putri procubuerunt solo:
 Et cassos oculos, et pus ex naribus actum
 Cum naso: iubet hic plura tacere pudor.
 Quid memorem reliquos Epicuri de grege porcos,
 800 Praecipiti dederat quos gula multa neci?
 Siue frequens illos quos compotatio fecit
 Amentes, stolidos, cumque furore truces?
 Quos sic expertes rationis, et omnis honesti,
 Iusti contingit mentio nulla Dei.

Esse sibi nati ad turpissima quaeque videntur, 805

Et nisi quod potent, et sine lege vorent.

Hos numquam vecors temulentia deserit, unde

Et sapiunt, tribuunt summaque cuncta sibi.

Quid non ebrietas committit, et audet in orbe?

Quod scelus intactum, quod finit illa nefas? 810

Inter turpe decensque furit, discrimine nullo:

Saepe putat, quae sunt podicis, esse caput.

Non homines, non illa Deos formidat, in omne

Prompta scelus: posito cuncta pudore facit.

Detrahit, infamat, petulans obscœna profatur: 815

Obruta mens quid non dicit, agitue, mero?

Hinc rixae, lites, opprobria, iurgia, caedes,

Et mala tot, calamus quae numerare nequit.

Haec animi vires enervat, et hac duce clarum

Ingenium, sensus, mentis acumen, abit. 820

Corporeisque bonis, oculis, manibus, pedibusque,

Et reliquis membris omnibus illa nocet.

Illa ferox omnis morbi, languoris et omnis: 825

Quis referat, morti quot dedit ante diem?

Haec tot funeribus campos, dumeta, paludes,

Strauerat: aegrorum sed neque finis erat.

Hoc foedum vitium praecellit dedecus omne,

Nec quoduis aliud turpius esse potest.

Hoc, inquam, nullum quo perniciosius exstat,

- 830 Me quoque detinuit non sine purè diu.
 Iamque propinquabat, quum sic percussus in omnes
 Spectabam partes, carnificina mihi.
 Commoriebatur prope me iam plurima turba,
 Et stetit ante pedes meta suprema meos.
 835 Mox in me cecidere timor, tremor, et dolor ingens:
 Quid facerem, grauitèr nescius ingemui.
 Nunc huc, nunc illuc, subitis in rebus agebar,
 Consilii, sensus, et rationis inops.
 Mors oculis, animo flagrantis poena Gehennae
 840 Obseruabatur, quae data sine caret.
 Multa reuoluebam perplexus, et vndique septus:
 Nulla salutis erat, spesque nec vlla fugae.
 Tunc, quam sit vanum, didici, considerare rebus
 Humanis; firmum quam sit in orbe nihil:
 845 Quodque statu res nulla diu perdurat in vno:
 Sed veluti glacies, sole liquante, perit.
 Sic ad me rediens, lacrimis ex corde subortis,
 Expendi vitae tempora lapsa meae.
 In quas aerumnas, in quae discrimina totus
 850 Incideram, sensi, Numinis actus ope.
 Vnde cadens supplex, et terrae pronus inhaesi,
 Imbribus et largis immaduere genae.
 Summe Deus, dixi, qui verbo sidera, terras,
 Et mare fundasti, quidquid et orbis habet.

Omnia

Omnia tu nosti: iudex es iustus in omnes: 850

Supplicibus clemens attamen esse soles.

Vae mihi, vae, toties quod te, tua iussaque liqui,

Subditus hic faeni daemonis imperio.

Quid faciam? quo me vertam? dolor urget, et
instat

Mors mihi, quam video iam prope ferre gradum, 860
Punior ex meritis, patienter et haec mala porto,

Quae dedit, heu! misero vita scelesti mihi.

Namque voluptati, virtutis calle relicta,

Indulgens, factus sum tibi saepe reus.

Hic et ob id scelerum iaceo sub mole grauatus, 865

Qua, sine te, nusquam me releuare queo.

Huc me gliscentis dementia prima iuuentae

Traxit: et hinc poenas omnia membra luunt.

Puteo tabescens: lue scabra prurit ab omni

Parte cutis: nec inest ossibus vlla quies. 870

Erumpunt gemitus vdis cum fletibus ad te,

In quibus hic veniam, corde tremante, precor.

Turpiter actorum me poenitet, et pudet intus,

Quae crebro quatiunt cor modo triste meum.

Crimina tot dimitte mihi, pie quaeso Creator, 875

Nec sic plasma tuum putre perire sinas.

Propitius siquidem misereris, votaue praestas,

Mitis ut exaudit pignora cara pater.

Te

Te moueant igitur lamenta profunda dolentis :
 880 Ex caulis etenim sum pecus, ecce! tuis.
 Quippe salutifera lotum baptismatis vnda,
 Me crucis ornasti nobilitate sacrae.
 Hanc male conseruans, profugus regione sub ista,
 Quae merui, factis praemia digna fero.
 885 Adfunt monstra Stygis: rapior periturus ad Orcum,
 Si non eripiet me tua larga manus.
 Nec mora, nec requies: circumstant vndique fonti,
 Et foris ac intus tristitia bella mouent.
 Corpus ab immenso corrumpitur omne dolore,
 890 Et sibi mens, vitiis obruta, iure timet.
 Non sum plus dignus caeli miser astra videre;
 Quin minus, vt dicar filius esse tuus.
 Tu tamen indignum, genitor mitissime, natum
 Respice, compunctis qui pius esse soles.
 895 Si me restitues, mihi sique peperceris, omnem
 Diriget hinc vitam flens Metanoea meam.
 Da mihi tempus, vt haec emendet pectus iniquum,
 Meque tibi reddat, qui tuus ante fui.
 Huc, precor, huc adsis, pereunti porrige dextram,
 900 Ex hac me tetra quae cito valle trahat.
 Adfertor venias, dux et virtutis ad arcem,
 Rursus in illius meque repone viam.
 Hoc te, per natum crucifixum virginis, oro,

Per

Per quem frustratas non finis esse preces.
Multaque praeterea simili ratione petebam, 905
Propitio subdens omnia nostra Deo.
Quumque voluntati se pectore traderet omni
Diuinae, subito mens mea sensit opem.
Succreuitque mihi fiducia certa, fidesque,
Et spes, quae rebus fuit amica meis. 910
Vnde fatigatum planctu, multoque dolore,
Me quidam coepit dulcis habere sopor.
Quo grata requie per languida membra refecto
Est visus iuuenis carpere clarus iter.
Candida vestis erat, vultusque nitore verendus, 915
Cui cecidi surgens obuius ante pedes:
Nescio, si vigilans, aut somno pressus: at ille,
Proximior placide sic mihi factus, ait:
Quid facis, infelix? huc quis te deuius error
Detrusit? dedit haec quis tot acerba pati! 920
Iam periturus eras, si te non vota precesque
Iuuissent, Superis quae, miserande, dabas.
Te malus huc genius statuit, me prorsus abacto,
Cum quo tendebas ad Phlegethontis aquas.
Cuius desertor quum sis, iterum tibi custos 925
Sum datus, estque mihi tradita cura tui.
Ex hoc te mortis strepitu squallorequae ducam,
Sanis si monitis gratus adesse velis.

Et

Et fiet tibi, sincero quod corde petisti:

930 Tu modo festina, quo tibi monstro, sequi.

Adtonitus recolens vestigia visa sequebar;

Nox et ab illius lumine clara fuit.

Prolixamque viam dulci sermone leuabat:

Non erat illa placens, ut fuit ampla prior.

940 Strictior exstiterat quasi semita trita parumper,

In multisque scabris sentibus arcta locis.

Ille meus ductor me confirmavit eundo,

Et mihi pergendi dogmata recta dabat.

Nunc digitis signabat iter, nunc ore docebat,

950 Erudiit monitis meque subinde piis.

Vnde, procul densa mentis caligine pulsa,

Effeci, quidquid iusserat ille, libens.

Sospes et euasi prope prata virentia tandem,

Pungentes linquens asperitate rubos.

960 Quae super instabat, gemino qui vertice caelum

Mons ferit, Aonidum sub ditione, biceps.

Progressusque parum, collis sublimis acumen

Conspexi, virtus hic ubi pulchra manet.

Non tamen audebam dubius mihi fidere, si res,

970 Vel si vana mihi somnia sensa darent.

A ductore meo volui perquirere certum

Euentum, terrae quae plaga visa foret.

Confestim circumspiciens, praecesserat ille

Lon-

Longius; ostendens indicis arte viam.
 Expauit sic desertus, vigilansque videbam,
 Quae prius in somnis rebar adesse mihi,
 In biuio stabam, de quo me praua iuuentus
 Fecerat erronem, non tamen absque metu.
 Qui semel est usus, formidat, quum videt ignem:
 Ireque, saepe cadens, absque timore nequit.
 Non eques esse cupit, quem ferrea saepe ferocis
 Vngula prostrauit praetereuntis equi.
 Sic et eam stratum timui sub parte sinistra,
 Territus ex plagis, quas ibi passus eram.
 Vibices aderant, et adhuc neque vomica crebra
 Defuit, et rapido plena tumore cutis.
 Sic ubi cognoui, post damna peritus, vtramque
 Callem, consilium res prius acta tulit.
 Vertit vt a scopulo praeuiso nauita proram:
 Sic fugi laeuum, quod reuocabat, iter.
 Declinans igitur dextrorsum pergere coepi,
 Quo mihi flectebant praeuia signa ducis.
 Haec ego per corneta videns vepresque, pedato
 Sectabar, nota non mihi calle prius.
 Quae fuit asperior primum, multique laboris:
 Non tamen abstraxit me grauis iste labor.
 Nec me stringentes tribuli, spinae vel acutae,
 Detinuere, nec hinc corporis acre malum.

Processi, vitilis sensim post terga relictis,

980 Et simul his, mihi quae cara fuere prius.

Et sic aeger adhuc, et fessus, tardius ibam:

Adtriti citius non potuere pedes.

Quod bonus vt genius vidit, fortasse misertus,

Substitit, et lassum iuuuit vtraque manu.

990 Spemque dedit fore, si saltem conarer, in ipsa

Quod notis possem cominus arce frui.

Praeterea multis de rebus multa loquutus,

Viuenti docuit rectius esse genus:

Quod nos a brutis distingueret: hocque probari

990 Non sensu carnis, sed rationis ope.

Et quod vita bonis aeterna daretur; iniquis

Aeternus Stygia sub ratione focus.

Praecedens iterum iussit me cautius ire

Per quoddam vernans, tempus ad omne, nemus,

995 Monstrauitque mihi frutices, herbasque salubres,

Ex quibus aegrotos pharmaca cocta iuuant.

Non myrto, neque sandyci, violis vel amoena,

Qualia nuper erant, hic viruere loca.

At, par vrticae foliis, Patientia primum

1000 Hic stetit, et pariter crebrior illa fuit.

Hinc bona Sobrietas, redolensque Modestia mater

Herbarum viridi stabat amicta toga.

Herba pudicitiae gaudens cognomine, iuxta

Flo.

Floruit hanc, Charitum quae pia nomen habet.
Inde frutex Fidei dispersis vndique ramis, 1005
Cum reliquis, quas haec germine ferre solet.
Ex his collegi medicamina grata saluti,
Quae propere vires restituere meas.
Firmior hinc factus, comitavi lactus euntem
Sub quaedam celsi culminis alta iuga. 1010
Hicque fatigatum paruo requiescere fecit
Tempore, dans vitae dogmata scita mihi.
Hoc, ait, in summi virtus est vertice montis,
Quo feror, hospitium possit ut esse tibi.
Tu modo non pigre contendas; forte subibis, 1015
Sicque, quod orasti, postmodo, dixit, erit.
Remigioque petens alarum protinus arcem
Virtutis, iussit se velut ante sequi.
Ad quam nitebar pertingere, nobile signum
Agnosces nostri, montis in arce, ducis. 1020
Hoc ego iam longo sectatus tempore, pergo,
Conatusque meos finiet atra dies.
Felix, qui potuit virtutis adire cacumen:
Haec Superum dignos sedibus una facit.
Hanc Graeci vates, hanc laudauere Latini; 1025
Haec et in Hebraicis est celebrata libris.
Quam cum discipulis tibi si describere vellem,
Hoc paruum fieret grande volumen opus.

Denique te nequeo celare, quod hac mihi calle

1030 Pergenti Deus hic dona tot ampla dedit.

Cui quam grata, scies, fuerit, quot et illa beatos

Effecit, veterum si monumenta leges.

1035 O, vtinam numquam liquisset stulta iuuentus

Hoc iter, in quo nunc fudo subinde senex!

Quod possum, praesto: numquam me prompta vo-

1040 luntas

Deficiet: solet hanc namque iuuare Deus.

Hoc vt idem facias, nostro discrimine doctus,

Te moneo: procul hinc castra sinistra fuge.

Qui sapit ex aliis, quos imprudentia ducit,

1045 Vt sibi prospiciat, non male, crede, sapit.

Quandoquidem cupidus, quâ fiant omnia, scire,

Impingens, auctor fit sibi saepe mali.

Vix ego tam multis euasi casibus actus:

Tu catus exemplo disce cauere meo.

1050 Praeponas oculis igitur, quae foeda voluptas

Praemia mancipiis hoc dat in orbe suis.

Ad dextrum tendas, virtus vbi pulcra moratur:

Ardua sit, liceat, tu modo perge, via.

Nitere conscendens: adeo labor iste molestus

1055 Non erit: illius culmen adire potes.

Hic posuere Dei sudorem: tu quoque suda:

Pertinges, et cum tempore compos eris.

Contendas fieri formosi cultor honesti,
Vtile quo nullum carius esse sinas.
Abstineas; patiare libens; quod oportet, et omni,
Quod potes, incumbas posse carere nota.
Ne noceas ulli; cunctis prodesse studeto;
Sis comis, facilis, non tamen inde levis.
Nec tumeas, generis quod sit tibi nobilis ortus:
Sed te demisse, cum probitate, geras.
Virtus nobilitat; genus ex virtute probatur.
Nobile, qua sine nil stemma decoris habet.
Hanc si consequeris, te clarum reddet, honorem
Donabit, carum te facietque tuis.
Externis etiam gratum praebebit: habenti
Virtutem merito crescit ubique fauor.
Hoc te complector, quamvis te, quod scio, num-
quam
Ex facie noui: nec tibi vanus erit.
Tum quod sis nostras, tum quod ditione sub ista,
Quam rego, prognatus sis quasi verna mihi.
Quin etiam quod te cognoscens indolis esse
Ingenuae, cuperem rebus adesse tuis.
Tu tamen interea, si sit penuria, suffer;
Psittacus esuriens dicere discit, Aue.
Luxuriant animi, pleno qui ventre rigantur,
Et studiis proni turpibus esse solent.

Tu studiis possis vt honestis saepe vacare,

Fraenet temperies hoc iuvenile decus.

Non cibus, aut potus nimius te reddat ineptum,

1040 Litterulis frugi pectus vt esse queat.

Commoda namque bonis tua nunc est artibus aetas,

Quae breue post tempus non erit apta magis.

Exterior, quam decrescat, venientibus annis,

Vis rerum memorans, ingenique vigor.

1045 Vtere, dum sanguis calet, et dum taedia defunt,

Tempore, quo nihil hic carius orbis habet.

Omne cito cursu, sine sensu, labitur aeuum,

Et numquam, paullo quod fuit ante, redit.

Exerce vires animi; poliuntur ab usu,

1090 Indiga quo quaeuis ars nihil artis habet.

Plurima constanti discendo quaere labore,

Vt nomen praestet re, quod ab ore sonat.

Nec te detineant torpentis sacra Vacunae:

Perpes at in sacris Palladis esse stude.

1095 Otia quid possint, noscunt, quos coeca libido

Perdidit: haec fugiens, commoda multa feres.

Si careas fociis, qui nil nisi ludicra spectant,

Saluus es: illorum blanda venena necant.

Te doctis coniunge viris, virtute probatis,

1100 Moribus ex quorum sit tibi vita bonis.

Hic vatium tot fabellas, exemplaue verac

Histo-

Historiae possem multa referre quidem.
Talia sed prudens tibi saepe legenda relinquo,
Nempe quod hic scribo laudis amore nihil.
Sed magis ut prosum; non, titillare poetas
Quod solet, ut dici doctior inde velim.
Haec et ob id properat congesta paraenesis ad te,
Ut sit viuendi regula certa tibi.
Ad quam si te compones; te, criminis omnis
Oso rem, faciet semper honesta sequi.
Teque Deo tradet totum, pondusque docebit
Te propriae leuiter ferre salubre crucis.
Tu modo conatus, ad cuncta ferenda, viriles
Intendas: superat, qui tolerare potest.
Cogitur ad metam currens, quod Horatius inquit,
Frigoris ac aestus plurima ferre puer:
Fastidire merum, Cytherae linquere sordes,
Et placida raro commoditate frui.
Profuit ut multis interdum tristis egestas;
Sic etiam multis copia damna dedit.
Tu medium teneas: mediocriter ut tibi cuncta
Sufficiant, victus sit mihi cura tui.
Dummodo Pierides, Sophiaeque volumina sacrae,
Omnis cum studii sedulitate, colas.
Proficies, de te neque fallet opinio, nostris
Si morem monitis, ut puto, sponte geres.

Crescet in his propensa Dei tibi gratia summi,

In qua persistens indigus esse nequis.

Illi caelestes insunt et opes, et honores,

4420 Post miseram vitam qui sine fine beant.

Nec viuos, et se dignos haec deferit unquam,

Quos fructu satiat fertilioris humi.

Desuit his numquam pastus, vel vestis amictus,

In mitem qui spem deposuere Deum.

4430 Huic tu confidas; fidentem nutrit, alitque:

Sic tamen, vt facias omne, quod ille iubet.

Quod potes, hoc praesta: semper iuuat ille vo-

lentes,

Saepeque propitius sat voluisse putat.

Cor hominis, non rem foris adspicit: omnia nouit,

4440 Estque probae multum simplicitatis amans.

Nil tibi vel tribuas, placeasue, nec altius istis

In rebus sapias, quas modo mundus agit.

Sat tibi sit sed viua fides, quae iussa sacrata

Perficiat, seruens in pietatis opus.

4450 Hanc tibi quo possis operando reddere firmam,

Aduigila: frustra non erit ille labor.

Ille verecundos mores, vitamque modestam,

Et tibi virtutum conferet omne decus.

Et sensus acuet, dabit et rationis acumen,

4460 Qua tu multa legens, plurima scire potes;

Inque

Inque virum, parens monitis, succrescere doctum:

Vnde mihi valeas utilis esse breui.

Tunc prodesse tibi, patriaeque, tuisque, quod

optas,

Cum magno poteris laudis honore tuae.

Quod mihi commendas caros in calce parentes 1115

Carminis, hoc iusta cum pietate facis.

Quos si quis vero colit et veneratur amore:

Ille diu viuens prospera cuncta feret.

His nihil hic potis est de te incundius esse,

Quam quod virtutis coeperis ire via; 1160

Quodque bonis studiis reddaris promptior, omnis

Expers haerescos, daemonis arte satae;

Et rectae fidei teneas quod firmus amissim,

Aethereis possis iunctus ut esse choris.

Et quum saepe tibi tot fausta precentur, et optent, 1165

Responde votis dexteritate piis.

Prosequar hos etiam, siquidem meruere, fauore;

Te quoque propter eos: res tibi testis erit.

Dummodo contineas, serpens contagio ne te

Inquinet infrenis, quod solet illa, luis. 1170

Conquiras claras, ne te contaminet, artes,

Quem colis infecta sub regione, locus.

Vtere de sacrae scripturae fontibus ortis

Antidotis, quae non oblita felle madent.

1175 Sicut apes, quum vere fauos reparant sibi, flores

Non tangunt hos, qui toxica ferre solent:

Nec de mortifera letales smilace succos;

Ex dulci capiunt sed sua mella thymo.

Elige sicque bonos auctores, vnde legendo

1180 Religionis amans doctior esse queas.

Ex spinisque, tuos pungentibus vndique sensus,

Fragrantes cauta collige mente rosas.

In mediis quum sis, quae sunt bona, carpe, ve-

nenis:

Ne tamen inficiant pectoris ima, caue.

1185 Interdum proferre solet medicamina virus,

Si certum teneat, Paeonis arte, modum.

Rebus in his prudenter agas, illaesus vt inde

Hinc redeas: hospes sic mihi gratus eris.

Plura loqui tecum cupiens anus haec mea voce

1190 Elinguis tremula, fessaque tota, fugit.

Hanc traxit tua Musa recens a Phocidis antro,

Quod repetit, posthac vix reditura. Vale!

AD

IUVENES SECVLI HVIVS

Hoc epigramma, quamvis *Dantisci* non esset, tamen
Carmini Paraenetico et in *Codice Zalusciano*, et in
editis exemplis subiectum est. Neque nos pellere
loco suo volumus.

In quibus hoc aevo *Christi* respublica nutat
Diffidiis, quis non lippus in orbe videt?
Vnde tot in sectas hominum sententia tracta,
Multorum vario turbine corda quatit.
Quo possis igitur fugienda relinquere cautus,
Et sectanda sequi, dent tibi lecta viam.
A qua ne titubans dementis opinio vulgi
Te trahat, intendas, Argus ut esse queas.
Atlantis fuge sed, qui nunc creuere, nepotes:
Pectora nam pubis reddere coeca solent.
Quae contacta semel iaculum letale reseruant,
Vera salus animae quo vitiata perit.

IONAS PROPHETA

Ita habet inscriptio in *Codice Zalusciano*. Sed vero *Hoppius*, *Schediasm. Litt. de scriptoribus Hist. Pol.* §. 56. et *Andreas Charitius*, *Comment. de viris eruditiss.* Gedanensis, p. 37. Vaticinium adpellant, de interitu Regni Poloniae, et Ciuitatis Gedanensis. In variis editionibus *Ianoscius* l. c. p. 72. laudat praecipue eam, quae anno 1577. Posnaniae quaternis prodiit, una cum *Thomae Samostrelcii* Or. in Gedanenses. Vnde etiam ipse describendum curauit. Nobis, exemplum sequutis *Zaluscianum*, satis visum est ex *Ianoscii* editione varias lectiones infra adicere. Aliud, idque valde diuersum, proditum esse accepi in *Responsoria* (*Io. Ernesti Schroëri*) ad *Elisei Aurimontani* Epistolam, (*Alithopoli* 1638. 4.)

Vrbis noua, diues opum, Dantiscum, siue Gedanum,
 Accipe diuina quae tibi mente loquor.
 Est breue tempus adhuc: si non peccata relinques,
 Hoc quibus exundas tempore, fracta rues.
 Creuisti cito: sic etiam Superis male grata
 Decresces: instant iam tua fata tibi.
 Impietas, fastus, luxus, tria monstra, ruinam
 Iam tibi, ni fuerint prorsus abacta, parant.
 His tribus es iam facta tumens, infrenis, et exlex;
 Hinc, quodcumque libet, iure licere putas.
 Parsque tui potior, tribus his est plena, Senatus:
 Humor hic in plebem deuius vnde fluit.

Inter-

Interiisse prius propter tria funditus ista

Cum populis vrbes, oppida, regna, liquet.

Haec nequit Omnipotens tria ferre diutius in te: 15

Quae nisi depuleris, te grauis ira manet.

Iamque tibi excidium gliscens, clademque minatur,

Ni propere facias, quae mea dicta monent.

1) In primis redeas ad religionis auitae,

Quam te scis temere deseruisse, viam. 20

Non veterum fuge contemnens pia dogmata patrum; He

Et noua, (namque nouum despice,) virus habent.

Mentis et inflatae sinuosum pone tumorem,

Ex partis opibus qui tibi magnus inest.

Maior honestatis, quam formae, cura sit in te, 25

Vt iunctus niteat cum probitate decor.

Virgo tegat patulo turgentes pectore mammas,

Quae, quasi prostitui debeat, ire solet.

Non sit nupta procax, alienis compta capillis: matre

Fascia ne ^a superet, neuē tiara, modum. 30

edn Serica, cum gemmis et torquibus, exue: vestis

Est satis huic statui lanca digna tuo.

Illā tuos decuit maiores: te malus illam

Quis pudor hoc itidem tempore ferre vetat?

Sisque potestati iurata mente fidelis, 35

Sub cuius placido tegmine tuta viges,

Copia

nec

Copia te rerum non efferat, aut maris vlla

Prosperitas: verti nam solet illa breui.

Poeniteas laesisse Deum; commissa fatere;

40 Et veniam, vita sub meliore, petas.

Linque voluptates, sectas erroris, et omne,

In quo te Domino noueris esse ream.

Et quod adulteriis, stupris, coenisque per hortos

Peccasti, supplex corde gemente dolo.

45 Ingluuiem vincant ieiunia, templaque lucas:

Quod Thais fuerat ^b, sit Metanoea tibi.

Pauperibus largire libens, fratrique remittas

Noxam: quod partum fraude, repende, tenes.

Te nihil hinc sequitur, nisi quod praestabis egenis:

50 Hoc siquidem vita sine carente beat.

Sic eris e multis, quae restant, libera poenis:

Mitior et fuerit ^c vindicis ira Dei.

Te plagae tandem moueant, iam ter tibi missae,

Exitium grauius ne tibi quarta ferat.

55 Ante dedit pestes aer tibi, nuper et ignes:

Quid dederint vndae, non meminisse potes ^d.

Haec sed adhuc tria contemnens elementa superbis:

Te saltem reliquum cogat habere metum.

Si cum terrigenis, erit actum, terra moueri

60 Coeperit; in praedam facta, iacebis humi.

Vltri.

^b. Thaisque fuit, ^c. fiet ^d. nequis. (Quod rectum.)

Vltrices aquilae commercia publica tollent:

Comprimet annonae Vistula clausus iter.

Infantem draco depascens tua moenia cinget,

Alite prognatus, cuius es ipsa, Iouis.

Cumque lupis aderunt vrſi, cum tigride pardi, 65

Cum catulis et item torua leaena suis.

Valleris, liceat; iungas quoque Pelion Oſſae:

Non ſecura tamen, ni Deus adſit, eris.

Externis tunc praefidiis frustrata manebis,

Diuitiſque tuis deſpoliata gemes. 70

Tunc te deſtituent vires, ornatus, et omnes

Deliciae, quibus es turpiter uſa ſatis.

Quidquid in hortorum latebris, feſtiue diebus,

Plebs ſpatians geſſit, tunc miſeranda lues.

Impietas, ſaſtus, luxus, tua numina, tecum 75

Tunc ſimul in barathrum, quod mernere, cadent.

Admonui quondam Niniuitas: profuit. Et te,

Vt proſim, moneo: ſi capis, e adde ſinem.

Longanimis ſolet eſſe Deus, reſpiſcat vt inde

Peccator, tolerans crimina multa diu. 80

Quae quum non ceſſant, caſtigat et acrius; adſert

Cum magno poenas ſoenore ſupplicii.

e. ſapis,

EPIGRAMMA

DE PROCRASTINATA AUDIENTIA

APVD

CAROLVM V. CAESAREM

Numquam antea editum descripsi ex *Codice* olim *Carnouiano*, nunc *Zalusciano*, mecum benignissime communicato, in quo insunt "Epistolae, legationes, „responsa, actiones, et res gestae Serenissimi Principis Sigismundi primi, Regis Poloniae et Magni „Ducis Lituaniae, annis 1522. 1523." Conf. Reuerendiss. Dni *Ios. Andr. Zaluscii*, Praefulis Kiouienfis, ad *Ang. Mariam Quirinum*, Cardinalem, Epistola: item *Ianoscii V. C.* Catalogus Codd. MSC. Bibl. *Zalusciana* p. 35. sq. Illud autem Epigramma, Valdoleti in aula Caroli V. Caesaris scriptum An. 1523. atque huic exhibitum, deinde *Dantisus* misit ad *Petrum Tomicium*, Episc. Cracouiensem, et Regni Vice-Cancellarium: "vt cognosceret, quod „neque *Helicon* intactum relinquat, quo minus „res ipsi commissae agantur." Posthaec addit: "Ha- „buique eo die audientiam:

Carmina de caelo vidi deducere lunam.

Quam sit Sarmaticis Orator gratus ab oris,
Inprimis domus, in qua manet, arcta probat.
Et probat hoc, quod eum non vult admittere
Caesar:

In nonum trahitur iam sua causa diem.

Regi-

Regius, o Caesar, si non honor, et sacra iura 5

Sanguinis, et si te vincula nulla mouent:

Inclinata tamen te iam respublica flectat,

Ob quam tam durum per mare fecit iter.

Si nescis, Hunni patiuntur, itemque Poloni:

Commune exitium non procul esse timent. 10

Quod si conciderint: (Dii talem auertite casum!)

Post se, quod reliquum est, ista ruina trahet.

Est graue de is audire tibi: grauiora profecto

Facta videbuntur, nunc quibus esset opus.

Nunc poteris teneras, si vis, extinguere flammās: 15

Posthac, dum crescent, nulla iuuabit aqua.

EPITAPHIVM

MERCVRINI GATTINARIAE

CAROLI V. AVG. SVPR. CANCELL

Epitaphium hoc, et reliqua, honori ac memoriae Viri Summi a *Dantisco* consecrata, exstant inter Epitaphia et Epigrammata aliquot illustrium virorum, in funere Mercurini Cardinalis, Marchionis Gattinariae, Caroli V. Aug. Supremi Cancellarii, quae, auspiciis *Dantis* ipsius, cura *Hilarii Bartelephi Ledaet* prodierunt Antuerpiae, ex officina Io. Graphei, An. 1531. quaternis; nunc rarissima, ideoque indita etiam *Philippo Frider. Hanio*, Viro Eruditissimo, in Memoria Mercurini Arborei a Gattinaria.

Mercurinus in hoc iacet sepulcro

Gattinarius, omnium perenne

Virtutum specimen, vir acris omni

In re iudicii, sagax, et aequus

Legum cultor, agens nihil fauore

Aut donis, odio, metuve, totus

Verax, candidus, integerque vixit

Ore, consilio, fidelitate.

Cancellarius et diu supremus

Fuit Caesaris; hinc rubro galero

Decorus; sed erat sub hoc honore

Paruo tempore, Caesarem per Alpes

Ad

Ad Oenum gelidus sequutus aeger,
Addictus iacuit grani podagra,
Quam multos habuit prius per annos,
In hac iam tenuem ex dolore vitam,
Solutus cruciatibus, reliquit,
Lustris iam prope tredecim peractis;
Et nunc perpetua quiete gaudet,
Quam bonis Deus omnibus parauit.

ALIVD EIVSDEM

Hic iacet exemplum fidei, pietatis, et aequi,
Atlantis nomen cui dedit ipse Nepos.
Cui dedit ingenii vires, et mentis acumen,
Eloquii gratum consiliique decus.
In magnis igitur rebus prudenter agebat,
In quibus ille fuit mortis adusque diem.
Sic constans, fideique tenax durabat in omnem
Euentum, fretus Caesaris auspicio.
Nemo datis, seu promissis hunc flexerat unquam,
Nec Gallus Rex, quo tempore captus erat.
Diuitiae res sunt fluxae, bona fama superstes
Vivida post cineres nescit in orbe mori.

ALIVD

Virtus, integritas, rerum sapientia multa,
 Recti conscia mens, religionis amor,
 Hoc vno cum Mercurio sub marmore, cunctis
 Testantur, quanta vir probitate fuit.
 Omnibus ille bonis studuit prodesse; nocere
 Nulli; cui potuit, ferre rogatus opem.
 Carolus hunc Caesar non frustra luxit ademtum;
 Vix vmquam poterit forsan habere parem.
 Vtile contempsit, solum delegit honestum;
 Sic viuens nullas accumulauit opes.
 Sed fidei gazas, post se, cum laude reliquit,
 Et pro terrenis possidet astra bonis.

ALIVD

IN EMBLEMA EX ALTERA PARTE
 IMAGINIS ILLIVS AD VIVVM
 SCVLPTAE

Sola fides terris Phoenicem sustulit vnam:
 Sustulit ad Superos hanc quoque sola fides.

EPITAPHIVM

PETRI TOMICII

EPISC. CRACOVIENSIS

Primum editum Cracouiae, An. 1537. quaternis: de-
inde ab *Sim. Staranolsio* insertum Elogiis scripto-
rum Pol. illustrium p. 24. itemque Vitis Antistitum
Cracouiensium, p. 215.

Hic iacet Antistes templi clarissimus huius,
Gentis Tomiciae, Petrus, in Orbe decus.
E viuis fractus lenta aegritudine cessit,
Illi quam Regni sedula cura dedit:
Ardua tractabat qua saepe negotia, magnus
Consilio, triplici magnus et eloquio.
Iudicio quoque sublimi, prudentia, et aequi
Cultura, constat non habuisse parem.
Hunc Aula, et lugens Respublica sentit ademtum,
Cuius praesidio commoda multa tulit.
Omnibus hic post se virtutum exempla reliquit,
Per quas, in Christo, viuit in arce poli.

HENDECASYLLABI

AD

GEORGIVM SABINVM

ACAD. REGIOMONT. RECT

Exstant in *Sabini* Poematibus, p. 308. vbi et illius
Hendecasyllabi, ad quos *Dantiscus* respondet, editi
sunt. Illos quidem, et ceteros ad *Dantiscum* per-
scriptos, infra adtulimus, in Carminum Adoptiuo-
rum Libro.

Respondere tuis quidem vicissim
Cyrhaeis numeris velimus: at nos,
Curis implicitos negotiisque,
(Vt semper fugiunt senes puellae,) 10
Sueti destituunt fauore Musae,
Quae dant Aonios probe liquores
His, qui saepius otio fruuntur.
Quod, Sabine, tibi, tuisque doctis
Adseclis, sine liuida fauemus
Nota; quodque diu geras sub illo
Felici pariter tenore vitam;
Cum Phoebis fidibusque, gratiosam
Optamus prope Nestoris senectam.

Nos hic continuo labore torquent

Imo in pectore cogitationes,

Quas respublica dat domusque nobis:

Vnde rara quies sub hoc tumultu,

Quem fert turbo frequens negotiorum.

Et si forte datur subinde duri

Qualiscumque remissio laboris,

Non durat: redeunt breui prementes

Angores animum molestiores.

Verum, quando subit superna rebus
Terrenis meditatio relictis,

Mens curis vacat, et vacat labore.

Sed haec stare nequit diu voluptas,

Ni iuste fuerit Deus rogatus:

Qui quamuis malefacta semper odit,

Non odit tamen ille poenitentes:

Sed clemens pater hic grauem remittit

Noxam, dans veniam reis reuersis.

Hac spe viuimus, et laboriosam
Vitam ducimus, haec tibi nota

Vt sit, scribimus ad fluentis Allae

Ripas, qui quoque Bregelam subintrat:

Ad vos vnde fit auctior profusus.

Hos ergo hendecasyllabos minutos

Boni consule, mi Sabine, quaeso,
Non tuis similes Catullianis,
Qui dulces redolent salem ac leporem,
Cum multa simul eruditione.
Tot annis valeas salubriterque,
Quot versus elegantiores
Quam sunt, quos ego cudo, praepeditus
Curis continuis, negotiisque:
Vel quot gratus ager refert aristas,
Quum iam Sirius igneus calescit.

Quodsi versiculi parum placebunt,
Quos ex tempore mittimus, volanti
Adscribes calamo: profectioni
Namque intendimus, ad graues ituri
Tractandum patriae vocantis aëus.

Ex Heilsberga, III. Non. Maii, MDXLVI

A D E V M D E M

π

Ex *Sabini* Poematibus, p. 312. sq.

- Comtas floribus, et rosis nouellis,
 Et terrae variis virentis herbis,
 Quas hoc ver redolens reduxit orbi,
 Nuper docte tuas Sabine Musas
- 5 Vultu vidimus obuias sereno
 In nostro reditu, fluentis Allae
 Ad ripas, modulis simul canentes
 Pimplacis resonans ab ore carmen,
 Carmen dulce, suäue, perpolitum:
- 10 Quod nos exhilarauit ac refecit,
 Et, post hoc iter, omne, taediosum
 Quod nobis fuerat, placens ademit.
 Quare tot tibi gratias habemus,
 Quot fert germina nunc humus tumescens
- 15 Hoc sub tempore, quo comas resumunt
 Frondentes procul arbores in antris,
 Et nostris prope quae manent in hortis;
 Quo iam celsa petunt Oreadesque
 Pindi culmina gressibus citatis;
- 20 Et quo nunc Dryades suas choreas

Impigroque gradu suas Napaeae
In pratis, et agris, aquisque ducunt.
Iam quaecumque videntur vndiquaque
In campis, vel in intimis viretis,
Aut in vallibus, aut iugis in altis, 25
Rident omnia, euncta laeta rident.
Hoc ut tempore, mi Sabine, festo,
Quod sunt pollicitae tuae Camenae,
Quo iam singula gaudiis resultant,
Et quo Spiritus adfuturus ille, 30
Qui replet pia corda Christianis,
Certo creditur, huc velis venire,
A te poscimus, ac tui iugalis
Consortem thalami venire tecum;
Isiderus item, velimus, vna 35
Ut tecum veniat vocatus hospes.

Pro Volscæ tamen Anna fit Camilla,
Quae Turno tibi gessit in Latinos
Fidas suppetias, deditque, quidquid
Sermonis Latii est politioris, 40
A caro patre, cuius es profunda
Factus splendidus eruditione,
Praeclarum quoque nactus es per orbem,
Cum magno pariter favore, nomen.

45 Scribenti modo fertur adpulisse
Vestri nuncius huc Ducis Borussi,
Est a quo mihi litteras amicas,
Pulsans ostia, redditurus: illum
Dum sic excipio, recessit omnis
50 Conceptus calor, atque me puellae
Solum Pierides statim relinquunt.

At curae redeunt molestiores,
Quas respublica dat, trahuntque longe
A coeptis numeris: in his morari
55 Quam gratum fuerit, tibi sit in te
Testis noster amor, sibi Sabinum
Promittens animo benigniore,
Quidquid scribitur, esse metiendum.
Quod si forte licentia Catulli
60 Interdum, vel et utimur Marulli,
Fit, quum copia largior negatur
Intento grauibz subinde rebus:
Si te versiculi parum disert
Huc ducent, satis est. Vale, venique!

Ex Heilsberga, Non. Iunii, MDXLVI

AD EVMDEM

Ex Sabini Poematibus, p. 33r.

Perlegi cupide tuum libellum,
Leporis, salis, eruditionis
Plenum, quem toties videre auebam:
Ex hoc ingenii libens acumen
Amplexus, numeros, iocosque dulces 5
Transcurri: neque Pegasum volantem,
Quem clarum tibi stemma iussit esse
Caesar, praeterii, nec hoc, amicis
Quidquid Pierides tuae dicarunt.
Dignas hinc tibi gratias referre 10
Deberem siquidem: sed est supellex,
Scis, quam curta mihi, sub hac palaestra
Iam pridem qui Heliconidas reliqui.
Ingratus tamen esse nolo totus:
Si Lucretia nostra non placebit, 15
Quam mitto, veniam dabis: placere
Quod possit tibi forte, deinde mittam.

At patrocínio tuo, tuisque
Doctis hendecasyllabis, Sabine,
Indignus fuit ille fordidatus, 20

- Pro quo, tot precibus simul profusis,
 Exposcis veniam, licet sit vſto
 Dignus ſtigmatē, contumax Iopas,
 Qui tangens ſidibus chelyn malignis,
 25 Infames voluit meos fideles
 Ciues reddere, dixerat fidem quos
 Infregiſſe: docere quod nequibat:
 Poenas ferre graues calumniator
 Coram iudicio quod ergo fugit,
 30 Leges quas ſtatuerē, debuiffet.

- Quod porro quereris, gemis, doleſque
 Mortem coniugis, optimique Bembi,
 Tecum condolui, piis vtriſque
 Orans Manibus, vt quies beata
 35 Detur cum Superis: et hanc vtriſque
 Nobis, quando vocabimur, petamus.
 Nulli cedere nam ſolet propinquans
 Cunctis terminus a Deo locatus.
-

LAUS VINI

Vini hoc, et insequens Cereuisiae encomium, numquam antea, quantum scio, editum, descripsi ex *Codice Zalusciano.*

Vinum bonum et suave,
Bonum bonis, prauis graue,
Liquor, nec non sapor, aue
Mundana Laetitia.

Aue, felix creatura,
Quam produxit vitis pura:
Omnis mensa sit secura
In tua praesentia.

Aue, liquor vini clari,
Cuius sapor sine pari;
Tua nos inebriari
Dignetur potentia.

Aue, pulcrum in colore;
Aue, fragrans in odore;
Aue, sapidum in ore,
Dulce linguae vinculum.

Aue,

Aue, salus in modestis;
In gulosis mala pestis;
Post amissionem vestis
Sequitur patibulum.

Per te mundus hilarescit;
Per te honor bonis crescit;
Omnis largus erubescit,
Sine tui copia.

Monachorum grex deuotus,
Clerus omnis, orbis totus,
Bibit ad aequales potus
Tua clara pocula.

Felix venter, quem intrabis;
Felix lingua, quam rigabis:
Felix os, quod tu lauabis,
Et beata labia.

Supplicamus, hic abunda;
Abundantes nos foecunda;
Foecundatos nos emunda,
Per aeterna secula.

ENCOMIVM CEREVISIAE

Laudent vinum potatores,
Qui non norunt potiores,
Inter potus, et liquores,
Virtutes ceruisiae.

Vinum bonum et suauē:
Sed quum potas, tibi caue:
Nam probatur esse graue,
Nisi sumtum modice.

Si te quando sitis vrget,
Torret aestus, bilis turgent,
Si sumis, vt sitim purget,
Sumis cum periculo.

Nostrium potum semper laetum,
Quando placet, citra metum,
Ad iucundum vsque fletum,
Hauris grandi poculo.

Hoc si laedit; hac sanaris,
Edis, potas, restauraris:
Hac, vteumque vis, vtaris,
Magna sentis commoda.

Salue,

Salve, felix creatura,
 Salve caelestis mixtura,
 Non natura, sed coctura
 Tritici cum lupulo.

Illud nutrit, hoc emundat;
 Illud sapit, hoc foecundat:
 Felix ergo, qui abundat,
 Et bibit assidue.

Felix ter, et felix quater,
 Ille Czopek, bonus pater,
 Cuius iste potus sacer
 Semper lauat viscera.

Hoc liquore comprobatur,
 Quod appotus transformatur,
 Dotes claras mutuatur,
 Ante quibus caruit.

Hic sit fortis et deuotus,
 Ille diues, ille laetus,
 Hic optimus, hic disertus,
 Hic canit, hic diligit.

Aue,

Aue, bona Dobrinenfis;

Aue, clara Sabbarenfis;

Aue, Sextaferienfis;

O aue Pultouia.

Per vos triftis hilarefcit;

Salit claudus, paruus crefcit;

Per vos pauper mox ditefcit;

Subditus fit dominus.

Supplicamus nos potantes;

Veftras laudes decantantes;

Irrigate nos laetantes,

In aeterna fecula.

IO. DANTISCI
IN LIVIDVM

Adiectum primum fuit Epithalamio, in nuptiis Sigismundi I. Cracouiae excuso, An. 1512. cuius exemplum supra p. 3 sq. describendum curauimus.

Innumeris toties rugis me, liuide, spectas,
Et me per vitrum terque quaterque legis.
Nil metuo stolidos de rhinocerote susurros:
Te laedis, dum me laedere posse putas.

EPIGRAMMA ALIVD

Si seruire velis, tria sunt, quae mente tenebis:
Non diuinabis; fuge murmur; esto fidelis.

ALIVD

Post tres saepe dies piscis vilescit, et hospes,
Ni sale conditus, aut sit specialis amicus.

ALIVD

Hospitii rector semper sit laetus, vt Hector;
Vt Iob, sit patiens; vtque Sibylla, sciens.

EPIGRAMMA ALIVD

In Codice Zalusciano superaddita sunt haec: "*Ioannes Dantiscus*, Poeta Laureatus, quum plurimis annis aetatem suam Orator Regius, in exterorum Regum aulis, veluti in exilio, contriuisset; Regina vero Bona Sfortia, omnibus bonis et doctis inimica, quo minus ei a fene Rege Episcopatus daretur, impedimento esset: hoc epigramma ex Hispania ad Tomitium, Episcopum Cracouiensem, misit, quo ingratitude Regalem, alludendo ad Sigismundum I. Sigismundum Augustum hunc puerum, et Bonam Sfortiam Reginam, perstrinxit." Atque ex hoc ipso Codice primum edidit *Ianoscius*, in Comm. de libris Pol. rarioribus in Bibl. Zalusiana P. IV. p. 76.

Qui seruit *Pueri*, *Senis*, et *Mulieris* in aula,
A tribus his raro praemia digna feret.

In *Puero* ratio non est: quum creuit, adultus
Praeteriti officii non solet esse memor.

5 Vita *Senis* brevis est; delirat avarus; ab illo
Non aliud meritum, spes nisi vana, datur.

Est ingrata potens *Mulier*: si mille per annos
Seruieris, subito mota furore nocet.

Qui sapiens igitur, tribus his seruire cauto,

10 Si poteris vita liberiore frui.

SIGISMVNDI PRIMI
REGIS POLONIAE

Adiectum est *Sam. Macieiouii*, Episcopi Cracouiensis,
et R. P. Cancellarii, Sermoni habito in funere Si-
gismundi I. Regis Poloniae. Inde depromptum *Ia-
noscius*, Vir doctissimus et humanissimus, inseruit
Schediasm. de litterarum in Polonia propagatoribus,
§. XXI. p. 18.

Sigismundus in hoc iacet sepulcro,

Quod viuens sibi prouide parauit.

Primus Sarmatiae potens feracis

Hoc Rex nomine, quem Iagelliana *Iagelliana*

5 Ex magnis Ducibus vetus propago,

Gestis, iustitia, fideque clarum

Produxit: quibus et diu Polonos

Rexit magnanimos, eosque multis

Auxit diuitiis honoribusque,

10 Et tot magnificis vbique passim

Structuris, vt in hac patefcit arce,

In templis et item Deo dicatis.

Armis atque toga probe per omnes

Insignis procul inde nationes, *nationes*

15 Veri cultor erat, tenax honesti,

Et

Et prudens, sapiens, pius, modestus,
 In cunctis ratione semper usus,
 Non praeceps, neque concitus notatus.

Tandem transit hinc bis octo lustris,
 Ex hoc pondere corporis, peractis: ²⁰
 Sancte sicut in hoc agebat, hoc sic
 Est iam tempore mortuusque sancte,
 Christus quo tumulum die reliquit,
 Coniunctus Superum beatitati.

DE

INSIGNIBVS SVIS

A CAROLO V. CAES. IMPETRATIS

Epigramma hoc repetiit, praeter alios, *Io. David Koehlerus* Amoenit. Numism. T. XXII. p. 190. *Dantiscus* ipse libris solebat suis praefigere, vna cum insignibus, qualia conspiciuntur supra imagini eius adposita, item apud *Thomam Treterum*, de Episc. Var-
 mienf. p. 109. atque alibi.

Hanc nigram niueamque mihi Iouis alitis alam,
 Pro meritis, Caesar nobile stemma dedit.
 Quod datur ex atavis, clarum est; sed clarius omne,
 Quod per se virtus propria ferre solet.

IN
EFFIGIEM SVAM DEPICTAM
IN HISPANIA

Ex Autographo primum protulit *Hanovius*, Vir Celeberrimus, in Spicilegio ad *Andr. Charitii* Comment. de viris eruditis, Gedani ortis. Inde depromptum legitur etiam in *Missu Prussico VI. (Preussische Lieferungen)* p. 714.

Talis eram, postquam septem prope lustra peregi,
A patria, Hispano pictus in orbe, procul:
Hic ubi Baremo Balearibus adiacet undis,
Sub Valeranis vrbs celebrata iugis.
Hoc ego apud Regem, qui nunc est Caesar, Iberum,
Sarmatiae Orator tempore Regis eram.

POEMATATA
ALIVD EIVSDEM

167

Ab *Dantisco* adscriptum est suae ipsius imagini, quae,
teste *Thoma Tretero*, depicta loc. comm. visitur
in Domo Canoniorum Ecclesiae Collegiatae Gud-
stadiensis. "Facies, inquit ille, quadrata, inclinans
„ad rotunditatem, obefior vultus, oculi amoenum
„quid spirare videntur: cui ipsemet hos adscripsit
„versus."

Vndecimum lustrum, mensem transgressus et vnum,
Talis erat, qualem picta tabella refert.
Quod vitae superest, sit te duce, quaeso, peracta
Sanctius in iussis, o pie Christe, tuis.

VITA
IOANNIS DANTISCI

AB IPSO PAVLLO ANTE OBITVM
PERSCRIPTA

Primum ex Autographo Sconouiano edidit *Io. Ernestus Schmiedeni*, Consul Dantisc. hoc titulo: "Vita *Ioannis de Curiis Dantis*ci, Episcopi Warmiensis, S. R. I. Principis, Praesidis Terrarum Prussiae, Viri suo saeculo summi." (An. 1693. quaternis.) Inde recudendam curauit *Andr. Charitius* loc. comm. p. 35 sqq. et *Ge. Dan. Seilerus*, in Prussia Docta, (*Gelabrytes Prensens*,) P. III. p. 221. Plenius et adcuratius ex tabula, imagini *Dantis*ci superaddita, quae in Bibliotheca Ampliss. Senatus Dantiscani visitur, descripta atque publici iuris facta est, in Missu Prussico VI. p. 705. sqq. Id exemplum nos sequuti sumus. Nam istud, quod inest *Codici Zalusciano*, magna sui parte-mutilum est. Lubuit tamen lectionum varietatem cum ex hoc, tum ex *Schmiedenii* exemplo, infra indicare.

Iam tandem tibi, terra, vale mihi dicere mens est,

Pertaesus ^a vitae tempora dura meae.

Haecenus hic vixi, per multa volumina rerum

Versatus: requies nec fuit vlla mihi.

Anxietas, aerumna, dolor, me saepe rotarunt, 5

Et mihi saepe dies, nox et amara ^b fuit.

Et

^a. Sic est in omnibus exemplis: rectius, Pertaeso.

^b. *Cod. Zalusc.* peramara.

Et niueis paruum, sed ab atris linquo lapillis ^c

Non paruum cumulum, quem tibi signa dabunt.

Canities longe ante diem mea tempora texit,

Quam nimius labor et sollicitudo dedit. 10

Hanc non ambitio fecit, non ardor habendi,

Credita sed fidei res aliena meae.

A puero nam sorte mea contentus, habebam

Tunc et in exili conditione satis.

At postquam me litterulis abstraxerat aula, 15

Servire et iussit Regibus illa tribus: *At. M. 157*

Multis me implicuit per mille negotia curis,

In quibus est vitae pars bona fracta meae.

Quae tum *d* passus, per quae discrimina saepe

Iactatus, sat sum conscius ipse mihi. 20

Quot terras, et quot peragrauimus aequoris vndas,

Et Solyma, Hesperia ac ^e vtraque testis erit.

Pannonis ora duplex mihi visa; fuique Viennae,

Conuentus Regum quum grauis ille foret.

Caesaris huius auus victor quum bella superbis 25

Cum Venetis gereret, qui tria regna tenent:

Nuncius in castris fueram ter missus ad illos,

Et certa *f* pacem conditione dedi.

L 5

Quae

c. Cod. Zalusc. capillis d. sum e. Cod. Zalusc.
Solymae, Hesperia atque. Schmied. Solyma, He-
speriae ac f. Cod. Zalusc. certam

Quae prope tunc Athesin, docti patriamque Catulli,

Sustinui, non est, cur memorare iuvat.

30

Transeo, quae gelidis sum passus in Alpibus, et quae

Septus ab armatis non semel agricolis.

Ad Belgas tandem vectus; perimiserat hinc me

Annis transactis Caesar abire tribus.

Quum fessus redii, mora parua dabatur; eundum

35

Rursus erat, quo Rex iussit & abire meus.

Primores iterum toties mittebar ad orbis:

Hic fuit officii mens fideique ^b memor.

Cuncta nihil veritus promissa fideliter egi,

In quibus incussit res mihi nulla metum.

40

Audiuit triplici me cinctus Papa tiara,

Et prope Cardinei turba sacrata chori.

Hoc tum Felsinea, quo tempore Carolus orbis

Imperium cepit Quintus, in vrbe fui.

Testis erit facili currens mea carmine *Silua*,

45

Quam dolor extorsit temporis ille mali.

Ardua tractaui mandata, nec vtile honesto

Vnquam praeposui: res facit ipsa fidem.

Non redii diues, peregrini debitor aeris: ⁱ

Impendique, fuit quod mihi cumque datum.

50

Sic per bis senos Orator Regius annos

Missus in Hispana ter regione fui.

Vidi-

g. iusserat ire ^b, lingua fidesque

z. contraxi debitor aera:

30 Vidimus et Daniam, ^k Gallos, Regemque Britannum,
Et tot Germanos Italiaeque Duces.

Saepe mihi fuerat per aperta pericula eundum, 55

Et clam dispositas saepe per insidias:

Per montes, valles, per plana, per inuia saxa,

Per rapidos fluuios, per vada, stagna, lacus.

35 Non solum pacis, sed diri ^l tempore belli,

Per cuneos equitum, per peditumpue globos. 60

Seu pestis, siue aestus erat, seu frigora, venti:

Non intermisi pergere libere ^m iter.

40 Quid memoro recolens incommoda multa viarum,

Per pluuios, aut per sole liquante niues?

Tot vel ab hospitibus per diuersoria fraudes? 65

Plus auidi, quam sunt, quum fremuere, lupi. 65

Non sat erant vnumquam data magna viatica nostra; ⁿ

Atque effluxit ^o et hoc, quod mihi foenus erat.

45 Nuncius abfuerat, puto, nemo diutius vnumquam,

Scilicet a patria tam regione procul. 70

Et quod non fuerim fortassis inutilis, ipsa 70

(Inuidia hic absit,) res bene gesta docet.

50 Infcius, atque absens, post factus Episcopus, aulam

Deserui rediens, spesque quietis erat.

Meque Deo totum dedidi, sacrisque dicaui, ^p

Commotans vitae, quod fuit ante, genus. 75

Et

^k. Danum, ^l. sed crebro ^m. capere lassus ⁿ. nostrum
^o. Aes quoque fluxit ^p. Schmied. perperam dicatas

Et statui iustam nulli certaminis ansam
 Praebere, et pacis commoditate frui.
 Hoc studium mihi semper erat prodesse; nocere
 Nulli; dissidii prorsus habere nihil. 80
 Quod nec *q* fama negat, vestigia nostra sequuta,
 Nec, qui me noscunt, secius esse sciunt.
 Principibus magnisque viris, doctisque, probisque,
 Conuixi, fugiens quos mala vita tenet.
 Hinc et amicitias nactus, socios, et amicos, 85
 Qui me tot scriptis visere saepe solent.
 Inter quos procul est Magnus Cortesius ille,
 Qui mundi reperit regna tot ampla noui.
 Ultra Aequatorem, Capricorni sidus ad usque,
 Imperat, estque mei tam procul ille memor. 90
 Non me fastidire solent Regesque Ducesque,
 Doctorum pariter magna caterua virum.
 Praeterea quibus et numquam sum visus, amorem
 Testantur, missis tam mihi saepe schedis.
 Hue veniens igitur mihi cuncta quieta putavi: 95
 Tot curis finem rebar et ipse meis.
 At secus euenit: meruerunt crimina nostra,
 Crimina, quae summo sunt manifesta Deo. *r*
 Pro quibus hic, o terra, tuo castigor in orbe,
 Post cineres grauior ne mea poena foret. 100

Ignis

q. Quod neque *r.* Posthaec versus sexaginta octo
 desunt in Codice Zaluse.

Ignis ter nocuit, segeti neque grando pepercit,

Atra lues pecori, nunc inimicus homo.

Me tamen infontem recti mens conscia fulcit,

Sustinet adflictum meque probata fides.

Laus tibi sit, Deus o fortis, sit gloria, et omnis

Gratia: sum meritis tot mala iure pati.

Hic nihil est tutum, firmum, vereque beatum:

Vana caducaque sunt sidera, terra, fretum.

Stemma, genus, sexus, status, artes, forma, voluptas,

Deliciaeque nihil, quum venit hora, iuuant.

Quid prodest tibi thesaurus collectus, auare,

Quem tibi cum lacrimis gens miseranda dedit?

Non iuvat hic feritas, vis nulla, potentia nulla:

Ibit ad infernas, pauper ut Irus, aquas.

Mors inopi levis est, sed auaris est grauis, uti

Quod nequeant partis sub Phlegethonte bonis.

Intramus nudi, nudi discedimus: et quod

Pulvis erat, paruo tempore pulvis erit.

Nil sequitur, nisi quod bene vel male feceris: inde

Quiuis pro meritis praemia digna feret.

Qui tutus vis hinc diuesque migrare, paludis

Horrida vel Stygiae monstra timere nihil:

Fac bene, dum viuus; nulli sis causa doloris;

Cuique suum reddas; non aliena petas.

Quodque tibi fieri vis, hoc fac omnibus; esto

Cle-

- Clemens in miseros, supplicibusque fauc.
Inuideas nulli; famam nullius obumbra;
Non credas, loquitur quum mala lingua malum.
Quod summum est, praecepta Dei non negligere: in illis
130 Est aeterna salus, et sine fine quies.
Haec qui non servat vestigia, tendit ad Orcum:
Quod sumus, heu miseri, qui nihil hic facimus?
Felix, qui moritur sumpta baptismatis vnda,
Inuentus nondum criminis esse reus.
140 Nos annis quanto plus crescimus, impia crescunt
Delicta in nobis, et genus omne mali.
Institiam nulli facimus: quod quisquis amore,
Aut odio valet, hoc iure licere putat.
Vis domina imperium nostri sibi vendicat oris:
150 Estque bonis vis haec hostis acerba viris.
Hinc pro veraci mendax placet; hinc solet esse
Pro virtute scelus, pro ratione furor.
Sic volo, sic iubeo, percurrit pauperis agros,
Atque per adflicti diuitis ora ruit.
160 Immeritis titulos vendit, sacra vendit ineptis,
Iudiciumque nihil dexterioris habet.
Fit nemo quaestor, praetor, fit nemo senator,
Ni numeret: probitas exfulat, alget, eget.
Nullus avaritiae finis: per fasque, nefasque,
170 Si dederis, quo vis, flectitur illa datis.

Si quis adulatur, si quis delator iniquus
 Falsa refert, credit, dummodo dona ferat.
 Non meritum curat, factumque, nec utile quaerit
 Seruitium, per quod commoda multa tulit.
 Praefertur scutum, sic quod defenderat olim, 411
 Armaque pacifico tempore scabra iacent.
 Iustitiae nusquam locus est; iniuria regnat;
 Regnat et impietas, perfidiaeque furor.
 Dat poenas iustus; raro damnatur iniquus;
 Mors datur infanti, vita necem merito. 450
 Ius emitur; plus iuris habet, qui plus dedit; et lex
 Flectitur, ut flecti cera liquata solet.
 Omnia vertuntur; pietas oppressa sub ipsa
 Per paucos homines impietate iacet.
 Vera loqui pudor est; placet adfentatio mendax; 465
 Integritas vitium, dexteritas scelus est.
 Qui simulare nequit, multis imponere, fraudes
 Nectere, nunc talis nullius est pretii.
 Ille valet, turpi qui nouit viuere^s quaestur,
 Omnibus et nummos accumulare modis; 470
 Prodere, furari, furto et conquirere^t amicos,
 Officia, et dominos propitios, et opes.
 Hi crescunt, magni fiunt, et honoribus apti
 Creduntur, fidei quum nihil intus habent.

Com-

s. Cod. Zalusc. vincere

t. Ibid. furto conquirere

175 Committunt tamen his nunc oppida, castra, tri-
bunal: ^u

Quae dum percipiunt, non sibi deesse solent.

His impune bonos rabida traducere lingua

Concessum est, fama quum meliore carent.

Quis feret haec virtutis amans, et cultor honesti?

180 Cui talis nostro tempore vita placet?

Non moror hanc igitur, quum falsa * calumnia victrix,

Sit virtus vitium, sit sine lege pudor.

Mens hominum peruersa regit; vis cuncta gubernat: ^y

Est ventura breui vindicis * ira Dei.

185 Dissolui cupio, tibi terraque putre cadauer

Linquere: cum Christo spiritus esse cupit.

Illius fiat, qua fiunt cuncta, voluntas!

In manibus sortes continet ille meas.

Post mortem scribi precor hoc epigramma sepulcro,

190 Quo me posteritas hicque fuisse sciat:

Hoc tibi, terra, Vale dico non triste, vocatus

Ad vitam, cuius tempora fine carent.

u. *Ibid.* tributa,

x. *Ibid.* sit falsa

y. *Cod. Zalusc.* regat - gubernet: z. *Ibid.* iudicio

IOANNIS DANTISCI
EPITAPHIVM AB IPSO SCRIPTVM
PAVLO ANTE MORTEM

Hoc, et item alterum, imagini *Dantis* in Bibliotheca Dantiscana publica adseruatae adscriptum est: hoc ad dextrum latus, alterum ad sinistrum. Saepius vna cum ipsius Vita editum, a *Schmiedenio*, *Charitio*, *Seilero*, aliisque, exstat etiam apud *Thomam Treterum*, loc. comm. p. 109.

Iam sexaginta cocunt et tres simul anni,
Haecenus a Superis quod mihi vita datur:
Quum climacterium contingere sentio tempus:
Ultimus hic multis terminus esse solet.
Intra quod si forte Deus migrare iubebit,
Qui fuerim, paucis ista notata dabunt.
Aula diu tenuit me regia; misit ad orbis
Primores, erat hinc insula dupla mihi.
Corpus habet tandem nunc terra; quiete fruatur
Spiritus aetherea, quae sine fine beat.
Hoc, quisquis transis, mihi quaeso precare, viator,
Vt tibi posteritas inde precetur idem.

ALIVD EIVSDEM

Terra tegat carnem; sit vermibus illius esca;

In cineres abeat, quod fuit ante cinis.

Ad te, summe Deus, contendit spiritus; illum

Reddo tibi; redeat, venerat vnde prius.

Ambitio, spes, cura, labor, luxus, dolor, et
mens

Rebus in humanis irrequieta, vale!

Saluor ab his, et in his dena trieteride et vna

Illecebris, durus quac mihi carcer erant.

Vinimus incerti: postquam procul esse putabis,

10 Et minime reris, fata venire solent.

Tu, qui securus vis viuere, mortuus esto

Mundo, et in hoc dubio turbine vite Deo.

IOANNIS DE CVRIIS
DANTISCI
LIBER
HYMNORVM
E BIBLIOTHECA
ZALVSCIANA

IOANNIS DE CATHIS

DANTISCI


LIBER

HYMNORVM

E BIBLIOTHECA

SAEWSCIANA

M



H Y M N I
A D
I M I T A T I O N E M
P R V D E N T I I

Hunc nos Librum Hymnorum e *Zalusciano Codice* proferimus. Primam editionem, (Cracouiae 1548. 12.) cui *Stanislaus Hofius* praefuisset, memorat *Ianoscius* l. c. p. 72. non sibi ipsi visam, sed indicatam ab Illustrissimo *Zaluscio*, Praefule *Kiouiensi* litteratissimo.

Reuerendissimo Patri

Domino D. Samueli

Episcopo Cracou. Regni Pol. Cancellario

Stanislaus Hofius S. P. D

*P*eruenit in manus meas libellus hic Hymnorum, ad imitationem *Prudentii* conscriptus a viro quodam pio et docto, qui, modestiae causa,

nomen suum edi noluit. Quem ego quum legissem, dignum iudicaui, qui manibus omnium versaretur, quibus pietas cordi est, ad quam vehementer libellus hic excitare videtur. In quo memoria Christi beneficiorum omnium ita sub oculos subicitur, ut, quisquis legerit diligentius, non possit eius amore singulari non accendi, a quo se tantis beneficiis immerentem, quid dicam immerentem? immo vero extrema quaeque supplicia merentem, adfectum esse recolit. Est autem haec admirabilis et stupenda quaedam mutatio, dextrae excelsae opus, quod, qui libelli huius auctor est, is eadem aliquando fuit infirmitate praeditus, quae sumus nos. Nam et iuuenis ab iis, quae aetas illa fert, non abhorruit, et bonam aetatis suae partem in aula consumsit, cuiusvis rei potius, quam virtutis, magistra: ita ut longe tum ab illo distaret, quem eum nunc esse videmus. Dicis ex Saulo Paulum, ex persecutore factum apostolum. Nam ut nos vita nunc nostra persequimur Ecclesiam Dei: ita et ille persecutus est olim. Tandem vero misericordia Dei non postremum honoris gradum in ea consecutus, exiit veterem hominem, novum induit, et, quanto seculi quondam, tanto nunc Christi amore exarsit: ut non alia
magis

magis in re, adfecta in hac et aetate, et valetudine sua, quam in iugi Christi beneficiorumque meditatione, versetur. Quod non ex iis, quae scribit modo, verum etiam ex eo colligere licet, quod nullum prorsus diem intermittere dicitur, quo sacris non operetur, quo tremendum illud sacrificium non peragat, in quo omnia simul Christi beneficia repraesentantur. Quis ergo est, qui iudicare deinceps audeat seruum alienum, quum, quem certum nunc etiam sit multis esse peccatis obnoxium, qualis ad vesperam sit futurus, certum esse queat nemini. Sed ut ad libellum redeam, de quo mihi fuit initio sermo institutus, quum nihil in eo repertum esset, quod non pie, sancte, catholice scriptum videretur: quamvis auctoris nomen edi maluisssem; quando tamen sic ei visum est, ut anonymus in lucem prodiret, feci satis voluntati eius, ac, suppresso auctoris nomine, typis libellum excudendum curavi. Quonium vero summa Celsitudini tuae cum auctore libelli necessitudo intercedit, cum hac de causa tibi potissimum eum dicandum putavi, tum quod solus tu esse videris in Republica Ecclesiastica Regni huius, cui hoc genus scripta merito dicari debeant. Quandoquidem tibi prae ceteris curae est, ut sana in

*Ecclesia doctrina retineatur. Quam etiam ob
causam e superiore loco non raro Dei voluntatem,
in domo Dei, explicas, ac pro virili tua conten-
dis et elaboras, ut propagetur Euangelium Chri-
sti, quod non in verbis scripturarum, sed in sensu;
non in superficie, sed in medulla; non in sermo-
num est foliis, sed in radice rationis. Deum pre-
cor, ut pios et sanctos conatus tuos prouchat, quo
possis motus citatos, et fluxus, quibus operta pro-
pemodum est Ecclesiae nauicula, sedare illius vir-
tute, qui, dormiens excitatus, comminatus est ven-
to, et dixit mari: Tace, obmutesce: et cessauit
ventus. Quam nobis non pro nostris meritis,
sed pro gratia sua et misericordia concedere di-
gnetur, qui solus imperat ventis, et mari, et
obediunt ei: qui te diu nobis seruet incolumem fe-
licemque. Cracouiae, VI. Id. Iul. MDXLVIII.*

AD LECTOREM

Non nouem fororibus,
Apollini nec hos paramus hymnos:
Vngula latex equi
Retectus hic non influit volantis.
Iste puncta continet
Cruenta Christi vulnerum libellus,
Passionis et crucis
Necem probrosam, quam subiuit insons;
Nuncque nuper editum
Piis damus lectoribus legendum.
Nil moramur impios,
Eosque, qui probata cuncta temunt.
Hoc rudi charactere
Satis pii factum sibi putabunt.
Auctor his modestia
Studens placere, nomen abdicauit;
Non pudore, vel metu,
Sed arrogantia timens notari.
Nam nihil, nisi sacrae
Crucis volebat institor videri.

LIBELLVS PROLOQVITVR

Ecclesiastico breues
Pro more versus hic vides,
Lector, boni quos consule,
Et simplices ne despice.

Fuco carent: non Aonis
Sunt fonte loti: non olent
Cyrhae poeticum nemus,
Sed faucium Christi latus.

Hos si probe perpenderis,
Et saepe cogitaueris
Poenas, quibus redemptus es,
Fortasse non fastidies.

Spondeus hic frequentius
Iambi locum pes occupat:
Nec displicebit: est enim
His dimetris accommodus.

Lenis gradus, demissius;
Ferocius, citatior
Profertur: ergo lenior
Est substitutus crebrius.

Nemo modis pungentibus
Rabie litis perstringitur:
Sed hoc cor ardens in Deum,
Qui subleuat, depromitur.

AD
SANCTAM TRINITATEM
DE IEIUNIO QVADRAGESIMALI

Deus pater, natus Deus,
Sanctusque iunctim Spiritus,
Vnus Deus per omnia
Interminata secula:

Exaudi seruulos tuos,
Omni peccato faucios,
In hoc sacrato tempore,
Tristi clamantes pectore.

En, ante nos tuos pedes
Proiecimus, te supplices
Orantes, fufis lacrimis:
Noxas dimitte noxiis.

Fatemur, quod peccauimus:
Malum coram te fecimus:
Hostes voluntatis tuae
Omni sordemus crimine.

Quid

Quod hinc meremur, nouimus;
Ad poenas expallesumus:
Stulte quod egimus, pudet,
Piget, vereque poenitet.

A te cor nostrum transit,
In crebris et se polluit
His mundi vanitatibus,
Quibus nos oblectauimus.

Iniquitates nos premunt,
Et secum multos adtrahunt,
Quos peruerse corrumimus
Exemplo, vita, moribus.

Quis nostrum te summum, Deus,
Amanit, atque proximum,
Ut debuit? Quis in tuis
Constanter vixit legibus?

Fides in ore personat;
In rebus manca claudicat:
Haec caritatis est opus,
Certus salutis et scopus.

Dolis,

Dolis, probris, versutiis,
Multis fratres iniuriis,
Et te peccatis omnibus
Indefinenter laesimus.

Quid nunc ero miserrimus?
Latere te non possumus,
Claro prospectans vndique
Quum tu praesens sis lumine.

Quo nunc tendemus perfugi,
Desertores, Apostatae?
Turbamur, expauescimus,
Asylum te requirimus.

Tuum figmentum respice:
Reuersos ad te suscipe:
Remitte, quod peccauius,
Et contra te commisimus.

Hoc, o beata Trinitas,
Praestet tua benignitas,
Immensa nobis gratia,
In luctu poenitentiae.

A D

CHRISTVM

Creator, Christe, machinae
 Caelestis orbis inclite,
 Rerumque, quas complectitur,
 Et quidquid illa clauditur:

Quum verbo cuncta feceris,
 Fiat, dicens, et iusseris
 Constare certis omnia
 Momentis facta tempora:

Humanum de limo genus
 Finxisti terrae protinus,
 Subdens hic nobis singula,
 Quaecumque spirant in vita:

Vt te laudemus, cum Patre,
 Et Spiritu, pia prece;
 In Trinitate sedulo
 Vnum Deum praesonio.

Nemo

Nemo sed nostrum viribus
Hoc praestat praeditus suis;
Nobis si non adfulseris,
Opem tuamque miseris.

Vt possint, orantes iuua;
Ad teque cordis intima
Adtolle, ne contagiis
Damnemur cum tot impiis.

Da castitatis normulam;
Da vitam nobis sobriam,
Vt rite nunc ieiunia
Obseruent nostra corpora.

In his tibi mens dedita
Tuis sit iussis subdita,
Ne nos subuertant crimina,
Ad inferos trahentia.

Multos iam petit a tuo
Et a tuorum glutino
Carnis vorax edacitas,
Quam suggerit proteruitas.

Hoc nostro qui nunc seculo
 Iacent captiui sub iugo
 Monstrorum, quae palus putris
 Sub antro continet Stygis.

Nos inde, Christe, libera,
 Ad teque sursum subleua,
 Vt semper simus cum tuis
 In arce caeli seruulis.

DE
 MATRE ECCLESIA
 AD FIDELES

Materna pandit viscera
 Ad se trahens Ecclesia
 Omnes, qui prauis actibus
 Tetris haeserunt hostibus:

Qui luxui, superbiae,
 Voluptatumaque fordibus
 Subiecti, temperantiae
 Recesserunt a finibus:

Eosque, qui se litibus
Contaminarunt, vel iocis,
Vel otiosis fabulis;
Sanctis ut uiuant moribus.

Vocatque cunctos omnium
Constrictos fasce criminum,
Ut inde soluat noxios,
Deoque reddat liberos.

Ad hanc ergo matrem piam,
Per poenitentiae viam,
Curramus cum fiducia,
Et caritate debita:

Ut confidentes colligat,
Et a delictis abluat:
Prodamus haec cum fletibus,
Et quidquid turpe gessimus.

Remitti nobis haec reis
Oremus, ut puros ab his
Nos denuo Christus suam
Sumat clemens in gratiam.

Hanc ut possimus adsequi,
 Gratique rursus effici,
 Simus mites in pauperes,
 Facti datores hilares.

Fame tabescentes cibis,
 Nudos solemur vestibus,
 Cunctis et indigentibus
 Succurramus petentibus.

Sic nobis caeli ianua
 Patefcet per ieiunia,
 Dabitque nobis promptius
 Deus, quaecumque poscimus.

Quare matri nos filios
 Ecclesiae submittimus,
 Sperantes hinc gratissima
 Aeternitatis munera.

D E

IEIUNIO QUADRAGESIMALI

VI

Ieiuniorum tempora
Iam profert Quadragesima,
Seruari quae fidelibus
Mandauit Christus a suis:

Vt victu simus sobrii,
Frugi, pudici, seduli
In sanctis semper laudibus,
Superno Patri debitis.

Hymnis, orationibus,
Ac implorationibus,
Agentes poenitentiam,
Petamus indulgentiam:

Ne nos defleat otium,
Ad peccati negotium:
Quaeramus ergo feruidi,
Quae sunt aeterni gaudii:

Ne vincamur torporibus,
 Stertentes in foetoribus
 Huius caduci corporis,
 Quod hic est parui temporis:

Quod floris instar marcidum
 Fit, qui perflatus vritur.
 Nam, labe quum sit morbidum,
 Putens breui corrumpitur.

Quid hoc inuat, superfluis
 Eduliis, vel poculis,
 Foceri, quum sit putribus
 Penu futurum vermibus?

Hinc somnolenti sternimur,
 Et a Deo disiungimur,
 Donumque Sancti Spiritus
 Per crapulam repellimus.

Paralysis, icteros, febris,
 Phrenesis, hydrops, et phthisis,
 Et mortis ex hac omnium
 Fit causa fonsque criminum.

Vae nobis! si sic mortui
 Occidimus: toruissimi
 Tortores tradent ignibus
 Nos perpetim cremantibus.

Quare linquamus ocyus
 Gulofas fordes, vt pius
 Hic Christus nos exaudiat,
 Poenis et ex is eruat.

AD CHRISTVM
 IN DOMINICA INVOCAVIT

Dies illuxit haec sacra
 Ab inuocando nomine,
 Quam concio fidelium
 Ritu celebrat supplici.

In hac tuam clementiam
 Vdis, o Christe, fletibus
 Nunc inuocamus, vt preces
 Clementer nostras audias.

Inprimis vt nos adiunues,
 Hoc sacro pronos tempore,
Quo veram poenitentiam
 Agamus, hoc in corpore:

Rebelle quod saepissime
 Contra luctatur Spiritum,
 Erroris et per lubricam
 Decurrens concidit viam.

In hoc serpens ab inferis
 Instanter nos hic impetit
Crebris impressionibus,
 Raptos et a te detrahit.

Si te Deum tentans ferox
 Audebat daemon adgredi:
 Quid infirmis mortalibus
 Vafer mali non suggeret?

Victor postremo perfidus
 Suis astutis artibus
 Circumtentos crudeliter
 Arctis constringit funibus.

Hunc

Hunc in deserto prodicens,
Abire victum iufferas:
Hunc, o Redemptor, quaesumus,
A nostris pelle mentibus.

Nam nos infestat indies,
Quaerens vbique nequiter,
Quem deuoret: nulla quidem
Ab illo nobis est quies.

At tu succurre transfugis,
In hacque pugna sauciis
Sis turris fortitudinis:
Sine te nihil nam possumus.

Tuis praestamus viribus
Hunc contra mundi principem:
Quum nos iuuas, non vincimur,
Sed libertate soluimur.

Huius contra nequissimi
Nos tela tutos adfere:
Haec, diuina potentia,
Confringe, ne sint noxia:

Vt hoc sacro ieiunio
 Operum bonorum fructibus
 Tibi seruire strenue
 Sincera possimus fide.

AD CHRISTVM
 IN DOMINICA REMINISCERE

Sacrata iam lux altera
 Sacri subit ieiunii:
 In hac vt nostri sis memor,
 Omnes rogant Ecclesiae.

Et vt recordari velis,
 Pastor tuum pius gregem
 Benignitate prosequi,
 Quam nullus finis continet.

Quis vnquam non sensit tuam
 Fidenter implorans open?
 Vel vnquam quis desertus est,
 In te qui sperans haeserat?

Ad te reuerfos fufcipis,
Quocumque fint in crimine;
Se deliquiffe fi dolent,
Tuo faluantur munere.

Non vis mortem peccantium,
Qui de commiffis ingemunt,
Ad teque qui fufpiria
De cordis imo protrahunt.

Quidquid petunt, das triftribus
Ob noxas, quas patrauerant:
Remittis veris lacrimis,
A te quidquid popofcerint.

Nam Cananaca clamitans,
Primo repulfam perferens,
Quum perfeuerat, accipit,
Pro filia quod exigit.

Canis vocari fuffinet;
Non partes panis integras,
Micas fed orans paruulas,
A menfa quae defluxerant.

Sic flens impetrauit fide,
 Quam, Christe, collaudaueras,
 Quae postulauit: filiam
 Ab hoste liberaueras.

Ab huius solue funibus
 Eos, quos captos detinet
 Sub mole criminum graui,
 Erebi ne dentur ignibus.

Hos daemones fallacia
 Onustos delictis premunt,
 Delectos et iungunt suis
 Tormentis infernalibus.

Si sic cadentes liqueris,
 Quisnam iacentes eriget?
 Adsis ergo labantibus,
 Ad teque proclamantibus.

Dextram tuam, Rex gloriae,
 Festinans illis porrige:
 Depressos ad te subleua,
 Tuis cum Sanctis colloca.

AD CHRISTVM
IN DOMINICA OCTAVI

Dies haec Quadragesima
Oculi sollemnis dicitur,
Quibus cor mundum te videt,
Si, Christe, te lumen tenet.

Te non videbit restio,
Impostor, lurco, ganeo,
Cupeditorum baiuli,
Malae nec vitae ceteri.

Qui seruiunt libidini,
Et omni foedo crimini,
Luxu gulaque perditī,
Vitiisque cunctis obruti:

Deusque quorum venter est,
Carnes vorantes, temporis
Non seruato discrimine,
Per te dato vel ordine.

Surdos multos, coecos simul,
Tuis et a iussis procul
Auerfos, hos iam possidet
Pluto, seruos et obtinet.

Quoscumque tales repperit,
Mox occupat, nec respicit,
Foris quid labris exeat,
Intus si vita discrepat.

Quum sanum dogma spernimus
Legis tuae, surdi sumus;
Tum sic nos prorsus implicat,
Auris ne mentis audiat.

Hinc mutos ad preces facit,
Et cogitatus suggerit,
Quibus vagi discurremus,
Et vanitates quaerimus.

Plerosque coecos efficit:
Eos videre non finit,
Animae quae sint salubria,
Ad teque perducentia.

Hunc

Hunc hostem, Saluator pie,
Procul, precamur, eiice
A nostris longe finibus,
Ne sit nobis conterminus.

Ne cum se nequioribus
Domum, mundatam scopulis,
Nostram subintret denuo:
Hoc solue nos periculo.

Illius arma diripe,
Vincunque semper supprime,
Nobis ne possit amplius
Fractis nocere viribus.

Ergo voces adtollimus
Ex intimis praecordiis,
Sicut de turba fecerat,
Mulier, quae te laudauerat.

Dicens: beata sunt ea,
Quae te portarunt, viscera!
Beata sunt et vbera,
Quae suxisti, purissima!

O Christe, nostro pectori
Tuum verbum fac inferi,
Ut illud nobis haereat,
Bonosque fructus adferat.

Hinc yt beatitudine
Tecum fruamur, quam tuis
Promisisti fidelibus,
Verbum tuum seruantibus.

Hoc fili praesta virginis,
Tui per vires nominis,
A daemonumque callidis
Nos libera verfutiis.

AD
CHRISTVM ET ECCLESIAM
IN DOMINICA LAETARE

X
Laetare nunc Hierusalem,
Superni Regis ciuitas,
Typum gerens Ecclesiae,
Totum per orbem conditae.

Laetare, coetum congrega,
Et tristes ad te conuoca:
Christus iubet per gratiam,
Quam cunctis promit obuiam.

Gaudere nosque commonet,
Et exultare, quos videt
Luctus tulisse perpetes,
Nostras offensas ob graues.

Has pura si confessio
Deterfit, et contritio,
Spem profert indulgentiae,
Solando moestos intime.

IO. DANTISCI

Ad illum nunc maturius

Nos conferamus, vt pius
Sui nos esca corporis
Et potu pascat sanguinis.

Quo nos malis ab omnibus
Conseruet, in nobis manens,
Et in tentationibus,
Ne vincamur, nos fulciat.

Qui turbam quinque millium,
In monte se sequentium,
Ex quinque pauit panibus,
Et ex duobus piscibus:

Hunc deprecemur, caelico
Nos pabulo famelicos
Vt nutriat, donec sumus
In hac vita superstites.

Hoc omnes a te filii
Tuac petunt Ecclesiae,
O Christe Iesu, da piis
Fructum petitionibus.

Tu vere Pelicanus es,
Qui proprio pullos foues
Cruore, nos alens cibus
Perenniter vitalibus.

Tu dixisti: Qui vescitur
Ex carne, quam dabo, mea,
Aeternum viuet, sentiet
Nec vnquam mortis vincula.

Hanc carnem sanctam per tuam,
Et per tuam clementiam,
Illa nos dignos effice,
Ne te damnemur iudice.

Vt nos huic mundo mortui
Simus, sed in te viuidis
Viuamus, absque termino,
In regno tecum patrio.

Hoc matri cum natis suis
Largire te petentibus,
Cuius caput te noscimus,
Tibique nos submisimus.

Tuis vt pascamur bonis,
 Diebus nostris omnibus,
 In monte laetantes tuo
 Carente sine gaudio.

In hoc montis cacumine,
 Non foeno, sed quod fidere
 Ornatur, nos discumbere
 Fac omni, Christe, tempore.

AD CHRISTVM
 IN DOMINICA IUDICA

Dies haec, Christe, Iudica
 Vocatur ab Ecclesia,
 Qua passionis iam tuae
 Tempus propinquat flebile.

In quo rogas, ab impia
 Aeternus vt gente pater
 Te liberet, quae cogitat,
 Quo te de terris auferat.

Hoc postulans humanitas,
Mortem passura, praestitit
Exemplum nobis, ut pium
Adficii quaeramus Deum.

Hunc interpellas iudicem,
Homo licet, Deus tamen,
Ut a Iudaeis erui
Possis, et illis eripi.

Quos adloquutus argui
Vis de peccato: sed tibi
Quis exprobraret hoc, tuo
Numquam quod haesit sensui?

Qui sanguinis castissimi
Concretus es propagine,
Ex Maria nescia viri,
Caelesti facta numine;

Carens peccato natus es,
A nobis hoc ut tolleres,
Reddens, quod hic amiserat
Adam, quando peccauerat.

IO. DANTISCI

Prophetæ te prædixerant,
Scripturæ præsignauerant,
Te plenitudo temporis
Adesse nunciauerat.

In his Iudæos perfidos
Patens non flexit veritas,
Qui coniuratis in tuam
Tendebant mentibus necem.

Samaritanum nominant,
Te daemonum præstigiis
Vsum fuisse clamitant,
Blasphemiisque personant.

Quum te præferres Abrahæ,
Prius Chao qui cum patre
Eras, volebant ictibus
Loquentem vera perdere.

Sed tu cédens, diuinitus,
Ne te viderent, feceras,
Relinquens coccos, ne viam
Agnoscerent, qua pergeres.

O Chri-

O Christe clementissime,
Obsecra sic, et amoue
Hostes, qui nos circumuolant,
Ab inferisque territant:

Eosque, quos contra tuos
Famulos instigant proximos,
Quos hic habemus vndique,
Prauo ne laedant dogmate.

Erratici secum trahunt
Errores, et nos impetunt,
Ac traducunt acerrimis
Mendaciter conuitiis.

Ficte tales quum te colunt,
Plus indies insaniunt:
Illos vel ad te prouoca,
Vel iuste tandem iudica.

Huius dici nomini
Satis quo fiat, et tui
Tuti tibi quo seruiant,
Fac vindicem te sentiant,

IO. DANTISCI
AD CHRISTVM
IN DOMINICA PALMARVM
DE PASSIONE

XII

Haec, Christe, iam festiuitas
Instat Palmarum, paruuli
In qua cum turba laudibus
Te susceperunt debitis:

Quum, tanta post miracula,
In tot languentes edita,
Afello mitis insidens,
Ad passionem pergeres.

Sternebant ramos arborum
Et ornamenta vestium,
Osanna cuncti vocibus
Tibi canebant obuiis.

Cum laude sic receptus es
In vrbe, cuius principes
Quaerebant, vt te perderent,
Et te dolis occiderent.

Ad

Ad hoc propensi, callidos
Omnes pertentabant modos,
Quibus caute posses capi,
Et abs tumultu confici.

Quod Schariot quum nosceret,
Ut lucrum non amitteret,
Vnguenti fusi reddidit
Te fur avarus, et tulit

Triginta mox argenteos,
Promittens illis in manus
Daturum te, quod commode
Sub noctem sperabat fore.

Hanc ante cum fidelibus
Adseclis coenasti tuis:
His proditor deterrimus
Iunctus sedit cum fratribus.

Ad hanc mensam quum corporis
Et sanguinis sacraueras
Tui sacrum mysterium,
Pauisti mentes tristium.

A te quod sumens traditor,
Pedes post lotos, ducitur
Ad praesules a daemone
Templi, furentes crimine,

Quibuscum transegit scelus
Coeptum, pro teque protinus
Ut mitterent, persuaserat,
Locumque demonstrauerat.

O Christe mansuetissime,
Panis noster dulcissime,
Edendum te Iudae dabas,
Foedas eius sciens notas.

Te deprecamur, illius
A fraudulentis actibus
Seruato puro pectore,
Da semper nos te sumere.

H Y M N I
A D C H R I S T V M
I N H O R T O

217

P o s t h y m n u m d i c t u m , c u m t u i s
V n d e n i s s e c t a t o r i b u s ,
S u b i f i t i m o n t e m , c o n s i t u m
O l i u i s , v r b i p r o x i m u m .

E t h o r t u m , q u e m c r e b r o p r i u s
S o l e b a s i n g r e d i , p e t e n s ,
A d o r a n d u m t e f l e x e r a s ,
T u i s i d e m q u e i u s s e r a s ;

P r e c a n t e s n e t e n t a t i o
S o m n o c o g e n t e t a n g e r e t ,
M o e r o r q u e m c o r d i s i n t i m u s
A d f e r t p l e r u m q u e t r i s t i b u s .

A b i l l i s p r o c e d e n s p a r u m ,
I n t e r r a m t e p r o s t r a u e r a s ,
P a t r e m q u e t e r , i a c e n s h u m i ,
O r a b a s v o c e s u p p l i c i :

Vt passionis poculum
 A te transfret, felleo
 Amarum gustu, continens
 Nostrae salutis pharmacum.

Cruentum sudorem sacro
 Ex toto fundens corpore,
 Contristabaris, aestimans
 Mortis graues iniurias.

Et quod frustra pro plurimis
 Pati deberes impiis,
 In illis quodque perderes,
 Quidquid volens impenderes.

Futura qui scis omnia,
 Nec te latent praesentia,
 Perpendens instantem necem,
 Eandem ter dabas precem.

Sed te voluntati patris
 Submittens, praeparaueras
 Mentem, passurus omnia,
 Quae scripserat prophetia.

In quo te missus Angelus
Confortabat fidentius,
Vt ferres cuncta praescius,
Hostes quae cogitauerant.

Quos expectabas iam prope,
Armati qui conuenerant
Cum vinclis, telis, lanceis,
Laternis praelucentibus.

Non abs re, te pauens tremor
In illa nocte perculit,
Humorem purpurae parem
Ex artubusque protulit.

O Christe Rex, angustiiis
In nostris huius turbinis,
Haec sub quo vita voluitur,
Adsis nobis, quum soluimur:

Vt nos non terreat metus,
Morituros qui solet grauis
In exitu perstringere,
Et spectra multa promere.

IO. DANTISCI

Haec ne nos turbent, protege,
Phantasmatumque reprime
A nobis tum ludibria,
Et cuncta, quae sunt noxia.

Vt te possimus subsequi
Ad hortum primi plasmati,
Latro quem sero poenitens
Ingressus est, te confitens.

Orare nos fac iugiter,
Tentationes fortiter
Per teque nos da vincere,
In hoc et horto viuere.

AD CHRISTVM
NOCTIS ET MATV TINO
TEMPORE

XIV

O Christe, mortis fensas
Quum tempus, quod praefixeras,
Sopore depressos graui
Amicos excitaueras.

Qui pressi moestitudine,
Et nocturna formidine
Grauati, somno largius
Victi tristes indulserant.

Hos tecum fumens, obuiam
Iuisti turmis hostium,
Quorum dux Iudas osculo
Illis te spurco prodidit:

Interrogans, quem quaererent:
Retro cadebant perfidi
Vocis tuae potentia,
Caelesti vi perterriti.

Hinc

IO. DANTISCI

Hinc permissi quum surgerent,
 Tibique vincla neckerent;
 Aurem Petrus seruo secat,
 Quem mox sanasti faucium.

Capi volens, sic ductus es
 Ad Iudaeorum praefules,
 Consputus, caesus, turpibus
 Adfectus et conuitiis.

Solus relictus, adseclis
 Fugatis, probra plurima
 Es passus, fannas, et iocos,
 Ac falsa testimonia.

Petrus, cui mens flagrans erat,
 Te prosequutus, audiens,
 Num de tuis esset, negat
 Te ter, sicut praedixeras.

Hunc intuens flentem facis,
 Condonans, quod deliquerat,
 Suis plus aequo viribus
 Infirmis qui confiderat.

Per haec tormenta, fauiter
Quae tota nocte pernigil
Afflictus toleraueras,
Clementer nos hic visites :

Ne desertores perdit
Ad hostes sinus, nec tibi
Iudae iungamur osculo,
Hoc adiumento fac tuo.

Sed, vt Petro, da lacrimas,
Quae nostras culpas abluant:
Cor poenitens in sedulis
Tibi sit iunctum fletibus.

Veniam qui nobis impetrent,
Tuisque iussis alligent:
In hac donec vita sumus,
Nos a te numquam separent.

IO. DANTISCI
 A D C H R I S T V M
 H O R A D I E I P R I M A

 XV

Auroram iam depressoerat
 Sol igneus, sparso suo
 Terris corusco lumine,
 Quod fundi coepit vndique.

Horam dici proferens
 Mortis tuae primariam,
 Mature quae cunctis opus
 Dispensat ordinarium:

In quod Iudaei non pigri,
 Furiis accensi, traxerant
 Ligatum te, per publica
 Urbis malignae compita.

Et te tractatum pessime
 Pilato sistunt praesidi,
 Accusantes nequissimis
 Querelis, et calumniis.

Ad

Ad quas nihil quum diceres,
Praefes mirans interrogat,
Num Iudaeorum Rex fores?
Modeste cui responderas:

In mundo regnum nescio,
Sed veritatem praedico;
Illam qui sectantes colunt,
Meam vocem non respuunt.

Praefes Iudaeis hinc ait:
In quo deliquit, non liquet;
Herodes illum iudicet:
Huius nam ditionis est.

Ad illum sic perductus es,
Qui spreuit te, quum redderes
Nullum responsum: pallio
Remisit te sub candido.

Haec vestis innocentiam
Colore signabat tuam,
Tibi quae tunc opprobrium
Fuit portanti praecium.

In hac derisus turpiter,
 Et tractus non humaniter,
 Cepisti multa scommata
 Probrosa, multa verbera.

O Christe, Rex altissime,
 Quid nos sumus miserrimi?
 Pro nobis quod tot obuia
 Volebas ferre scandala.

Hoc sola fecit caritas,
 Ingratos qua nos diligis,
 In te: vicissim serinio
 Hanc nostri cordis insere.

Super te cuncta quo Deum,
 Quaecumque sunt, potissimum
 Amemus; vt iussis sacris
 Parere possimus tuis.

Ne, quum tribunal vltimi
 Iustum conscendes seculi,
 Condemnemur cum reprobis
 In sempiternis ignibus.

Sed

Sed qui tot falsos iudices,
Pro nobis hic perpeſſus es,
Nos ad beatis debitam
Velis locare dexteram.

A D C H R I S T V M

H O R A D I E I T E R T I A

Hora diei tertia
Ad praetoris subſellia
Reductus, in praetorio
Examinaris denuo.

Iudaci faeuſ vocibus,
Cruci te figi clamitant:
Sed praefes, illis aequior,
Caſſas proferri poſtulat:

Dicens, in te mortis ream
Non inueniri noxiam;
Herodes quam nec repperit,
Infonem qui remiſerit.

Quaesivit ergo, quomodo
 Te liberaret: ad dies
 Solebat festos soluere
 Ex vinclis, quem deposcerent:

Homicidam ponens Barrabam,
 Et te, qui saluas mortuos:
 Occisorem sed eligunt;
 Vitae datorem renuunt.

Iudex iniquus audiens
 Clamores inualefcere,
 Volens placere, te rapi
 Iussit, flagrisque corripit.

Quibus quum crudelissime
 Esses afflictus, indeque
 Corona cinctus spinea,
 Tulisti multa ludicra.

Turpi salutatus ioco
 Rex Iudaeorum, cocceo
 Amictu post vestitus es
 Per conspuentes milites.

Pilatus te sic intuens
Adfectum, tamquam condolens,
Satisfactum saeuis putat
Tuis, his poenis, hostibus.

Ob id produxit te foras,
Vt mentes ira concitae
Mitescerent: sed liuidae
Incendebantur acrius.

Discissum quum te cernerent
Flagellis, plagis, verbere,
Caput tumensque sentibus
Sacrum cruorem fundere:

Et obsoleta purpura
Indutum stare, perfidi
Conclamant omnes, vt cruci
Te praefes altae figeret.

Qui vocum tot clamoribus
Illis te victus tradidit:
Crucisque factus baiulus,
Ad mortis ductus es locum.

IO. DANTISCI

O proles aeterni Patris,
Nos, Christe, quaesumus, iuua,
Tormenta descentes tua
In nostri cordis intimis.

Quae pro nobis susceperas,
Apud te nobis vt dares
Vitam, carentem termino,
Solutis ex hoc seculo.

Dolores ob tuos, dedit
Quos carnifex Iudaea gens,
Tibi subiecta supplicat
Mens nostra, ne se deferas.

Quae non ingrata questibus
Hoc se conturbat tempore,
Vt nos damnatis eruas
Ab inferorum manibus.

A D C H R I S T V M

H O R A D I E I S E X T A

Eductum quum te plurimae
Viris coniunctae feminae
Ad fontium caluariam
Sequutae sunt cum fletibus;

Conuersus illis dixeras:
Ne flete me, sed liberos
Ex vobis natos; postera
Eis praesignans tempora.

Tandem sub ligni pondere
Protractus es grauissimae
Ad passionis terminos,
Urbi crudeli proximos.

Sub hora quum meridies
Calesceret sexta, (quies
Dabatur nulla,) vestibis
Exutus a tortoribus,

In lignum, quod portaueras,
 Volens proiectus horridum,
 Clavis adfixus per pedes
 Manusque, mox sublatus es.

Tecumque latrones duos
 Adfixerant iuste reos,
 Ut turpiore tollerent
 Te morte, sicque perderent.

Nomen tuum sanctissimum,
 Supra scriptum linguis tribus,
 Te testabatur omnium
 Pendere rerum Principem.

Orabas pro te nesciis,
 Qui circum stabant, hostibus,
 A Iudaeis multis probris
 Adfectus, et blasphemiiis.

Sinister latro te simul
 Sic incessebat: hinc eum
 Obiurgans alter, expetit
 Regni tui consortium.

Benignus cui promiseras,
Eodem venturum die
Paradisi tecum per viam,
Ad caeli summi patriam.

Adstabat et virgo parens,
Cuius cor mucro perforans
Adflixit, cunctis moestior,
Doloribusque plenior.

Illi Iohannes, qui tibi
Prae ceteris carus fuit,
Haerebat iunctus, tristibus
Madentes ambo lacrimis.

Cui virginem commiseras,
Virgo quod esset: is suam
Hanc sumsit in custodiam,
Hoc ante quod praeuideras.

O Christe Rex, vt scriptio
Crucis tuae te nuncupat,
Quo nullus est viuientium
Orbis Regum potentior.

IO. DANTISCI

Furcae tamen permiseras
 Adfigi te, praedixerant
 Vt vates sacri, pro tuis
 In te fide credentibus.

Humanum nempe quod genus,
 Homo quod primus perdidit,
 Secus nequiuit in tuo
 Nisi feruari sanguine.

Amoris immensi tui
 Quis explicet valentiam?
 Quo pro saeuis lictoribus
 Poscebas ignoscentiam.

Et grassatori pendulo
 Roganti, quae petiuerat
 Pius, dedisti, quem poli
 Iunxisti contubernio.

Sic nobis poenitentibus
 Et te vere quaerentibus,
 Vt illis, mitis subueni,
 Nec nos a te finas trahi.

Iesu,

Iesu, per matris anxium
Dolorem, qui per viscera,
Quae te portarunt, transiit,
Tua nos salua gratia.

AD CHRISTVM

HORA DIEI NONA

XVIII

Hora iam nona luxerat,
Et discursu conscenderat
Phoebus consuetum cardinem,
Suum reseruans ordinem:

Parentem quum caro tuam
Adseclae commendaueras,
Vitaeque terminum tuae
Procul non esse noueras.

Multis fannis, iniuriis,
Verbis et multis turpibus,
Adfectus, ac poenis crucis
Te saeuiter pungentibus:

Caelestis Patris inuocans
Opem, desertum te querens,
Clamabas voce persona,
Adstantes quam deriserant.

Sitibundo tunc in spongia
Fellis tibi dant pocula
Adparitores improbi,
Ex qua gustans nil hauseras.

Nostrae salutis haec fuit
Sitis, nos vt de faucibus
Emancipares daemonum,
Quibus prius seruiuimus.

Post hanc sitim quum videras
Adimpletas prophetias:
Pro peccatis iam debitum
Nunc est consumptum, dixeras.

Et inde clamans, spiritum
Deo Patri dans in manus,
Inclinans sacratum caput,
Pro nobis expiraueras.

Statim terram caligine
Sol, condens se, compleuerat,
Creatoris mortem sui
Dolens turbato lumine.

Templi velum scissum fuit,
Solumque motu tabuit:
Multae fuere tunc petrae
Disruptae, prae formidine.

Hinc ex sepulcris mortui
Egressi plures, coetui
Videndos se viuentium
Praebant admirantium.

Adstans ad haec centurio
Dei te dixit filium,
Talisque famosae necis
Nunquam fuisse te reum.

O Iesu, Saluator pie,
Quod re nobis et nomine
Saluandis praestitit tua
In nos ingens clementia:

Descendens de sinu Patris,
 Hanc nostri carnem corporis
 In aluo castae virginis
 Sumfisti, per quam passus es:

Nos liberans a crimine,
 Et abluens in sanguine,
 Pro nobis fuso largiter,
 Vt tecum simus iugiter:

Peccata nostra destruens,
 Tecumque configans cruci
 Aeternam mortem, saepius
 Quam delictis incurrimus:

Quas nos miselli gratias
 Habere tantae possumus
 Amoris multitudini,
 Qua nos ingratos diligis?

Tamen grates, humanitas
 Quantas valet, tibi Deo,
 Cum Patre, cumque Spiritu,
 Has supplices offerimus.

AD CHRISTVM
HORA VESPERARVM
ET COMPLETORII

XIX

Iam vespertinum coeperat
Adesse tempus, quo domum
Reuertebantur plurimi,
Palmis tundentes pectora.

Hoc insolens spectaculum
Multorum contristauerat
Nam mentes, innocentiae
Quas conturbauerant vices.

Statores tum missi crucem
Quum soluerent, et cruribus
Fractis eos deponerent,
Quos iam necatos cernerent:

Ad te quum, Christe, mortuum
Venissent, os non fregerant
Tuum; sed unus bellica
Latus petiuit lancea.

Mox

Mox inde promanans cruor,
Aqua permixtus, fluxerat,
Salutis atque protulit
Spem certam prorsus perditis.

A qua lauamur a tetris
Peccatis, inque sanguine
Tuo saluamur, quo sumus
Redempti nunc ab inferis.

Quos tu vicisti, liberans
Patres antiquos, diruens
Serata claustra Tartari,
Ad illa quum descenderas.

Petenti Iosepho tuum
Corpus, tum praefes tradidit
Illud, sepulcro sindone
Cinctum munda quod condidit.

Inungens hoc aromatis,
Iustisque rite praestitis
Cum Nicodemo, quae solent
Apud Iudaeos exigi:

Te tumbae clausum postea
Ingenti mole faxea
Communiuerunt, ne sacrum
Illusor corpus tangeret.

Sic iam perfectis omnibus,
A sanctis olim vatibus
Quae libris scripta sunt sacris,
Tuis de passionibus;

Adhuc humatus hostibus
Iacens eras saeuissimis
Terrori, qui signauerant
Specum, custodes iunxerant.

Sed non profecit diritas,
Nec vana curiositas:
Quae tu vis, semper perficis,
Quum nutu cuncta dirigis.

Contra sepulcrum feminae,
Tuae tristes pedissequae,
Procul sedentes, prodigas
Dabant amoris lacrimas.

Quae te visuras non magis
Putabant: sed virgo parens,
Vis quam doloris presserat,
De te spem non amiserat.

Sciebat, quomodo conceperat
Te nuncio, praedixerat
Et quae senex, quum te tuo
In templo praesentauerat.

Per Matris has, et per tuas,
O Iesu, poenas quaesumus,
A te trahi nos ne finas
Per daemonum praestigias.

Haerere nos semper tibi,
Tuisque iussis obsequi
Concede, baiulos crucis
Tuaeque clemens effice.

• Et hac in vita plangere
Tuam nos mortem fac, tuis
In sacris et vestigiis
Aeternis iungi gaudiis.

AD CHRISTVM

PASSIONIS EPILOGVS

XX

Iesu placabilissime,
Deus noster piissime,
Homo qui factus es, Deos
Vt nos mortales redderes:

Nostras adsumfisti vices,
Praeter peccatum, virginis
De ventre natus, annuis,
Vt nos, auctus profectibus:

Fame, siti, laboribus,
Viarum lassitudine,
Humanis et adfectibus,
Hominem te verum proferens:

Et quod propter nos ex sinu
Aeterni descendens patris,
In carne nos exfolueres,
Piaculis obnoxios:

Nostris et in te fumeres
Peccatis poenas debitas,
Nos liberans ab igneo
Horrendi Ditis carcere.

Quocirca per vitae tuae
Subisti tempus omnia
Libens, nostrae deperditae
Saluti conducentia.

Crudelis rex infantiam
Est persequutus, exsulem
Ad fines Aegypti fugans,
Donec mors illum tolleret.

Factus iam paullo grandior,
Iuuentutem parentibus
Subiecisti: post in virum
Succrescens, quid non passus es?

Primum tuis a ciuibus,
A falsis atque fratribus,
Ab hostibus blasphemias,
Confictas et calumnias.

Quadraginta ieiunium
Dierum post baptismatis
Seruabas vndas: hinc Satan
Infestans te tentauerat.

Pharisei cum scribis truces,
Tuique templi principes,
Oderunt semper liuidis
Innoxium te mentibus.

Te saepe captiunculis
Adgressos propulsaueras,
Et quum tenere iusserant,
Nolentem te nequiuierant.

Sed quum volebas, obuius
A te statuto tempore
Illis ultro processeras,
Vt ante destinaueras.

Non proditoris osculum
Fugisti, nec satellitum
Manus feroces, funibus
Quae te duris obstrinxerant.

Perpeſſus plagas, verbera,
Contemtum, ſputa, iudicium
Iniquorum ſententias,
Voces et multas improbas.

Flagellis caeſus aſperis,
Compunctus ſpinis verticem,
Dextra ferens arundinem,
Sub veſte riſus hiſtrica.

Infamem ductus ad crucem,
Illi ſuſpenſus, ludicris
Correptus probris, felleque
Potatus, poſt et mortuus.

Haec cuncta, pro nobis reis,
Multis peccatis foetidis,
Ferebas in nos ſeruïdo
Ex caritatis vinculo.

At nos viciffitudine,
Nec vlla gratitudine,
Tibi rependimus vices,
Peccantes hic compluries.

Adhuc tamen nos sustines:
Reuertendi tempus soles
Largiri cunctis, ad tuam
Recurrant qui clementiam.

Per passiones has tuas,
Dolores et grauissimos,
Et per tibi turpissimam
Inflictam facuiter necem;

Iam rite quam ieiunio
In hoc recordamur sacro,
Agentes, quas mortalitas
Poteſt haec noſtra, grátias;

Oramus te, qui ſingula
Iam perſoluisti debita
Pro nobis, nos a crimine
Tuo lauans in ſanguine;

Memor ſis, quae ſubſtantia
Sit noſtra, qui manentia
Hic non habemus tempora,
Quae fluxa ſunt, et turbida.

Nos daemon, mundus, nos caro,
Fragiles infestat sedulo:
Tua sola potentia
Sumus fortes et gratia.

O Christe, nos hic adiuvā
Tua protensa dextera,
A tot ne vincamur malis,
Qui nos perturbant, hostibus.

Et maxime quum iusseris
Corpus dari ranunculis,
In hac hora tunc vltima
Adsis tua praesentia.

Adsitque nobis inclita,
Quae te tulit, puerpera,
Mater, non cognoscens virum,
Per Sanctum facta Spiritum.

Sicut pendenti sub cruce
Tibi dolenter adsistit,
Fac, vt nobis in exitu
Haec consolatrix fida sit.

Hoc praeſta nobis cum Patre,
Et cum ſpirante Flamine,
Vnus Deus, Ieſu pie,
Per gloriam mortis tuae.

AD MARIAM VIRGINEM
DEI MATREM DE EIVS
COMPASSIONE

XVI
Quo te, parens moeſtiſſima,
Modo debemus adloqui
Hoc paſſionis tempore
Tui dilecti filii?

Cuius mater doloribus
Adſtabas triſtis anxiis,
Videns poenas grauiſſimas,
Quas perferebat innocens.

Qui nemini mortalium
Plus, quam tibi, notus fuit,
Sciens, quod hunc conceperis
Virgo manens diuinitus.

Et esse vere filium
In has terras altissimi
Demissum, nos ut solueret
Ab inferorum tribulis.

Erat tibi nec abditum,
Senex quod dixit Simeon,
In vlnis hunc tenens suis,
Quem templo praefentaueras.

Gladius doloris cor tuum
Tunc pertransiuit intimum,
Iudaei quum concurrerent,
Et comprehensum ducerent:

Per proditorem venditum,
Captum, vinctum, caesum, probris
Et adfectum turpissimis,
Ad totque ductum iudices:

Tandem damnatum protrahi,
Famosam portantem crucem,
Verecundeque propriis
Exutum stare vestibus.

In lignum post ferociter
Deiectum, clavis perfodi
Manus extensas, et pedes,
Ab impiis lictoribus.

Adfixum sic per machinas
Lenari, perstreptibus
Neruis, pendere faucium
Inter latrones noxios.

Quae tum materna viscera,
O virgo mater, passa sunt,
Quis exprimet? quis ferrei
Cordis deflens non ingemat?

Hinc fido cum consortio
Te nato iunxisti tuo,
Iudaeorum nihil timens
Saevas frementium minas.

Audisti stans natum tuum
Tot fannis et blasphemiiis
Illudi, ligno solueret
Vt se sic, et descenderet.

Audi.

Audisti, latroni dari
 Caelestis horti copiam,
 Preces pro sanguinariis
 Fundique traductoribus;

Et te commendari prope
 Stanti sectatori, tuae
 Quod menti poenas auxerat,
 Quas moeror intimus dabat.

Audisti poscentem patris
 Opem, superne deferi
 Querentem seque, quo fuit
 Derisus a tortoribus.

Quaecumque vult, potens agit:
 Volens se morti tradidit,
 Surgensque cum potentia
 Terrae mouebat abdita.

Sub mole faxea iacens,
 Ex hacque victor exiens,
 Vanos custodes terruit,
 Stygisque claustra diruit.

Quocumque vult, ingreditur:
Sentitur, et cognoscitur
Ab is solum, qui candido
Sunt, absque labe, pectore.

Hoc et videtur intime
Firma fide quotidie
In arae viuus hostia,
Per verba quam facit sua.

Et quum sitiret, poculo
Potari felle putrido:
Quod intuens, castissima
Scindebantur praecordia.

Quum consummasset omnia,
Audisti voce feruida
In Patris aeterni manus
Suum mittentem spiritum.

Et quum sic expirauerat,
Vidisti longa cuspide
Transfigi sacratum latus,
Pectus quod punxit et tuum.

Per-

Perseuerabas sedula,
Adstans pendenti mortuo,
Corpus donec deponerent,
Sepulturaeque traderent.

Quis enarrabit lacrimas,
Luctum, dolores asperos,
Emissa tot suspiria,
Et tot lamenta tristitia?

Die quae tota fuderas,
Haec quum praesens adspexeras,
Ad usque mortem perfici
Quae sancti testantur libri.

O Regis aeterni parens,
In caelo cui nunc adsides,
Tuam per condolentiam,
Nobis precare gratiam.

Et per tuas poenas graues,
Quas pertulisti plurimas,
A nato nobis impetra,
Quae sunt saluti prospera.

In hora mortis iungere
Nobis, et nos tunc adfere,
Hinc exituri quum sumus
A daemonum terroribus.

Vt te iuuante liberi
Ab illis, ex hoc seculo
Migrantes, consortes tui
Perennis simus gaudii.

AD
CHRISTI FIDELES
EXHORTATIO

XXII
C hristi fideles qui sumus,
In hacque Quadragesima
Compleuimus ieiunii
Sacri statuta tempora:

Et qui per sanctos hos dies,
In vera poenitudine,
Pro nostris corpus flaccidum
Delictis castigauimus:

Grauique nos a crimine
 Purgatos conseruauimus,
 Et pauperes refecimus,
 Nec proximos offendimus:

Deoque, quantum debilis
 Niti potest humanitas,
 Inhaesimus, non otio,
 Torpori nec seruiuimus.

Sed passionis et crucis
 Poenas ex corde luximus,
 Gratesque pro tot egimus
 Donis, hic quae percepinus:

In is si quid profecimus,
 Christus dedit petentibus,
 Dabitque nostrae munera
 Saluti conducentia.

Ad hunc nostrae vitae ducem
 Et auctorem mens impigre
 Recurrat: nostra suscipit,
 Suosque numquam despicit.

Die resurgens tertia,
Cum magna lucis gloria,
Nos surrecturos cum suis
Post mortem iunget angelis.

Potens nam cuncta, quae polus
Solumque clausa continent,
Gubernat, fecit; omnia
Per illum sunt et condita.

Quaecumque vult, potens agit;
Volens se morti tradidit,
Surgensque cum potentia
Terrae mouebat abdita.

Sub mole saxea iacens,
Ex hacque victor exiens,
Vanos custodes terruit,
Stygisque claustra diruit.

Quocumque vult, ingreditur;
Sentitur et cognoscitur
Ab is solum, qui candido
Sunt, absque labe, pectore.

Hoc et videtur intine
Firma fide quotidie,
In arae viuus hostia,
Per verba quam facit sua.

Hac vt futuris Paschatis
Nos in diebus nutriat,
Rogemus omnes strenue,
Clamore mentis integre.

Carnem suo cum sanguine,
In forma panis incliti,
Nobis dabit credentibus,
Vt simus cum viuentibus.

Nam dixit: Hoc qui vescitur
Digne manducans, horridae
Expers mortis, victurus est,
Quae nullo fine soluitur.

Ad hoc precemur Virginem,
Vt nos iuuat, de qua Deus
Hanc carnem sumsit nobilem:
Salubris sic fiet cibus.

Haec dignos, per suas preces,
Nos reddet hoc edulio,
Quo vita nobis ex eo
Donetur absque termino.

DE
GLORIOSA RESVRRECTIONE
CHRISTI

XXIII
Nunc gaudiorum tempora prodeunt:
Luctus dolorque cum gemitu procul
A mente pellantur fideli,
Laetitia redeunte cunctis,

Natus superni nam Patris vnicus
Ex matre, casta virgine, noxios
Nos a Gehenna liberauit
Horribili, meritisque flammis.

Et morte victa vicit et inferos:
Illis subactis, Tartara diruit,
Secum reducens, poena quondam
Quos habuit vetus illa captos.

Hunc, gloriosum fidera quem colunt
Regem, sepulcro signaque saxaque,
Et territi custodientes,
Non poterant retinere clausum.

Surrexit, et non legibus amplius
Est mortis vllis subditus: hanc enim
Subiecit, et iam nos ab illa
Perpetua moriens redemit.

Nobis salutem morte dedit sua
Numquam caducam, ciuibus et poli
Nos iunxit aeterni triumphans
Arce sui Patris in suprema.

Nunc ergo laetis cordibus intime
Gaudere debent Christicolae, fides
Quos sancta mundauit lauacro,
Fecit et esse Deo propinquos.

Et qui, perosi pondera criminum,
Vitae probatae quaerere semitas
Coepere, publicis omisiss
Callibus ad Phlegethontis vndas:

Isti resurgentis pia gaudia
Christi canoris laudibus occinunt,
Et spem beatam consequuntur,
Qua superis sociantur oris.

Et Christus illos propitius Deus
Numquam relinquit rebus in omnibus:
Solatur aduersis, eosque
Protegit et reficit secundis.

Nos ergo, qui peccata reliquimus,
Surgamus, et Christo prope pectore
Iungamur omni, nec moueri
Nos ab eo magis hic sinamus.

Sed gaudeamus, cominus angelis
Sanctisque cunctis mentibus additi,
Qui siderum gaudent in orbe,
Perpetuo modo quo fruuntur.

His iuncta clementis genetrix Dei,
Quae moesta lugens sub cruce constitit,
Nunc gaudet adstans Tonanti,
Laeta suo sine fine nato.

Quem saepe nobis propitium facit,
 Lapsis vt indulgenter opem suam
 Impartiat: perimus omnes
 Illius auxilio carentes.

Quo nullus vnquam tempore nec loco
 Quocumque, firma qui petiit fide,
 Desertus est: sed corde tantum
 Hoc humili venit inuocandum.

Laetemur ergo Paschatis hoc die,
 Quem fecit heros maximus optimus,
 A mortuis victor resurgens,
 Viuificans recreansque cuncta.

Caelum serenum laetius emicat,
 Lucemque Titan auricomus suam
 Iam protulit feruentiorem,
 Cum niuibus glaciem resoluens.

Ridens apricus nunc ager exhibet,
 Quae seminauit villicus accola:
 Herbas humus floresque promit,
 Germinibus variis virefcens.

Ridentque montes, prataque vallibus
Adiuncta, fontes, cum prope riuulis
Amnes, lacus; et quidquid vndis
Viuit, in hoc modo vere ridet.

Testantur omnes gaudia bestiae
Christi refurgentis, genus omneque,
Pennis quod aura sustinetur,
Quidquid et hoc in habetur orbe.

Gaudere iucundis homines modis
Debemus et nos, dulce melos simul
Nunc annuo laetis sonare
Vocibus hoc canitur quod vsu.

Christus resurgens ex crucis horridae
Mortisque poenis victor ab inferis,
Nos gaudiis replet supernis,
A laqueis stygiis solutos.

Solamen et vult esse fidelibus
Vitam per omnem, post et in exitu
Cunctis futurus, quando finis
Ultimus adfuerit, receptor.

DE

RESURRECTIONE

C
 hristus, perpetuae salutis auctor,
 Confractis Acherontis ampla claustris
 Deuicta retulit tropaea morte:
 Ex qua vi propria Patris resurgens
 Aeterni soboles redemit omnes
 In fontis fidei lauatione,
 Qui nomen fuerint suum professi.

Christus non moritur magis, nec illi
 Mors ultra dominabitur: subactam
 Hanc nam morte sua tenet, premitque,
 Vt posthac nequeat nocere nobis
 Peccato, quia mortuus reuixit,
 Vita perpete cum Deoque viuit,
 Vt nos participes ea coronet.

Hymnis nunc simul ergo Christiani,
 Et laetis modulis, pium sonemus
 Carmen, quod triduo iacens sepultus
 Surrexit, moriturus inde numquam,
 Spem vitae miseris ferens perennis,
 Christus perpetuae salutis auctor.

DE
RESURRECTIONE

XXV

Aeterno genitus de patre filius,
Postquam principio, quo prior exstitit,
Verbo cuncta suo, quae tenet ambitus
Caeli, condiderat, quidquid et vndique
Vel visu capitur, quodque capi nequit,
Nos, quos primus homo perdiderat volens,
Ut saluaret ab hoc interitu graui,
Descendens Deus ex Virgine prodiit
Verus factus homo, sed sine crimine.

Hoc ut pelleret, ac inde resolveret,
In poenis Erebus quos habuit diu
Detentos sub aquis flammeus igneis,
In se nostra pius debita sustulit,
Adfigensque cruci, reddidit omnia
Patri morte sua, sicque retexuit
Ex strictis laqueis noxia nomina.

Ad caelos et iter quod fuit iniunum,
Cunctis restituit planius, astraque

Per lucentia nos, ad sua gaudia,
 Post se victor ouans traxit ab inferis,
 Mandatis, voluit, legibus et suis
 Vt mens nostra sit hic attamen obsequens.

Contendamus in hoc ergo viriliter,
 Conatus siquidem protinus adiuuat
 Feruentes, et adest corde precantibus
 Sincero: famulos nouit enim suos,
 Quos verae fidei gratia continet,
 Quam poscentibus hic dat, negat impiis.
 Hanc qui non cupiunt, nec capiunt, putant
 Nuda se fieri consimiles fide
 Cum sanctis: igitur saepe licentius
 Spernentes oculis facta boni student,
 Immergi vitiis innumeris, quibus
 Oblectant animos, his et inambulant.
 Hi fidunt propriis sensibus, et tibi
 Iunctos se simulant, Christe piissime,
 Multis criminibus turpiter obruti
 Carnis, carniuori, moribus improbis
 Viuentes, nihil ex aethere Spiritus,
 Quem pellunt, sed habent ex Styge plurimum,
 Quo ducti peragunt omnia libere,
 Quae mundus stolidis suggerit, illitis

Foedis deliciis fraudeque daemonum :
Sed quorum pereunt praecipites iugo,
Et te defugientes, furialibus
Submittunt misere se cruciatibus.

Et his eripias nos tibi subditos,
Et qui sub pedibus te petimus tuis
Prostrati, recolentes tua vulnera
Et mortem, crucis huius quoque gloriam,
Qua victor rediens, Tartarici canis,
Ne nos terreat hic, ora latrantia
Clausisti, spoliens, regnaque suppressens
Ditis terrifici, multaque corpora
Surgens ex tumulis viua reduxeras,
Laeti quae Paradisi retinent loca.

Quo nos post obitum duc miserabiles,
Qui rorantibus ad te lacrimis ades,
Et, quum de Superis buccina perstrepet,
Dicens horrifona voce iacentibus
Postremum sub humo iudicii diem,
Ex tumbisque cauis nos simul erutos,
Nudos ante tuum constituet forum,
Tunc nos propitius collige, cum grege
Iustorum positos, quem pietas tua

Seruans pro meritis, quae sibi munere
 Accessere tuo, perpetuis beat,
 Finito stadii turbine, praemiis.

Si terris segetes frigore mortuis,
 Frondes arboribus, germina vallibus,
 Gressus reptilibus, manca volucris
 Alarum reparas, cunctaque viuida
 Reddis, quae glacies et rigidis hiems
 Auris corripuit, fecit et arida,
 Quamuis te nequeant noscere sensibus,
 Quum desit ratio, tu tamen omnia
 Nutris atque foues, veris et hoc noui
 Quo Phoebus radiis tempore promicat
 Ignitis, recreas: quid facies tuis
 Nunc ex sarcophago sospes amantibus,
 Te verumque Deum rite colentibus,
 Qui rerum fator et factor es omnium?
 Num non sponte dabis iusta petentibus?
 Quum cornos epulis pascis, et obuia
 Ornas florigeris lilia vestibus.

Ad te nos et ob id pectore supplices
 Firmo confugimus, te quoque poscimus,
 Ne nos destituas, quos variis modis

Ad-

Adfectos Satanas persequitur furens.
Hunc tu praesidio pelle procul tuo,
Et tum praecipue, quum prope terminus
Iussus proueniet cedere nemini,
Adfis, daque, tuos sentiat angelos
Custodes anima in corpore languido.
Hoc postquam gelidis liquerit anguibus,
Tandem terribilis quando canet tuba,
In spe nos pie fac Christe resurgere,
Ad dextramque tuis iunge fidelibus.

A D C H R I S T V M

DE

ADSCENSIONE ET SPIRITVS S.

MISSIONE

XXVI

Christe, supremi Parentis

Nate, rerum conditor,

Corporis nostri caduci

Induens amictulum,

Ex puellae carne casta

Hoc inisti seculum :

Vt potestatem furentem

Daemonum compesceres,

Et tuos ex hac fideles

Per crucem dissolueres :

Quod benigne praestitisti,

Passus infaniam necem,

Victor inde sed resurgens,

Contudisti Tartara :

Liberans patres vetustos

Dux eras ad fidera,

Cumque post quater diebus

Fratribus denis eras.

Multa

Multa de regno loquutus
Caelico, mundi plagas
Hos per omnes vt docerent
Ire mandasti fidem,
Et sacrum baptismum cunctis
Praedicare gentibus.

Dogmatum plures dedisti
Conciones, cum quibus
Mansiones praepararent
Cordium gratas tibi,
Dans eis pacem, relinquens
Hancque pro viatico.

Postea coniunctus illis
Mons oliuis confitus
Te recepit: hicque multa
Disserens, testes tibi
Fecerat eos per omnes,
Terra quos fert, terminos.

His videntibusque clara
Luce nubis splendidae
Septus, in sublime ductus
Aetheris palatium,
Dona iussisti paterni
Operiri Spiritus.

Quum

IO. DANTISCI

Quum sol decies reuersus
 Effet orbis ambitu,
 Congregati confedebant
 Cum beata Virgine,
 Caritatis atque plenis
 Adscelis cum ceteris.

Tunc sonus repente factus
 Impetu per aethera,
 Qui locum repleuit omnem,
 Quem precantes ceperant,
 Personabat cum tonitru,
 Grata mittens fulgura.

Eminebant vnde linguae
 Igneae, quae singulos
 Adpetebant hinc loquentes
 Omnium sermonibus:
 Quos stupens intelligebat
 Quaelibet tunc natio.

Et putabant musta manere
 Hos bibisse: sed Petrus
 De tuo docebat esse
 Spiritu, quae dicerent;
 Poenitentiamque suavit
 His simul credentibus.

Quam

Quam per omnes praedicabant
 Orbis ampla climata,
 Et fideles, Christe, multos
 Reddiderunt perditos,
 Nosque iunxere tuorum
 Candido consortio.

Ergo nos agnosce fido
 Supplicantes pectore,
 A minis hostilibusque
 Nos potenter adfere:
 Vt tibi seruire possit
 Vita nostra libere.

Pace facque perfruamur,
 Quam reliquisti, poli
 Astra conscendens: in illa
 Nos clementer, Rex pie,
 Turbulentis his diebus,
 Et quiete protege.

Bella cum dissensione,
 Iurgiis, et litibus,
 Nunc ubique proferuntur;
 Regna regnis obstrepunt
 Forte iam dies propinquat
 Illa formidabilis.

IO. DANTISCI

Te nihil potest latere,
 Cuncta qui nosse probe,
 Antequam fiant; habesque
 In voluntatis tuae
 Dextera, quae pontus, aer,
 Atque tellus continet.

Nos eoque, Dux superne
 Angelorum, dirige,
 Vt tuae, planctus in ista
 Valle, pacis munere
 Simus a peruerfitatis
 Liberati turbine.

Daque nobis, quem dedisti
 Spiritum caris tuis,
 Vt queamus roborati
 Mente firma vincere
 Vniuersa, daemon orbis
 Et caro quae suggerunt.

Absque te nihil valemus:
 Te iuuante possumus
 Cuncta: te fauente dirae
 Mortis hic imperium
 Non pauescimus, nec vllas
 Hostium proteruias.

Quis

Quis potest nocere, sancta

Si tua nos hic ope

Adiuuas, et principali

Corda nostra Spiritu

Visitas? Hunc, o Creator,

Mitte nostro pectori.

Hunc amoris da datorem,

Illius quo glutino

Semper hic inhaereamus

Firmiter iussis tuis:

A tuorum separemur

Ne piorum gaudio.

Facque nos ad alta caeli,

Mole criminum graui

Hic relictâ, peruenire,

Postque te conscendere,

Hic ubi cum Patre regnas,

Cumque sacro Flamine,

Absque fine sempiternus

Et potens vnus Deus.

DE
CHRISTI RESVRGENTIS
ADPARITIONE AD VIRG. MARIAM
DEI MATREM

O decor, Regina, foli polique,
Virgo, quae Christum remanens tulisti,
Iamque sub sanctis pedibus serena
Sidera calcas.

Gaudiis quantis benedicta mater
Post tuos planctus fueras refecta,
Quum tuus natus rediuiuus adstans
Te recrearet!

Ille solari prius inter omnes
Te volens, moestae tibi se videndum
Praebuit primum, veteres reducens
A Styge patres.

Cum quibus coram veniens, amarus
Abstulit fletus, gladius doloris
Quos tibi fecit, scidit et tuum cor
Sub cruce stanti.

Quod

Quod statim praefens hilarauit ore
Dulciter sacro, tibi quae manebant
Vulnerum monstrans per amata membra
Stigmata, seque.

Hanc tuam quis laetitiam referre
Possset optati reditus potentis
Filii, quam tu, Genetrix beata,
Tunc habuisti?

Inde viuentem quoque Magdalena
Vidit, et quaedam pariter ministrae,
Quae sepulchrali voluere funus
Vngere more.

Visus et post est simul a duobus,
Cum quibus iunctus peregrinus ibat;
Non tamen notus, nisi fractione
Panis, ab illis.

Ianuis clausis venit hinc gregatos
Vndecim visens, medius stetitque,
Dans eis pacem, fideique lumen
Firmius addens.

Non erat praesens Didymus, nec illis
 Credidit: quem sed rediens benigne
 Credulum fecit, digitis latusque
 Tangere iussit.

Is fidem nostram stabilivit, unde
 Certius scimus, veneranda Virgo,
 Hunc tuum natum triduo sepultum
 Astra petisse.

Quem breui tandem fueras sequuta,
 Adfidens illi modo gloriosa,
 Et choros omnes super angelorum
 Magnificata.

Hic tibi numquam negat ista, quae tu
 Postulas, auditque libens rogantes,
 Mente qui pura veniam reposcunt,
 Pro quibus oras.

Quod quidem semper facis inuocata,
 Hisque praesertim, per Aue salutant
 Qui tuum nomen Gabrielis ore,
 Hocque verentur.

O decus sublime beatitatis,
Quam pater nobis statuit redemptis
Per tuum natum, prece nos ad illam
Duc, pia Mater.

Huncque ferventem pietatis hymnum,
Quem pio cantant animo fideles,
Et tuum nomen celebrant amantque,
Suscipe gratum.

Si tuis forsan minime placebis
Invidis, laudes temuant vbique
Qui tuas: illos sua poena tanget,
Quam meruerunt.

At tuo numquam poterunt nocere
Nomini, quod nos veneramur, etfi
Inde rumpantur, liceat, maligni
Pectoris hostes.

Ergo nos, tota tibi serviientes
Mente, commissos habeas, et adsis
Hinc migraturis famulis, precamur,
Mortis in hora.

IN
L A V D E M N O M I N I S
G L O R I O S I S S . V I R G I N I S
M A R I A E

XXVIII

Maria, spes credentium,
Salus piarum mentium,
Ad te clamamus obruti
Peccatis huius seculi.

Maria, lumen cordium
Vitaque, lux errantium,
Et aduocata fontium,
Audi preces gementium.

Maria, terror omnium,
Qui nos infestant, daemonum,
Tu nos ab illis libera,
Et angelis accumula.

Maria, da petentibus,
Et te pie colentibus,
Nostras hic sublenans vices,
Quod te rogamus supplices.

Maria,

Maria, nobis impetra,
Tentatio ne subdola
Hostis de recto tramite
Nos abstrahat laudis tuae.

Maria, labis nescia,
Omni que plena gratia,
Nos mundos fac a crimine,
Tuo sacro iuuamine.

Maria, nos hic respice,
In hac vallis miserrimae
Angustia, qua stringimur,
Et tot periclis pungimur.

Maria, portus et quies,
Quum soluet vltimus dies
Nos de mortali corpore,
Hoc nobis ad sis tempore.

Maria, monstra Tartari,
Aeterno vineta carceri,
Tuam timent potentiam,
Formidant et praesentiam.

Maria, tu nos libera
Ab his, et poena debita,
Interuentuque nos tuo
Tuo coniunge filio.

Maria, quiuis te colunt,
Et laudibus te concinunt
Omnes fideles vndique:
Tamen nunc fit praepostere.

Maria, multos impios
Habes, et hostes perfidos
Hoc aeuo, qui te vellicant,
Te contra dira mussitant.

Maria, clemens et pia,
Pro stultis illis supplica,
Vt conuertantur a suis
Factis, et verbis impiis.

Maria, cuncta, quae petis,
A nato semper accipis:
Honorans te nihil negat:
Benigniter, quae vis, probat.

Maria,

Maria, nomen nobile,
Et nobis hic amabile,
Fae, vt laudemus iugiter
Hoc nunc, post aeternaliter.

IN HOSTES
GLORIOSIS. VIRG. MARIAE

XXXIX

Serpens perfidus, inuidens saluti
Nostrae, virus in hunc profudit orbem,
Postquam primus homo creatus esset,
Ex costa sociam suae cepit,
De ligno vetito quod abstinere
Iussus, de reliquis haberet escam.

Tunc is cum muliere disputator
Nostros fraude sua procul parentes,
Ex horto miseros amoenitatis
Proiecit: Deus ergo, semper hostis
Vt sit femina, iure fecit, angui,
Illius caput utque conterendo
Confringat genetrix simulque virgo
Hoc tum tempore, quo fuit futura.

Quid mirum, Satanas, suis ministris
Coniunctus, quod adhuc, licet subactus,

Hanc

Hanc odit, nequit et pati sacratum
 Eius nomen honoris atque laudem ?
 Qua gaudent Superi, proboque verae
 Serui religionis hic amore
 Huius Virginis inclitaeque Matris
 Flagrantes, et eam pie colentes,
 Ex qua natus homo Deus redemit
 Nos a flammium vadis Auerni.

Per quam fiderei poli patescit
 Cunctis aula fidelibus superna,
 Et quae fida stat advocata nobis
 Apud propitium suum precando
 Natum, ne scelerum rependat actis
 Poenas promeritas, nec ut relinquat
 Nos hoc tempore, daemonum procellis
 Quo mundus modo fluctuat malignis.

Hanc tu, quisquis is es, furore captus,
 Et totus spaticus parem putabis
 Nostris hic mulierculis misellis?
 Quae nos concipiunt iniquitate
 Plenae, putribus ex viri medullis,
 Et magno pariunt doloris aestu:
 Subiectae vitiis molestiisque,
 Foedis illecebrisque seruientes.

Hanc

Hanc illis, malefane, comparabis?
Hanc, inquam, licet a Deo sit esse
Destinata prius parens Tonantis,
Quam mundus fieret, vel hoc, in illo
Quod constat, vel vbique quod mouetur,
Et nunc astrifera sedens in arce,
Et coniuncta suo beata nato,
Et terras, mare, lucidumque caelum
Implet rector, et omne, quod videtur.

Per quem respicit, audit, atque praestat,
Quidquid vel petimus, vel intus optat
Mens deuota, precesque puriores
Gratas suscipit, et facit libenter
Hoc, quod poscimus, impetratque cuncta
A caro pia filio precatrix,
Quae desiderio vel apta nouit,
Vel scit commoda pro salute nostra.

Hanc vates veteres sacris figuris
Praedixere diu tot ante seclis:
Bis senis etiam prius Sibyllis
Non ignota fuit: libris et Hermes
Huius fecit in orbe mentionem,
Quo diuinitus ille tunc agebat,
Praemonstrauit et hanc Dei parentem,

Regi-

Reginam quoque fiderum futuram,
Humanumque genus per hanc ab Orco
Saluandum nece prolis innocentis.

Quid, nequissime veritatis osor,
Audis dicere ceteris puellis
Aequalem? nec apud Deum valere
Hanc plus, femina quam colo laborans,
Quae vel putris harae lutosae verrit?
Quo te daemon agit sub hoc furore,
Non noscis miser; hostis est, et hostem
Per conuitia te facit; sed isti
Infelix neque Virgini nocere
Vnquam, nec poteris furens obesse.

Commuta potius proinde mentem
Insanam; resipisce, teque matri
Commenda propere Dei potentis:
Erroris veniam dabit fatenti,
Et nati tibi gratiam parabit:
Est clemens etenim, benigna, mitis
Lapsis, atque reis patrona semper,
Praesens antequam iudicis tribunal
Peccatoribus aduocata cunctis.

Quod si perstiteris licenter ore
Blasphemo mala proloqui, recepta

Quae

Quae vulgus varium dolo subintrant,
A cultuque trahunt parentis huius,
Quam Christus veneratur ac honorat
Cum sanctis simul omnibus: quod inde
Exspectes, tua mens, reor, docebit:
Quae praesaga tibi renuntiabit
Venturum prope vindicis flagellum,
Cui subducere te, miser, nequibis.

Si nos hic homines honore matres
Nostras prosequimur, piis amantes
Ex adfectibus, isque comminamur,
Illas qui leuiter probris lacestant:
Quid summum faciet regens Olympum,
O insane, tibi, tuaeque linguae,
Qui tot vocibus impudenter audes
Adtentare? Feres breui repostas
Diris suppliciis sub igne poenas:
Non impune diu suae parenti
Contemtum fieri Deus relinquet.

AD

PIVM LECTOREM

XXX

Benigne Lector, qui pie Deum colis,
 Et huius Orbis non tumes superbia,
 Nec hic requiris multorum praeconia,
 Sed corde simplici non hoc, quod scribitur
 Docte vel argute grato Poeticae
 Stilo, profanis quod fabellis pingitur,
 Admittis in te, rem, non verba, percipis,
 Et nucleum probas, reiecto cortice:
 Tibi, reor, non displicebunt paruuli
 Libellus hymni, quales iste continet,
 Non arrogantis, at deuoti pectoris
 Foetura quum sint, qua velim fidelibus
 Prodesse Christi, cuius quaero gloriam:
 Meam mephitis et putredo vermibus
 Dabit: nec vlla semper hic manet, suo
 Sed interit plerumque cum caduere.
 Curemus ergo sempiterna perfrui,
 Daturus est in libro quam viuentium
 Suis Deus, quos mundus hic perosus est,
 Et huic vicissim qui placere non student.

Nam

Nam plenus est ineptis vanitatibus,
Fluxisque rebus, quae velut fumus cito,
Vel bulla quum tumescit flatu, transeunt.

Opus Maronis aut Homeri quid iuuat
Vmbrae? quod hi labore sollerter graui,
Cum laude multa, congefserunt, quod licet
Durat: sed his quid hinc voluptatis datur
Apud tetri nigram Plutonis regiam?
Re stultiores nulla mortales sumus,
Quam quod putamus nostra vana nomina
Victura libris editis hic perpetim.
Post fata si quid tale forsan accidit,
Quid proderit laus haec inanis mortuis?
At interim vitales spiritus rapit
Intensa pressae mentis cogitatio,
Siccans cerebri vires lassitudine,
Adfertque mortem, vitam quo requirimus.

Qui te tamen vixisse testari cupis,
Sic viue, quo cum Christo possis viuere,
Aeternitatis qui donat solatium,
Sanctos quod inter absque fine permanet.
Ad cuius hos honorem paucos promimus
Hymnos, sequuti nobilem *Prudentium*,
Quantum licebat, Christiani nominis

Professione cultorem piissimum,
Quo nostra sanctis canticis Ecclesia
Libenter in sacris diebus vitur.

Eos nihil moror, qui nostro tempore
Praepostere peruertunt, quidquid ordine
Est constitutum per patres sollemniter,
Suasque naenias germanicas canunt,
Ventre, gulae, foedis incestis dediti:
Qui, quum Christus volet, graues poenas da-
bunt.

Cui laus, honor, perennis atque gloria,
Cum Patre sempiterno, cumque Spiritu,
Qui corda firmat omnium fidelium
Vera fide, sua superna gratia.

A D L I B E L L V M
DE TVRBATIS NOSTRIS
TEMPORIBVS

Qua te praecipitas mente, Libelle?
Linquens scriniolum, quod tibi clausum
Non paruo fuerat tempore, pergens
Ad terras, homines adque remotos,
Qui vix hospitio te reputabunt
Dignum, tot variis qui modo sectis
Inter se lacerant, quae vetus illa
Patrum religio condidit olim.

Saenis, nonne vides, cuncta sub armis
Quam sint inuia, per prata, per agros?
Turbatas et ab îs esse vel vrbes
Munitas? quod item nemo sit ausus
Fidentes per iter figere gressus?
Nusquam tuta fides: plena timoris
Feruent compita: Mars saeuit vbique:
Multos opposuit Caesaris actis,
Quae feliciter his terminat annis,
Iusto subiiciens ense rebelles.

Accedit: populi funere Regum
In sese rabie corripiuntur.
Hinc Galli trepidant, hincque Britanni:

Et turbis nec ab îs Sarmatis ora
 Est immunis: et hoc propter vtrumque
 Regem, sic et eum, qui modo vita
 Excessit pius et sanctus, eumque,
 Qui viuus superest, rectius vt res
 Regni dirigat, et sceptrâ gubernet.

Qualis Pannoniis sub recutita
 Pax sit gente, liquet: qualis vbique,
 Vicinisque locis, quae vagus Ister,
 Quae et per dogma recens pestifer Albis,
 Et Rhenus gelidis adluit vndis,
 Quis nescit? Latium fertur et omne
 Scriptis militibus promere signa:
 Infestus Rhodanus, saeuus Iberus,
 Immitisque Tagus fustibus altis,
 Ferratisque globis, missilibusque
 Armant mortiferis agmina multa.

Vix vmquam fuerant tempora prisca,
 Haec vt nostra, magis noxia, totque
 Turbis concita per bella, nocendi
 Per multosque modos, nunc quibus orbis
 Adflictus teritur: quod meruerunt,
 Quae committimus hic, crimina nostra.
 Pura mente Deum quis colit? aut quis

Sancto-

Sanctorum merito nomen honore
Profert? quin temere saepe profanant
Multi ludibriis, adficiuntque.

Sancti dante Deo plurima possunt:
In quo cuncta vident, luminis eius
Illustres radiis: vota suorum
Ad summum referunt semper, et augent,
Stantes ante thronum iudicis Agni:
Cui nos conciliant, et sibi iungi
Orant, ut numerum compleat omnem:
Ex quo deciderat Lucifer ille,
Qui par esse suo mente volebat
Factori tumida, trusus ad imum,
Cum multis sociis, limen Auerni.

Tales discipulos hic habet illos,
Sub panis specie nobile Christi
Qui corpus, simul et sanguinis undam
Pro nobis fluidam, non veneranter.
Hanc et vituperant, quae pia nobis
Hunc panem genuit Virgo Parenisque:
Haerentes vitiis turpiter, omni
Pleni spurcitia cordis et oris:
Detrusum Satanam sicque sequuntur
Recta flammiumum subtus ad Orcum.

Hos tu non metues, care Libelle?
Et tot proueniunt quae mala passim
Adtritas misere per regiones?
Securum gradiens teque futurum
Confidis per iter, mille latronum
Quod nunc insidiis noscīs vbiq̃ue
Obsessum? Remane, donec abire
Hinc tutus poteris. Sed nihil ista,
Vt circumspicio, te remorantur,
Quum iam sarcinulis sis oneratus.


I felix igitur! Nulla nocebunt
Intentata tibi tela dolique,
Qui fers rubra tui stigmata Christi,
Ac insigne Crucis, quod procul hostes
Horrescunt stygii, quotquot et illis
Iuncti sunt homines, impietatis
Cultores; tibi quod cedere coget,
Sint vtcumque licet tempora nostra
Tot infesta malis, obuia cuncta:
Signum nam Crucis hoc omnia vincit.

AD
IOANNEM DE CVRIIS
DANTISCVM
CARMINVM
LIBER ADOPTIVVS

NVNC PRIMVM COLLECTVS

A

IO. GOTTLOB BOEHMIO



THE UNIVERSITY OF CHICAGO
LIBRARY

CHICAGO, ILL.
MAY 19 1900

LIBRARY

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

CHICAGO, ILL.

GR

N

Per

I

Ill

I

Ad

I

Alt

A

Ta

I

Na



CASP. VRSINI VELII
GENETHLIACON IO. DANTISCI
POETAE CLARISSIMI

Insertum est *Vrsini Velii* Poematum Libris, Basileae editis, (An. 1522. 4.) item *Aegidii Perianthii* Germaniae, p. 446.

Natali, Dantisce, tuo pia sacra frequentet,
Quisquis Castalio lauit in amne caput.
Personet aurata cithara praedulcis Agileus,
Et carmen solito laetius ore canat.
Illo Pierides saltent cantante sorores,
Et sua cum Phoebi carmine mixta sonent.
Adsit adhuc pedibus furisque madentibus Euan,
Nuper ab expresso praela peruda mero.
Altera post decimam lux haec trieterida nobis,
Annua lux partus conscia grandis adest.
Tale vel hoc carmen pariturae ad limina matris
Diuino Clarius protulit ore Deus.
Nascere felici, puer o pulcerrime, fato,
Tantum non Phoebus pulchrior, et Bromio.

Et tibi formoso crescant in corpore vires;
Membra lacertosus sint bene firma toris.
Qualis erat, quum victor ouans Tirynthius horto
Aurea ab Hesperio mala dracone tulit.
Et celebrer scriptis, et factis clarus habetor:
Carmina Peligno proxima lude seni.
Prima tuos ignes recitabunt ludicra: toto
Prospera versiculis viuet in orbe tuis.
Tristia post laetos vulgabis carmina versus,
Et dices patrio praelia facta solo.
Signaque Sarmatici victricia Regis, et arma,
Vidit Pellaei quae ducis ara, canes.
Arma per infecti dissecta Borysthenis vndas:
Cumque suis armis corpora vasta virum.
Magna tibi semper fulgebit gratia Regum,
Quorum munificas experire manus.
Tum peregre populos varios visurus et vrbes
Ibis, et externis gentibus hospes eris.
Cimbrica namque leges prima formose iuuenta
Littora, permensus Baltheon ante fretum.
Acre virum genus, et validos Saxonas adibis:
Omne per Hercynium progrediare nemus.
Innumeros late populos gentesque videbis,
Quas claudunt gelidis Rhenus et Ister aquis.
Italiae posthac et opes miratus et vrbes,

Aude-

Audebis vastos per maris ire sinus,
Alcinoi veteres primum mirabere sedes;
Alta tibi hospitium deinde Zacynthus erit.
Atque Epidaurus vbi serpentis imagine cultus
Indigenis Phoebo natus in aede fuit.
Atque Rhodon Phoebo claram, et magno Ioue Cretam,
Et Cypron, Idaliae regna superba Deae.
Et Syriae populos, et inhospita vasta videbis,
Qua non aequoreo tutius exstat iter.
Quin et adorabis sacrum, quo condita passi
Lurida sarcophago membra fuere Dei.
Quaeque Palaestinas loca sunt veneranda per oras,
Bethlemiumque larem, Caluariaeque solum.
Denique Trinacriam, fumantemque ignibus Aetnam
Conspicies, Siculo praeteriture freto.
Claram et Parthenopen peragrabis, et Appula iuxta
Arua, et Campani rura beata soli.
Atque orbis dominam victi mirabere Roman,
Quidquid et in tota visitur Ausonia.
Mox iterum Regumque aulis, Regumque vacabis
Conciliis: Regum laus erit arma sequi.
Regius Augusti viues Orator in aula,
Iussus ad Euganeos saepius ire patres.
Ista quidem mediis iam tum perfeceris annis,
Pectus et ingenium testificata tuum:

Quum

Quum decorata sacrae lambent tua tempora laurus,
Caesaris inuicta munera lata manu.

Quod reliquum est vitae spatium, (nam longa beato
Pollicita est facilis stamina Parca tibi:)

Curret id omne tibi feliciter, et tenor vnus,

Vnus erit vitae cursus vbique tuae.

Et non est oneri tibi sera futura senectus;

Sed viridis, sed quae rara venire solet.

Ipsa tuas augebit opes, augebit honores

Rex tuus, ingrata ni volet esse manu.

Sic cecinit Phoebus: Phoebo cessante, sorores

Lanificae niuci staminis orsa trahunt.

Soluebat magnum Lucina facillima partum;

Et positum est vtero dulce parentis onus.

Natus es in lucem, lux o generosa tuorum:

Felicem o Genium terque quaterque tuum!

Natus es auspiciis Dīs, et Iunone secunda:

Fila quater vitae terque beata tuae!

Sed iam conuiuae plausum date! pocula sumat

Quisque simul mecum, et talia voce sonet:

Viuat io! Dantiscus, io! laetum exigit aeuum,

Viuat io! patriae, viuat io! ille suis!

Est bene; non votis optamus inanibus ista:

Risit, et optatis adnuit ipse Deus.

EIVSDEM AD EVMDEM

EPISTOLA

Adiecta est Illustr. Virorum Epitaphiis et Epigrammat-
tis, in funere Mercurini a Gattinaria, quae, auspicio
Dantisci edita, supra laudaui, p. 144.

Dum tu Menapiis digressum, Maxime, fortes
Augustum in Belgas Dantisce secutus abires,
Legatus Regis prudens sapientis et aequi,
Nos vna Augusti cum Principe fratre recepit
Inclita Romanis olim Agrippina Colonis,
Et nunc diuitiis ac moenibus aucta, virisque.

Inde per aduersum vario molimine Rhenum,
Vsque Maguntiacas lenti raptamur ad arces,
Ac Drusi antiquam celso super aggere molem,
Cum Vuenceslao, nosti quem pectore magnum,
Loxanoque meo, nosti quem corpore pulcrum,
Sed nec mente minus validum; vt neque turpior
ille est.

Hic quam paene nigri vidissem limina Ditis,
Cocytique atras pro Rheni fluctibus vndas
Tranassem! gelidos haurit dum fracta liquores
Impulsa ad scopulum sub flumine naus acutum.

Hic

Hic mihi quae fuerant dicenda ad Caesaris aures,
 Pontificesque sacros, Regesque Ducesque togatos,
 Nuper amicorum sunt edita parua coactu:
 Quois equidem adiunxi, quae scripsi feruidus olim
 Hadelium contra, qui carmine polluit atro,
 Sed falso, et gentis praeclarum nomen et vrbis.
 Debuit hoc pridem iam nostra Thalia Polonis;
 Debuit altrici mens grata fideliter vrbi.

Posthaec Vangionas peragrauimus vsque reuerſi
 Oppidulum, leni qua per sola pingua tractu
 Danubio modicus miscetur flumine Vuerda;
 Vnde per immensum festinis labimur annem
 Lintribus, Austriacis et tandem exponimur oris,
 Tectaue iam Lincî dudum exoptata subimus.
 Hic ego non multos degens cum Principe soles,
 Illius imperio mox moenia pulcra reuerſi
 Quamuis adſiſſet belli modo clade Viennae.
 Quartus ibi Historiae liber additus; et miserandum
 Pannonii interitum Regis, Regnique ruinam,
 Mandavi scriptis, et nostro carmine dignas
 Austria iam fundit bello conuulsa querelas,
 Auxiliumque tuum Germania magna fidemque
 Implorat: si quid reliquum mihi temporis eſſet
 Scriptori belli totum id cedebat Achiui,

Et

Et libris, Caesar quibus ipse sua inclyta facta
Extulit, et docuit civilis damna tumultus,
Tradentique tuos, demens Catilina, furores,
Nec non perfidiam Numidae et scelera impia Regis.

Cetera tam longae curta cum nocte diei
Tempora, dilecta cum coniuge, suauiter egi,
Quae me feminea fecit modo prole parentem:
Cuius ab amplexu nuper discedere iussus,
Rursus sollicitae tero limina sedulus aulae.
O qui tum fletus, lamentaque quanta fuerunt!
Durius in terris nil coniuge vivit amante,
Alter vbi alterius caret adfuetudine dulci.

Mi desiderium dilectae coniugis, atque
Susceptae nuper sobolis, praesentia lenit
Regis, et effulgens diuino gratia vultu;
Quicum me referam Romani ad Caesaris aulam,
Mox vbi consilio Spiram properabit habendo.
Illic, quod votis exopto frequentibus, omnes
Incolumes tecum cupide complectar amicos:
Valdesum ante alios iamdudum gestio, cuius
Manat ab ore decens, ac non sine pondere, sermo,
Doctus et ille quidem paucis bene multa profari.
Et iam nunc aueo Corneli grandia linguae

Verba,

Verba, sibi doctas audire ac discere voces,
Siue hic iudicio pulcro cuiuslibet aeni
Explicat historias, seu cantat amabile carmen,
Aut Academiae sublimis acumina promit.
Audiam et exactum recitare poema rotundo
Ore pium vatem, quem antiqua Panhormus alu-
minum

Edidit, et pulcro Gentilem nomine dixit,
Qui res Augusti bene gestas ordine scribit.

Sed tua praecipue, tua sunt mihi carmina cordi,
Leniter et puri labentia fluminis instar.
Dì tibi diuitias, formamque decusque dederunt,
Ingeniumque ingens, ac mentis acumen honestae.
Viue, vale, atque boni facias leue carmen et aequi.

HELII EOBANI HESSI

AD

IOANNEM DANTISCVM

SECRETARIVM REGIVM

EPISTOLA

Haec et item altera, quae hanc excipit, primum edita est in *Eobani Hessi Siluis*, (Hagenoae 1535. 12.) Lib. I. qui ipsi *Dantisco*, Episcopo tum Culmensi, et Administratori Pomesaniensi, est inscriptus; et in *Hessi Opp. Farrag.* (Francof. 1564. 8.) p. 365. sq. item in *Periandri Germania*, p. 437 sqq.

Quae properata tuas mihi protulit hora Camenas,
Haec eadem, vt cernis, reddidit ista tibi.

Nam mihi vix spatium, quo respondere pararem,
Et calamo digitos adplicuisse, fuit.

Sed fuerit properata licet tua Musa, putares
Conatam melius non potuisse coli.

Nulla Venus Phrygia formosior esset in Ida;

Nulla vel in patrio flumine lota Dryas.

Excelsa virides lauros in fronte gerebat:

Vincebant Paphias lumina bina faces.

Fratrabant niueo teretes in pectore mammae:

O! etiam magnis Nympha petenda Deis.

Quo tamen implicitos odiosa Metaphora nodos?

Quid iacis incertos stridula Musa sonos?

Tam mihi visa decens, tam viuida, tamque diferta,

In subito excussis est tua Musa modis.

Talia qui scribit subito dictata furore,

Qualia legitimo tempore scripta dabit?

Cedo libens, istoque tibi certamine palman

Offero, laus Musae quantulacumque meae est.

Nos canimus magno victricia iubila Christo,

Vt cogunt vites humida praela nouas.

Quod tamen haec scribis subito fluxisse calore,

Plus quoque, quam credi quod potuisset, erat.

Libera Musa animos a carmine sumit, et audet

Contrahere in paruas tempora longa moras.

Sed tamen ista tuae fuerit sua gloria Musae;

Plus merito certe carmina nostra probas.

Sum tuus, aeternoque tibi deuinctus amore;

Pro quo perpetuo tu quoque noster eris.

Quod petis, vt veniam conuiua rogatus, habeto,

Quod pro me reddit littera nostra tibi.

Si potero rebus non impredientibus istis,

Me quibus implicitum cura molesta premit :

Prin-

Principe si demum vacuo spirare licebit,

Ad coenam venio, dulcis amice, tuam. <—>

Sed venio, quid enim tibi non concesserit Hestus?

Parca modo coenae pars volet esse meae.

Non Venerem, non vina peto: satis ipse superque

Sufficis: in partes has nihil adde, precor.

Si tamen adfuerint Venus, et cornutus Iacchus:

Accedet nostro gratia tota choro.

Hoc tamen accipies dictum ratione pudica:

Nequitia a versu debet abesse meo.

Viue, vale, et placida properatam fronte Thali-
liam

Accipe; sic tecum, quem petis, hospes erit.

EIVSDEM AD EVMDEM

Legimus hesternæ ductas tibi luce Camenas,
 Pauca, sed æternum carmina digna legi.
 Nostra tamen sero tibi quod responsa leguntur,
 Est eadem nobis, quæ tibi causâ fuit.
 Scribis, ut hesterno nimium madefactus Iaccho
 Cyclopas capiti credis inesse tuo.
 Credibile est; nec enim nouitas hæc rara poetis,
 Quos fouet in molli gratia blanda sinu.
 Sicut enim genio reliquis meliore beati;
 Sic etiam vita liberiore sumus.
 Præcipue, si quando choro conuenimus vno,
 Luxuriat blandis gratia picta iocis.
 Tunc nullos critica trutinamus fronte Platonas;
 Tunc procul inuisus cogitur ire Timon.
 Sed Veneri et Musis facile indulgemus, et illi,
 Qui capiti fecit pondera tanta tuo.
 Tunc Venus, Idaeis circumdata floribus, vltro
 Adspirat pictis nuda Cupidinibus.
 Tunc quoque se nobis talem manifesta fatetur,
 Qualis ad Anchisen dicitur isse suum.
 Laetior hic solito pulcer bona cornua Bacchus
 Sauciat infuso pectora nostra mero.

Saucia

Saucia concipiunt genialem pectora flammam:

Urget in adfuetos ebria Musa sales.

Natura hic surgunt subiti dictante lepores

Innumeri risus, innumerique ioci.

Quocirca nihil est, quod vel mirere grauari,

Vel metuas Hesso non placuisse tuo.

Vina animos ut mane grauant, ita vespere tollunt;

Lactitiamque omnem, frigide somne, fugas.

Omnia quae fueras Hesso praesente loquutus,

Ne dubita, in partem suscipit ille bonam.

Atque utinam quidam non deteriora loquantur,

Qui mihi, nescio quo, iure nocere student.

Quos, ubi me nequeunt iusto comprehendere morsu,

Non tamen iniusta pendere lance pudet.

Tu vero, celebres inter numerande poetas,

Scripta probas Hessi qualiacumque tui.

Et quoniam nostras laudas, Dantisce, Camenas,

Te propriis dignum laudibus esse doces.

Ergo te merito nostrorum inscripsimus albo,

Vltimus a primis ne videre. Vale!

EIVSDEM AD EVMDEM

IN FVNERE

MERCVRINI GATTINARIAE

EPICEDION

Inter Epitaphia et Epigrammata Illustrium Virorum, in
funere Mercurini Card. Gattinariae, exstat primo
loco. Deinde insertum est *Eobani Hessi* Opp. Far-
ragini, p. 311 sq.

Cui sua diuitias virtus et honesta laborum,
Opes honestas contulit patientia:
Scribere me, Dantisce, iubes Epicedia, magni
Quae Mercurini funus ornent laudibus.
Fas mihi mandatis animo parere volenti,
Tua cuncta iussa quem decet capeffere.
De me sic meritis quum sis, et sic tua virtus
Et postulet haud vulgaris eruditio.
Accipe sed lacrimis alieno carmina plectro
Ratione scripta Mercurini nominis.
Quod quia spreuerunt Elegi tractasse rebelles,
Successit his Iambus aequus arbiter.
Quondam criminibus, nunc aptus et ille querelis,
Et ante saepe lectus in funebribus.
Tempore quo tetricae ruperunt fila sorores
Tibi, Mercurine, Gattinariae Domus

Eximi-

Eximium decus, ad tumultum venire frequentes

 Dinae, daturae iusta funeri tuo.

Prima bonis Virtus comitata sororibus ibat,

 Probitate, lege, pace, iustitia, fide.

Ibat et ipsa suis Sapientia cincta ministris,

 Modestia, pietate, fortitudine.

Ex his triste duae feretrum subiere priores;

 Capulum sequentes, ingemuere ceterae.

Praecipue Pax atque Fides, quas ille solebat

 In tempus omne amare constantissime.

Iustitia indecores flebat laniata capillos,

 Audita siue hoc, siue tale quid loqui:

Quae modo ab exilio, duce te, reuocata videbar,

 Te, Mercurine, abeunte rursus auocor.

Conscidit alma Fides lacerae subtegmina pallae,

 Et eiulabat, vt solent miserrimae.

Ingemuit Probitas, solam se quæsta relinqui,

 Quod occidisset ipsius verus pater.

Quis numerare queat, quot in illo funere Dinae

 Bonis amicae lacrimas effuderint?

Quas neque crediderim tantum doluisse, cicutae

 Quando extulere consopitum Socratem:

Nec plures lacrimas magno fudisse Platoni,

 Quum sternerent funebre diuersorium.

Nec sic Democritum sternerunt non Pythagoraei,

Ad haud parum lacrimosa busta funeris.
Nec tantum ille chorus virtutum heroinarum
 Funebre soluit Mercurino debitum.
Verum etiam super Aonides venere puellae,
 Nec defuere conthorales Gratiae:
Quae procul e tumulo spectantes tristitia magni,
 Sed gloriosa Mercurini funera.
Constiterant moestae gemitusque dedere Camenae,
 Collacrimantes adstiterunt Gratiae:
Quum sic prae reliquis de ter tribus vna loquuta est,
 Fuisse credas Vranien amabilem:
Heu dolor! hoc etiam Parcis licuisse superbis,
 Quis aequiore pectoris sensu ferat?
Ecce, iacet nostri quondam defensor honoris:
 Nos ille semper excolebat vnice.
Quanto nostra salus orbata est praeside? Quanto
 Orbata patre, vera virtus exulat?
Quale, Auguste, tuo decessit lumen honori,
 Letale vulnus hoc ne sentis, Carole?
Nemo tuae melior, te Principe, praefuit aulae;
 Meliusque rebus nemo consuluit tuis.
Pacis et armorum fuit arbiter aequus, et idem
 Auctoritate summus, inuictus manu.
Magnarum contemtor opum, pietatis imago,
 Rarissima altae fama temperantiae.

Inui-

Inuidere tuis talem fata impia rebus,
Auguste Caesar o beate, praesidem.
Ne tibi, quo posses veterum virtute priorem
Te gloriari, dira fors relinqueret.
Nam fuit ille tibi, quod Maecenas fuit olim
Tuo bonus ter maximo cognomini.
Quod fuit Aeacidae Phoenix, quod Nestor Atridae,
Quod Mentor inclito senex Vlyſſeo.
Quod fuit Aeneae magno generosus Achates,
Quod glorioso Epheſtion Philippidae.
Nunc tamen ille breuem tantus tenuatur in urnam,
Et vix inane nomen exſtat illius.
Vos mihi nunc moeſtae date lilia pulcra ſorores,
Cumulemus vt ſepulcra floribus nouis.
His ſaltem illuſtrem detoremus honoribus umbram;
Fungamur hoc, quamuis inani, munere.
Talibus Vranie dictis adfata ſorores,
Confuſa triſtes eiulatus edidit.
Nec Charites tacuere, ſed e tribus vna loquuta eſt:
Thalian hanc fuiſſe floridam ferunt.
Nos larga dedimus caeleſtia munera dextra
Tibi, Mercurine, quois placebas omnibus.
Luminibus blandam tibi nos adflauimus auram:
Nos vultui tuo perennem gratiam;
Nos decus indidimus maiestatemque verendam,

Tuoque robur haud iniquum corpori.
Nostrum munus erat, quae te facundia Diuis
Aequauit ipsis, praetulit mortalibus.
Quid tamen haec prodest tibi nos tribuisse Deorum
Benignitate copiosa munera?
Inuida postquam isthaec mors abstulit omnia, quando
Fuerant tibi datura fructum maximum.
Iam patrium linquens Hispani flumen Iberi,
Germaniam petis sequutus Caesarem:
Quum subito extinctum populi videre, colentes
Montana regna ad Oenipontum nobile.
Scilicet inuidit fatum, ne magna videres
Rheni superbi Danubîque flumina.
Sed nihil immiti profunt in morte querelae:
Nullis superba precibus vîquam flectitur.
Nos tibi nunc tumulum facimus, tumulumque co-
ronis
Ornamus hisce perpetuo virentibus:
Vt, dum vere nouo repetitus floreat orbis,
Tua gloriosa laude fama floreat.

EIVSDEM AD EVMDDEM

Haec, quam in *Hessi* Opp. Farragine frustra quaesieris, Epistola primum adiecta est laudatis Illustrum Virorum Epitaphiis et Epigrammatis, a meque inde descripta.

Quam Dantiscæ legis, tibi Noride venit ab vrbe
Littera, tam longæ fessâ labore viae.
Nam, nisi me fallit ratio dimensa locorum,
Paene decem decies millibus egit iter.
Musa quidem grauibus iam dudum adsueta periclis,
Hoc quoque non dubia mente subiuit onus.
Noctibus hibernis et solibus vîta diurnis,
Est tamen ex ipso nota colore tibi.
Haec patrii tecum peragrauit regna Borussi,
In mare qua grauibus Vistula fertur aquis.
Haec tecum fortes visa est coluisse Polonos,
Pulcra vbi Sarmaticas Croca gubernat opes.
Regales celebrans thalamos, pompamque iugalem
Ausâ est Semideis, te quoque teste, loqui.
Hanc igitur tibi, ceu reducem tot euntibus annis,
Auribus obstreperam fer, precor, esse tuis.
Quum tua Caesaribus virtus sit nota duobus
Reddita, seu belli tempore, siue togæ.
Quum Regi placeas, quo nec præstantior armis,
Nec regnis alius latior esse potest.

Si meritis fortuna tuis respondeat, illi

Nil debes, certe debuit illa tibi.

Quamquam non adeo donis te ingentibus auxit,

Vt meritis non sint illa minora tuis.

Sed neque forte tuas dotes metimur ab illa:

Est aliquid, quod te laudis ad astra vehat.

Diuitis ingenii floret tibi gratia, qualem

Vix dederit paucis de tribus vna foror:

Copia multiplicis ratioque facillima linguae,

Consilium, pietas, Principe digna fides:

Munera amabilium plus quam ciuilia morum,

Suauiloquo veniens comis ab ore lepor.

Hæc, Dantiscæ, tuas ornant insignia laudes

Plus, quam quæ populi te venerantis habes.

Rex tibi Culmanas aquilas dedit inclitus; idem

Ornauit patriæ te ditioe tuæ.

Tam bonus vt fieres, tam carus vt omnibus esses,

Hoc dare non potuit Regia dextra tibi.

Hoc tibi tu dederas vsque huc ab inertibus annis:

Hoc tibi culta diu Musica vita dedit.

Natus, et Aonidum puer enutritus in vlnis,

Nunc vir ad Aonidas Regia sceptrâ trahis.

Nec tamen inde tuam ventosa superbia mentem

Inflat, et immodico pectus honore leuat.

Aequum fortuna sexuas in vtraque tenorem;

Hic

Hic fumina dignum te modus esse docet.
Non tamen his blandita tibi te laudibus ornat,
Quae nunc parte bona Musa futura tua est.
Quod quia sic fieri poterat tibi forte videri,
Scribere de multis pauca coacta fuit.
Nam si cuncta tuae percurrat nomina famae,
Forte aliqua poteras suspicione trahi.
Vel quia transmisso pro munere verba remittam;
Vel quia non norit te mea Musa fatis.
Sicut enim nec eges, nec es huius laudis auarus:
Sic animi cautum me decet esse tui.
Vera quidem virtus, nisi te, non testibus vllis.
Indiget, et laudes non amat immodicas.
Viue, decus gentisque tuae, Regisque Poloni:
Viue, animo tali non habiture parem.
Te mea, Sarmaticam seu forte redibis ad Arcton,
Siue manes, merito carmine Musa canet.
Viue, nec obliture tui, Dantisce, poetae,
Quem tu sicut amas, sic tueare, precor.
Sic tibi contingat patrias feliciter vrbes,
Notaque Sarmatidum regna videre breui!

EIVSDEM AD EVMDEM

De hoc carmine haud ambigam intelligendum esse id, quod *Ioannes Campensis* ad *Dantiscum*, Ratifbonae tum commorantem, scripsit ex Noriberga, d. 4. Maii, An. 1532. "Eobanus mittit ad te carmen, quod mihi legit nondum: sed certissimis et poeticis argumentis colligo, futurum, ut optimum tibi videatur. Adsidebam enim, quum illud primum meditaretur, et scribere inciperet; vidique manifesta Apollinis fauentis signa. Coepit enim homo pluteum caedere, caput scalpere, ungues mordere, obiurgare uxorem suam inprimis, deinde ordine liberos omnes, et nisi ego Numinis praesentiam sentiens, in tempore furori cedens subduxissem me, credo, ne ab eo quidem, qui tua causa illi carissimus est, abstinuisset. Meus ergo Eobanus tum non insaniebat, aut versus faciebat; sed utrumque." Ea epistola, et carmen *Hessi* ipsum, inserta sunt *Illustrium Virorum ad Ioannem Dantiscum*, Episc. Varm. Epistolis Selectis: quas audio esse ab *Erico Benzelio* editas Vpsaliae, An. 1717. quaternis. Mihi quidem earum exemplum, idque duplex, non nisi manu exaratum videre contigit. Sed certe carmen hoc dudum ante editum est Siluarum Lib. IX. inter Opera, p. 604. sq.

Quam mihi misisti plenam, Dantisce, fauoris,
Reddita Campensi littera teste fuit.

Tempus erat, Tartefiacas iam Phoebus ad vndas
Stabat, anhelanti praecipitandus equo.

Parca

Parca sedebamus non magnae ad fercula coenae,
Quum tua sint manibus tradita scripta meis.
Protinus adpositae contempsimus omnia mensae;
Legimus et manibus verba notata tuis.
Nec legisse semel fuerat satis; inter edendum
Lecta quater nobis littera tota fuit.
Inde animis laeti, et tamquam votiua ferentes
Sumimus audaci pocula plena manu.
Proque tua sacrum Baccho, Dantisce, salute
Fecimus, et Charitum Pieridumque choro,
Scilicet incolumem non te laetemur amici
Venisse ad rapidi littora Danubii?
Et quia te scribis Regis pietate Poloni
Visurum patriae regna beata tuae;
Hanc quoque gratamur sortem tibi: sed tamen illic
Nonnihil aduersi, quod quereremur, erat.
Sicut enim gratum est patrios te inuisere fines:
A nobis sic te tam procul ire dolet.
Ibis ad aequoreos sine me, Dantisce, Borussos;
Heu oculis iterum quando vidende meis?
Ibis ad Arctoas Germani littoris oras,
Qua tibi sunt patriae subdita regna tuae.
Illic ut fueris propria iam sede receptus,
Dic, age, qui poteris non meminisse mei?
An poteris carl fieri, precor, iuimmor Helli,

Qui

Qui te tam vere, nec simulanter amat?
Non puto: nam nec te duri genuere parentes,
Nec stupidum tardo frigore pectus habes.
Quin potius, quum sis mira pietate fideque
Praeditus, et summo dignus honore coli:
Quum tua fortunae virtus respondeat isti,
Quae tibi diuitias ingeniumque dedit:
Quum tibi subiecto populo potieris, et arces
Altaque tranquilla moenia pace reges:
Saepe meo, dices, quaenam fortuna poetae
Lubrica deducat tempora, scire velim.
Saepe meum dices seu nunc pia fata poetam,
Numina seu videant impia, scire velim.
Atque ea quum volues animo, graphiaria posces,
Et scribes animi nuncia verba tui.
Namque nec Aethiopa's vltra transibis et Indos,
Et nec Hyperboreo regna perusta gelu.
Communis mecum sub eodem sidere caeli,
Millia sed tantum pauca remotus eris.
Vnde aliquam possis transmittere saepe salutem;
Vnde queas Hesso scribere saepe tuo.
Quo queat et mitti nostrae tibi littera dextrae,
Littera non aliqua lassâ futura via.
Nam quae nunc reliquos aderit mihi Musa per annos,
Quanta futura mihi est, tanta futura tibi est.

Hoc

Hoc tibi, Maeonio dici dignissime versu,
 Voce Sybillina certius esse puta.
 Accipe nunc tibi deuotum, Dantisce, poetam;
 Exhibitas vates accipe vatis opes.
 Quas quia non alias habeo, quas mittere possum,
 Munera non animo despiciente feres.
 Hoc tuus ille animi candor promittit, et ille,
 Qui mihi de tali pectore spirat, amor.
 Viue diu victure meis, Dantisce, Camenis!
 Viue! breui versus subsequar ipse meos.

EIVSDEM AD EVMDEM

Haec, et quae sequitur, Epistolae descriptae sunt ex
Eobani Hessi Siluarum Lib. VIII. inter Opera, p.
596 sq. Conf. Perlandri Germania, p. 439.

Venimus emensi tot millia, quot Iouis vxor
 Hippotadae Nymphas dixerat esse sibi:
 Quot geminata forent septemplex ostia Nili;
 Quot Niobae natos interiisse ferunt;
 Quot patrio vidit de flumine surgere tauros,
 Per quem pressa fame terra redempta fuit:
 Quot Musae Charitesque, et iunctus Apollo Dianae;
 Quot geminata forent sidera Pleiadum;

Denique syllabicos quot habent tua nomina tractus:

Tu modo de multis quattuor esse voles.

Musarum decus eximium, Dantisce, nec ulli

Pontificis veri nomine posterior.

Venimus, emensi tot millia; venimus autem

Corpora non vna conditione duo.

Venimus, ut plures maneat Campensis in annos;

Venimus ut paucos hic morer ipse dies.

Namque ut conditio Campensi est libera: sic me

Carcere perpetuo vita ligata tenet.

Vtque illi licitum est, quoquo libet ire, vagari:

Sic mihi nequaquam quolibet ire licet.

Nam mihi si liceat, quo nunc libet, ire, quid vſ-
quam est,

Quo tua non libeat dulcia iussa sequi?

Vltra Sauromatas, vltra Tanaeia regna

Te sequar, et Scythico rura perusta gelu.

Te per Hyperboreo torpentes frigore campos,

Te sequar Arctoi sub duo monstra poli.

Non me tristis hiems, non me remorabitur aestus,

Quamlibet immodico Sirius igne micet.

Heu mala fatorum series! heu tristitia vitae

Sidera, et hic votis inuida nata meis!

Si tamen his vlla possim ratione mederi,

Non dubitem, quo me fors vocet vlla, sequi.

Cultos

Cultos ante mihi repetam, tua regna, Borussos,
Et loca, quae propior Parrhasis Vrba videt,
Nunc quia non licitum est, quod quondam forte
licebit,

Fortunae medicus spes bona noster erit.
Et tibi sancta fides pro me spondebit, et ille,
Quem socium certe pectoris huius habes.
Quem quia conueniens ratio mihi fecit amicum,
Isthoc inuideo nomine paene tibi.

Sarmaticas igitur sine me venietis ad oras;
Quo mihi non vtinam fata venire negent!

Non tamen idcirco sine me viuetis, amici:

Vobiscumque aliqua parte ego semper ero.
Nunc age, Pontificum decus Aonidumque sororum,
Nunc age, me domui, quaeso, remitte meae.

Interea nostri non obliuiscere amoris,

Quo mihi non falso iunctus es, ipse tibi.
Vtque tibi hoc gratum me nomine sentiat orbis,
Ipse fatis de me pignora grata dabo.

EIVSDEM AD EVMDEM

Dicebas, Dantisce, suo quum Cynthia cornu
Plena refulgebit, tempus abire tibi est.
Plena refulserunt fugientis cornua Lunae,
Nec tamen est abitus causa peracta mei.
Cur ita? perpetuo quia tecum vivere vellem,
Quo sine perpetua est vivere poena mihi.
Nunc quia me reuocant curae, quibus obligor, et
sunt

Tempora fortunae non satis apta meae:
Te precor, o nostrae decus immortale Camenae,
Hic abitus tandem sit tibi cura mei.
Non me cura domus, non coniugis vlla fatigat;
Sed mihi commissae publica causa scholae.
Adde, quod huc veni minima quoque parte paratus,
Vt qui crediderim posse redire breui.
Nunc tua me pietas, nunc me tua libera virtus,
Nunc tua me vere gratia vera tenet.
Ergo boni facias animum maiora volentem:
Et vix officium hoc temporis huius erat.
Viue igitur, Dantisce, tui non immemor Hestii,
Cuius in hoc fidei carmine pignus habes.

IOANNIS SECVNDI
AD
IOANNEM DANTISCVM
EPISCOPVM ET POETAM
ELEGIA

Primum praemissa est Illustrium Virorum Epitaphiis,
in funere Mercurini a Gattinaria: deinde inserta
Ioannis Secundi Eleg. Libro III. inter Opera, Lug-
duni Bat. edita, (An. 1619.) p. 56.

Regis honos venerande pii, cui dulce sonantum
Barbitos argutis tinnit in auriculis,
Cuius temporibus et laurus et infula certant,
Haec premat vt sacras, et premat illa comas.
Sit tibi vita diu, nec te, Dantisce, malignis
Inuoluat tenebris illa nec illa dies.
Inuiolata tuos extendat fama labores,
Atque alia atque alia in secula serpat anus:
Fragmina qui pius et cineres legis extinctorum,
Corpora de tumulis et rediitua vocas.
Per te Mercurium Scaldis post fata canentem
Audiet, adtonitas et reuocabit aquas.
Per te Mercurium noscet, notumque loquetur,
Quaeque riget cano pallida turba gelus;

Quæque trahit nigrum vicino sole colorem;
 Quæque poli tepida sub regione iacet.
 Viue diu, Praesul venerande, et viue fuaue:
 Inque leuem flatum quum tenuatus eris,
 Ipse tibi Phoenix iteratae tempora vitae
 Producat, magnanima mente, canore pio.

EIVSDEM

AD

IOANNEM DANTISCVM

PRAES. CVLMENS. EVMDEMQVE

POETAM EPISTOLA

*Ex Ioannis Secundi Epist. Lib. I. p. 169. Exstat etiam
 apud Periantrum loc. comm. p. 444.*

Laus vatum, laus magna virum, quos insula vestit,
 Ore melos Getico qui Latiale sonas.
 In quem curarum bona pars secunda recumbit
 Regis, Sarmatidum cui famulatur humus.
 Hospite quo Scaldis sese miratur, et Istri
 Gurgitibus tumidis iam putat ire parem;
 Hocne meas artes etiam, Dantisce, manebat,
 Ut traducendae te quoque teste forent?

Heu

Heu mihi! quid speras a caelatore poeta,
Et cui vix primo tempora vere tepent?
Istam aciem pascit, si quid restabit ab aevo,
Phidiacae quondam quo viguere manus:
Quum Venus ipsa suae decus admirata figurae,
Dixit, Praxiteli visa vbi nuda fui?
Quum poterant duri lapides mollescere ferro,
Vnaque certantes picta vocabat aues.
Suspendensque animos sperata voce tenebat
Daedalus, in tabula versicolore, liquor.
Ausus ego tentare novas temerarius artes,
Vix infausa rego caela negante manu.
Felix, plebeios si tantum sculpere vultus
Dextera, et ulterius non foret ausa vehi:
Obscuris cum nominibus neglecta iaceret,
Non hominum variis subdita iudiciis.
Cum domini pallore sui male nobilis esset:
Sed quid ego haec autem? fera querela mea est.
E manibus nostris dudum vaga currit imago,
Quae pia Caesaris numinis ora tenet.
Nec satis est illud; cupit hanc Dantiscus habere,
Ille, cui quidquam sit renuisse nefas.
Accipe, magne pater, tua iussa capeßere fas est:
Tecum age, si laedet lumina forma rudis.

Mittimus in multas transfusum Caesara formas;

Sic te velle, mihi dixerat ille tuus

Ledaëus vates, iuuenis dignissimus, in quem

Pars tibi diffusi multa fauoris eat:

Qui sic ore modos et acuta temperat aure,

Vt cygnum melius non potuisse rear:

Illum, Ledaëis olim qui fusus in vltis,

Velauit nixeo corpore furta Iouis,

Mittimus et quaedam, quae te fortasse iuuabunt,

Inter quae dominae sit quoque forma meae:

Dilectae dominae, Venerem cui cedere Maiores

Noluit, hinc caeli non bene rexit iter.

Hic quoque flammivolis oculis formosa latebit,

Vatis amatoris Iulia sculpta manu;

Iulia, quae nostris viuat celebrata Camenis,

Donec amor gemitus nesciet, et lacrimas,

GEORGII SABINI
AD
IOANNEM DANTISCVM
EPISCOPVM VARMIENSEM
HENDECASYLLABI

Descripti sunt ex *Sabini* Poematibus, p. 307. *Dantisci*
responsum inde depromimus supra, p. 149.

Cultor Pieriae Sabinus artis,
Antistes venerande, te salutat
Hinc, qua iunipero virente cinctus,
Curuo Bregela labitur fluento.
Vluosam residens ad huius undam
Musarum quid agat chorus, requiris?
Flagranti studio vacat canendi
Noctes atque dies, ut his in oris
Doctræ Palladis excitentur artes,
Orpheumque docet mouere plectrum
Arctoi maris accolas Borussos.

Quin et sæpe tuas ad astra laudes
Pleno Musicus ore coctus effert:
Te sermonis et vtriusque linguae
Expertum canit, inclitumque vatem,

Haec vt nota tibi forent, et omnes
Rescirent gelido sub axe gentes:
A nostro tibi Melchiore nuper,
Hac in vrbe, dicatus est libellus,
Quem, ceu primitias noui Lycei
Oro suscipias: deinde plura
Nostrae Pierides tibi dicabunt,
Quae, curis nisi tot grauatus esses,
Missis hinc quoque saepius tabellis
Scribendi studium tibi probarent.

Quod restat, tibi se tuus Sabinus
Commendat, cupidis petitque votis,
Vt feliciter exigas tot annos,
Quot ver purpureos vbique flores
Nunc in mollibus educat viretis.

EIVSDEM AD EVMDEM

Ex *Sabini Poematibus*, p. 310. Responsum *Dantis* a
nobis repetitum est supra, p. 152.

Vos, quae Parrhasio sub axe Musae
Hic pro Castalii liquore fontis
Piscoli vada Bregelae tenetis,
Comtos cingite frondibus capillos,
Ne sol, aethereo propinqua Cancro
Qui iam signa tenet flagrante curru,
Vobis ora graui perurat aestu.
Nam Phoebi rapido sub igne vobis
Est longo procul vrbs petenda cursu,
Quae ripas iacet ad fluentis Allae,
Allae, cuius agunt choros ad amnem
Ludentes per amoena rura Nymphae,
Cum pictis et Oreades Napaeis.

Vrbem, colle sub herbido iacentem,
Festae quando subibitis Camenae,
Illic limina Praesulisque celsam
Mox conscendite Varmiensis arcem:
Quo nemo melius potest diserta

Lingua

Lingua sceptrigeros mouere Reges;

Quo nec Pierios ad Arcton alter

Cantat voce sonantior versus.

Vos Antistes in atrium receptas

Quum deducet, et adloquetur; illi

Blandis talia nunciate verbis:

Dum formosus adest, et arua pingit

Maius purpureo colore florum,

Dum silvaeque comis virent, et aer

Laetis alituum sonat querelis:

Ad te constituit Sabinus vna

Cum consorte sui venire lecti,

Vt curis animum semel relaxet,

Conspectuque tuo fruatur hospes.

Quare festus vbi dies agetur,

Quo mentes hominum regens piorum

Caeli Spiritus est ab arce missus,

Si quos expetis hospites, habebis.

Curru forte vias agens eodem

Isinderus erit comes Sabini,

Praestans Socraticae magister artis;

Quem natalibus educauit oris

Horrens pinifero iugo Silesus,

Haec quum verba meo relata iussu,
Ad vestrum celeres redite vatem.
Tum si conueniens mihiq[ue] gratum
Responsum referetis, o Camenae,
Ingressurus iter parabo currum.

Quod si Volscæ mihi Camilla vatî
Effet foedere nupta coniugali,
Quæ non femineæ colo, sed apta
Frenis cornipedum fuit regendis:
Vectus cum socia tori venirem
Nostri tergore Pegasi volantis,
Toruæ victor æereus Medusæ:
Nunc ceu Gordius ille rusticanus,
Qui plauastro Phrygiæ obibat vrbes,
Illuc axe viam rotaque carpat.

EIVSDEM AD EVMDDEM

Ex *Sabini Poematibus* p. 316. sq.

Quum me propter Hyantias puellas,
 Sacratum quibus hic recludo fontem,
 Magno, Praeful, amore prosequaris:
 Me vir sollicito dolore pressus
 Orauit, lacrimis per ora fufis,
 Ut blandis mea te Camena verbis
 Placaret sibi, leniens et acrem
 Dulci carmine mitigaret iram.
 Nam quum forte reus citatus effet,
 Causa, nescio qua, tuum tribunal
 Declinavit: ob id subire poenam
 Est iussus, quasi contumax fuisset.

At quamuis mea Musa non libenter
 Moeftorum querimonias reorum
 Tractet, caussidici perosa munus:
 Ipsi lacrimae tamen precantis
 Huc me commiseratione ducunt,
 Ut nulla ratione carmen illi,
 A me quod petit, atque profuturum
 Confidit sibi, denegare possim:
 Praefertim tua quum mihi benigna
 Mens sit cognita plurimis ab annis.

Si quid carminibus moueris ergo,
Amphion quibus et canorus Orpheus
Mouerunt lapides, ferasque tigres:
Te dilecta tuae per ossa matris,
Et cari cineres parentis, oro:
Te per laurigeras nouem Sorores,
Per si quid tibi dulce, vel suaue est,
His obtestor et obsecro Camenis:
Concedas veniam reo petenti,
Laxataque graui seueritate
Hanc illi modo noxiam remittas.

Te flectat pietas, et illa virtus,
Quae magnos precibus viros moueri
Exemplo iubet ipsius Tonantis:
Te demum miseranda flectat vxor,
Quae de paupere deprecans marito
Hinc suspiria dat, tibi que supplex
Tendit brachia paruulosque natos:
His placabilis aequiorque fias.

Sic longaenus agas, nec vlla prorsus
Durae incommoda sentias senectae:
Sic vitam tua fata quum reposcent,
Humani generis tibi redemptor
Praestet, molliter vt cubes, quietem.

EIVSDEM AD EVMDEM

Ex Sabini Poematibus p. 329. sq.

Vt fato miserabili peremtam
 Lugens Eurydicen gemebat Orpheus;
 Sic Annam sociam mei cubilis
 Deplorans gemo, quam salutis autor
 Ad vitae Deus exitum vocauit.
 Nam factum mihi vulnus ac dolorem
 Eius fecit acerba mors, et huius
 Vitae delicias ademit omnes.

Me non adficiunt, vt ante, dulces
 Musarum citharae: nihil virentes
 Parnassi moror amplius recessus.
 Sed nuda velut aridaque in vlmo
 Confidit viduus gemitque turtur:
 Vitam sic modo duco luctuosam
 Singultu, gemitu, dolore, fletu.

O! si pharmacon ipse nunc haberem
 Illud, quod Polydamna Thonis vxor
 Dono Tyndaridi dedit Lacaenae:
 Quod quum Telemachus bibisset, omnem
 Absterfo posuit dolore luctum:
 Nil illo mihi gratius daretur,
 Obluiscerer vt mei doloris.

At

At orbatus amore coniugali,
Quantum tristitiae et doloris hausi,
Tantum praeiuit his diebus, a te
Bembi mors mihi nunciata, luctum.
Illum numinis instar, atque tanquam
Linguae praecipuum decus Latinae,
Sum miratus: et ille me vicissim
Complexus iuuenem senex amauit,
Immortalibus extulitque scriptis.
Quare non minus, ac meam maritam,
Exstinctum doleo gemoque Bembum:
Cuius tres Charites, nouemque Musae,
Lugent interitum, simulque plangunt
Moeftis Adria, Tybris, Arnus, vndis.

Sed qui sanguine nos suo redemit,
Ambobus tribuat, precor, sepultis
Christus perpetuam beatitatem;
Longaeuam tibi prorogetque vitam.

AD DANTISCVM
EIVSDEM AD EVMDEM

Ex *Sabini* Poematibus, p. 331. Responsum *Dantisci*,
ibidem adscriptum, supra repetii, p. 155.

Paruum suscipe, Praesul, hunc libellum,
Quo te donat amans tui Sabinus.
Auro splendidus et niteret ostro,
Me blandis nisi mollibusque verbis
Festinanter et ocyus rogasset,
Vt, Dantisce, tuus libellus esset.

Exstat apud *Treterum*, loc. comm. p. 110. qui ab Senatore quodam Reip. Polonae confectum scribit.

Eloquio nitidus Praeful, clarusque poesi:
Tres illum Reges titulis auxere Poloni.
Munere Legati Icarias perfunctus ad oras,
Ingentes plausus famae et referebat honores.

IO. PETRI LOTICHII

Descriptum ex *Lotichii* Bibliotheca Poetica, P. IV.
pag. 48.

Carminis eloquium Dantiscus Episcopus auxit,
Testatus summos carmen amare viros.
Parce genus Diuûm, vates, incessere, Liuor!
Carmina nam Reges Pontificesque colunt.

STANISLAI GLANDINI
DE
IOANNIS DANTISCI
CARMINE PARAEN. HEXASTICHON
AD IUVENES

Illud pariter et eiusdem Tetrastichon, atque item Epigramma ad *Dantis* Musam, praemissa sunt Carminis istius editioni ab *Hofio* curatae, (Cracou. 1539. 4.)

Hunc tantum vatem, ingenua et generosa iu-
uentus,

Accipe, volue manu, menteque volue diu.

Non hunc vulgaris priuataque laurea cingit;

Cingit at hunc sacri laurea Pontificis.

Non canit hic Martis rabiem, Venerisque ma-
niam :

At canit hic Christi verba salutifera.

EIVSDEM TETRASTICHON

Praefulis haec varia et numerosa pericula cautos

Vos faciant: certa est cautio fida falus.

Discite prudentes vanis praeponere firma:

Discite, solum homines quidue beare queat.

EIVSDEM EPIGRAMMA

D A N T I S C I M V S A M

Q V A M I P S E V E T V L A M

F I N G I T

Siccine Parnassum vetulae tibi scandere durum est?

Qui fit, quod carmen tam bene molle canis?

Nae, quamuis vegetam, superas tu viuida Musam;

Sat, qualis nam sis, carmina culta docent.

GVIL. GNAPHAEI

DE

DANTISCI CARM. PARAENETICO

VERSICVL I

Ex eiusdem Parasceue, ad triumphum Eloquentiae, descripti sunt in Missu Prussico VI. p. 713. Sed quisquis fuit ille, qui descripsit, profecto aut animi ipse falsus fuit, aut in errorem ab *Andr. Charitio*, l. c. p. 37. abductus, quum eos de *Dantischi* Hendecasyllabis siue Phaleucis, ad *Georg. Sabinum* perscriptis, tamquam peculiari opere, vel alio quo adhucdum inedito, est interpretatus. Nam istos versiculos *Gnaphaeus*, rerum harum non indoctus aestimator, quomodo aut opus dixerit egregium, aut cygneum melos? Nec *Dantiscus* Musam, in iis, suam annosam finxit. Adhaec temporis quoque ratio non congruit. Quippe Hendecasyllabi scripti sunt An. 1546. *Gnaphaei* Parasceue aliquot annis ante edita. Sed conuenit, praeter cetera, temporis ratio Paraenetico Carmini, quod *Hofius* edendum curauerat An. 1539. Atque in illo Thaliam suam *Dantiscus* vetulam dixit. Vid. supra p. 89.

Proximus accedet plausor cultorque Ioannes

Dantiscus Praeful, plurima doctus homo.

Cui quantum sapiat pectus, qua Phocidos vnda

Sit solitus vates labra rigare bonus;

Arguit egregium, quod non ita nuper amico

Scripsit, opus Musae dexteritate suae.

Quam licet annosam fingat: tamen illius omnes

Cygneum dicunt voce sonare melos.

HIL. BARDELEPHI LEDAEI

EPIGRAMMA

Adiectum est *Dantisci* libello, de victoria Sigismundi I. Poloniae Regis, contra Vayeuodam Muldaviae, primum edito Parisiis, An. 1531. quaternis; deinde inserto *Schardii* Script. Rer. Germ. T. II. p. 1275.

Clara Sigismundi cui non victoria Regis
Audita est? cui non spesque animosque facit?
Et cunctamur adhuc? Neque nos vel Suada mo-
nentis

Dantisci toties, vel pia Musa mouet?
Si ter de fidei sic hostibus ille triumphat,
Et bis dena Dei millia sternit ope:
Quid faceret, si tota suos Respublica Christi
In Turcam Reges mitteret vnanimes?



LIPSIAE

EX OFFICINA BREITKOPFIA

Me

